

22

c

7

L'IMPIEGATO

*[Handwritten signature]*

6  
11-c M




6-11-c-102

~~22-c-6~~

22  
22  
c  
7







*Coll. Rom. Soc. Jesu*

IO. VICTORII

ROSCII L. C.

ROMANI



ORATIONES NOVEM.

PROBLEMA I.



ROMAE, Apud Aloysium Zannettum. 1603. +

*Superiorum Permissu.*

*Imprimatur, si placet R.P.M.S.P.*  
**B. Gypsius Vicesg.**

*Imprimatur*  
**Fr. Paulus de Francis de Neap. Socius Reueren**  
**dis. P.M. Sacri Palatij Apostolici.**

BERNARDO

MACZIEIOVSKI

EPISCOPO CRACOVIENSI

ET DVCI SEVERIENSI.



IO. VICTORIVS

ROSCIVS S. D.

**P**RAECLARVS, & laudabilis BERNARDE Princeps Clarissime à Patribus Societatis IESV instituendarum Scholalitarum vsus, non te fugit, quum Primariae olim Romanae Congregationi nomen dederis, eaq. in illam decursae Virtutis viae quasi vestigia imprefferis, ut memoriae, nominiq. tuo ingens adhuc honor habeatur. Hoc itaq. iuuandorum cuiusvis ordinis hominum studio concitati Patres, nouam quandam non multis abhinc

annis Sodalitatem in Domo Professæ ex nobilitate collectam instituere; in quam præter alias exercitationes, hanc etiam induxere, vt singulis quibusque mensibus vni è Sodalibus Sancti illius viri, qui forte Patronus Sodalitati Vniuersæ obuenerit, Virtutum earum, in quibus excellerit laudandarum Prouincia deferatur. Hæ partes superioribus annis mense mihi Iunio demandatæ sunt, imperatumq. est, vt de grauissimo Episcopi munere dicerem Basilio Cæsariensi Episcopo in Ecclesiæ illius solium, eo quondam mense recepto, satis luculentam de hoc præbente differendi materiam; ad quæ ædenda, quum piorum aliquot hominum hortatu, precibusque compelleret, diu reluctatus sum, verum quum magis ac magis yrgeret, cū alijs quibusdam orationibus varijs a me temporibus habitis coniunxi, & diu optatā tibi scribendi occasionem arripui: ardeo enim studio incredibili iam pridem amoris, & obseruantia, in te meæ tibi testificanda, quod et si satis tuarum splendor Virtutum eximius dum hic Romæ etas incenderit, eadem tamen ex remotissimis hisce Regionibus clariore

riore luce micantes, illustrioribus quasi radijs repercussum adhuc etiam ardentius inflammant. Deinde si ea, quae de perfecto Episcopo hūc in locum e Sanctorum Patrum monumentis collecta coniecimus, ea perfecti item Episcopi erant titulo cohonestanda, nemo ne in mentem venire mihi quidē poterat, qui Pontificijs Virtutibus vno te esset ornatior. Quid est porro tam splendidum in Episcopo, quam regia quaedam Munificentia, & liberalitas, a qua velut à Sole, clarissimum vndiq. splendorem diffundente, reliquae etiam Virtutes illustrantur, te autem Ecclesiasticas semper opes ad liberalitatem contulisse, testes plura sunt tuo munere instituta Coenobia, testes plurimi Viduarum greges, testes orbi parentibus Pueri qui tota vrbe conquisiti tuis sumptibus aluntur. Quid dicam de Vitae, & morum innocentia, in qua Virtutum aliarum quasi Principe, & Regina, tanta inest auctoritas, ac Maiestas, vt illi vni Multitudinis ad se animos alliciendi, & in officio cōtinendi potestas omnium opinione concedatur; haec à te quasi nouella, quaedam à puero consita plantatio, perpetua  
non  
tuoq.

tuoq. exculpta studio, adeo annorum decur-  
su corroborata aetate simul etiam ipsa cre-  
uit, & confirmata est, vt altissimis defixa ra-  
dicibus, nullis iam vehementioribus cupi-  
ditatum flatibus conuelli, & labefactari pos-  
se vereatur. Quid Seueritatem, Modestiam,  
Pietatem, quid minime vulgarem illam eru-  
ditionem, caeterasq. ingenij artes, animiq.  
tui ornamenta percenseam, quae Chri-  
stiana quadam affabilitate conspersae, te  
omnibus aequae carum, reddunt atque  
omni honore, & obseruatione dignissimum.  
Verum incommodo prope tempore in tuas  
laudes ventum est, quae sunt eiusmodi, vt  
non breuem aliquam epistolam, sed lon-  
giorem orationem desideret: Quare te obse-  
cro obtestorq. vt obseruatione in te meae per-  
petuaeque voluntatis meas hasce orationes  
quasi praedes accipias, quae si tibi diserto  
in primis homini, nec elaboratae, nec satis  
excultae videbuntur, erit humanitatis tuae  
aetati a qua prodierunt ignoscere, etenim  
fere omnes adolescens, nonnullas etiam pla-  
ne puer effudi, quas tamen si, eo, quod acces-  
sit studio, atque doctrina politiores elegan-  
tioresq. fortasse reddere potuissem, tamen

non

non me pessime facturum existimaui, si illas  
eo fere modo quo habitae tunc essent edi-  
dissem, vt satis inde quid primus ille, atq.  
feruens adolescentiae calor potuisset effice-  
re perspiceretur, deinde etiam quaeso, vt  
infantiam meam Gregorij excuses senten-  
tia, qui res diuinas non modo calamistris *In P*  
non inurendas, sed ne Grammaticae qui- *Mor*  
dem legibus, quasi terminis putat esse con-  
cludendas. Vale. Romę Non. Kalen. Sep.  
MDCIII.





# INDEX ORATIONVM.



<b>D</b> e Episcopo habuit in Sacello Sodalita- tis B. M. V. Assumptae in domo pro- fessa Societatis Iesu. 18. Kal. Iunij. 1600. pag. 1	1
Ad Academicos Parthenios habuit in Collegio Romano Sct. Iesui inisia in- stauratonis studiorum, quum inter- pretaturus esset illud Epigramma Iacobi Sanazarij. De mirabili Vrbe Venetiarum, 7 Idus Nouembris. 1585.	5
um De laudibus Geometriae habuit in Collegio Roma Soc. Iesu in Schola Physica antea quam explicaret Pro- na mathematicum 15. Kal. Decembris 1590.	65
tam Ad Aduocatos Cōsistoriales habuit in aula Gym- nij Urbis, quum Iuris Consultorum numero adscriptus e sexto Nonas Maij 1594.	90
clam De Spiritu sancto ad Clementem Octauum Pont. 15.	98
um De Christi Domini Ascensu ad eundem Clementē nt. Max. habuit in Aede D. Petri in Vaticano 17. Kal. nij Anno 1602.	113
nam de peccato habuit in aula Gymnasij Societatis su 14. Kal. Apr. anno 1586.	193
nam De Rethorica discenda habuit ad Romanos adole- ntes in schola humanitatis. tertio nonas Aprilis. 1585	218
am De Christi Matre Assumpta habuit in aula Gymna- Soc. Iesu. 18. Kal. Septembris. 1590.	230
lema Mathematicum.	261



IO. VICTORII<sup>I</sup>  
ROSCII ROMANI.  
O R A T  
DE EPISCOPO.



*Ad sodales B. M. V. Assumptæ in do-  
mo professa societatis I E S V.*



**E**T vestra, Sodales mei au-  
ctoritas quam in me sem-  
per habuistis imperat, &  
praesens hic dies horta-  
tur, quo sacra illa cere-  
monia solemnī religionē, &  
sacra Christianorum memoria celebratur,  
qua Diuus Basilius Caesariensis Episcopus,  
sacris Episcopalibus initiatus est, & Pontifi-  
cijs insignibus decoratus, vt in partem ali-  
quam curae Episcopalis campi tam late pa-  
tentis excurram; quem ego sane laborem,  
vtpote imparem ingenio, neque aetati ha-  
bilē meae facile declināsem, si alio loco di-  
cendum mihi fuisset vel aliorum iussu, hoc  
meis primum humeris grauissimum onus  
imponeretur. Etenim vereretur ne suspiciōe

temeritatis euitare nō possem, vel imprudentiae crimen effugere, si ego nullius prope auctoritatis homunculus ea de re verbum facere ausus essem, de qua vix illa veteris Eloquentiae, & sanctitatis lumina Basilij Chrysostomi, Ambrosij satis commode dixisse, & pro rei dignitate satis grauitur egisse existimantur. Verum, quum pro nostro vetere instituto, quo ad socios impellendos cohortatione sua in studium virtutis, & ad celebranda egregia sanctorum virorum facta indocti, infantes saepenumero vocantur, multa mihi vobis exponenda sint, quae sanctorum hominum monumentis includuntur, & quasi dispersa incertis sedibus euagantur, vestra pietate, & beneuolentia, eam tacite securitatem irrepsisse sentio, quae animum addere, timorem depellere, atque omnem animo suspicionem videatur euellere. accedit illud quoque causae, quod si in hac re liberius forte quippiam dixerō, quam mihi dicere per aetatem liceat, quum domesticis hisce parietibus quibusdam quasi custodijs nostra contineatur oratio, vel exire nunquam poterit, vel si quando dimissa invulgus emanauerit, non tam ex meo sensu deprompta esse, quam ex vestro, qui id mihi imperastis ore prodijisse videri fortasse poterit, quod vobis certe molestum esse non debet plurium rerum voluntatem,

tem, atque licentiam, quam vobis vestra,  
sponte praecidistis, nūc iam oratione quo-  
que vestra, imo potius lege, ac conditione,  
creptam esse. Neque existimauerit quis-  
quam nostris sacrosanctos compungi acu-  
leis Episcopos, imo omnes plane, qui nunc  
sunt tanquā Dei munere hominibus da-  
tos vehementer colimus, obseruamus, admi-  
ramur, & virtutibus pontificijs omnibus  
præditos esse credimus. illi illi nostris iacu-  
lis expetuntur, nostra in illos tela vibrātur,  
qui ne cogitantes quidem quam sit prae-  
ceps, & lubricus is, quem plerique expetūt  
amplitudinis locus, tanto ad eum ardore  
animi, & contentione feruntur, vt grauif-  
simos suscipiant labores, subeant fortunarū  
& capitis pericula, vt tanquam mercedem  
rerum gestarum consequantur, istorum tan-  
tam remorari celeritatem obiecta salutari  
ratione tentabimus, hos tanquam ferocis  
& exultantis equi effrenatos impetus pro-  
posita periculi magnitudine reprimere, ac  
retardare Deo bene iuuante conabimur. sed  
ad rem tandem propius accedamus. In-  
tuenti mihi saepenumero, fratres mei in-  
summorum hominum res gestas, qui per sin-  
gula tempora dati sunt Ecclesiae diuinitus,  
quaerendum esse visum est, quid esset cur re-  
cusatos à Basilio, Nazianzeno, Gregorio,  
& caeteris huius notae viris summa vi, sū-

maque constantia Episcopatus, alijs sæpe tē-  
pestatibus tantopere pleriq. cōcupiscerēt,  
sed diu cogitanti nihil occurrit nisi existi-  
mare animos honoris, & diuitiarum cupi-  
dos, quæ uæstus tantummodo rationem habe-  
re, magnitudinem rei, ad quam tanto impe-  
tu feruntur non expendere quas enim nisi  
has potissimum si recte ratiocinari volue-  
ritis, tam præcipitis consilij causas esse re-  
perietis? quum enim videatis viros omniū  
sanctissimos, & prudentissimos non modo  
omnium prope consensu, & voluntate Pa-  
storalis officij sibi onus impositum repu-  
diasse, verum etiam arrepta repente fuga, se  
se e conspectu illorum proripuisse, quorum  
iudicio, studioque, tam insigni dignitatis  
gradu decorabantur, at hos contra ignauos  
plerumque homines, cum ijs certe, quos di-  
ximus, nullo modo comparandos, caeca ac  
temeraria honoris cupidine concitados, mi-  
nimeque reputantes onera se imparia viri-  
bus suscipere, locupletes Ecclesias, & pin-  
guia sacerdotia vehementer expetere, sum-  
ma ope conquirere, cuncta miscere, ut asse-  
quantur, assecutos, in eorum bona atque  
fortunas irruere, non ne vobis maximo ar-  
gumento esse debet istos officij dumtaxat  
exteriorem honorem aestimantes, illudque  
non re ipsa, sed utilitate metientes, ad id  
certatim sibi studio omni adnitendum pu-  
tare,

tare, vbi aut spes uberior existeret, aut prae-  
mia, uel ad opes, uel ad dignitatem amplio-  
ra proponerentur. Denique non ne demens,  
inconsiderataque istorum temeritas, ita  
uobis clara, & illustris ostenditur, ut aciem  
uestrae mentis effugere nullo modo possit?  
si recordemini uiros omni uirtutis laude  
cumulatissimos, qui sacrae Christi naui  
gubernādae summa scientia praediti essent,  
ne uehementissimis laborum & molestiarū,  
quasi flatibus in illa pericula, ac tempesta-  
tes impellerentur iactis anchoris constan-  
tiae, & fortitudinis in tuto, tranquilloque  
animi demissionis, & modestiae portu con-  
sedisse, & eius regendae potestatem alijs  
laudemque concessisse, contra istos intuea-  
mini inscientissimos gubernatores nulla  
commendatione uirtutum, nescio qua ho-  
noris specie captos, & utilitatis, Ecclesiarū  
gubernacula, ui, gratia, precibus arripere,  
quas postea, vel misere euertant uel ad sa-  
xa scopulosque appellant. Ac ne illud qui-  
dem verum est Episcopatū ocio pacis diu-  
turnitate in Republica Christiana confir-  
mato non esse amplius illis fluctibus, qui-  
bus paene antea mergebatur obiectū, sed pe-  
riculis omnibus liberum rem quandam  
esse in medio positam, & industriae singulo-  
rum accommodatam. Etenim quantum-  
uis veterum sanctorum virorum, quos iam

antea nominaui sapientia, atque virtute, ita fractae, ac debilitatae sint impiorum vires, atque potentia, vt iam nullum ab illis tam acerbum, diuturnumque bellum expectari posse videatur, tamen non solum reliqui ferè omnes manent in praesentia labores, atque molestiae, quae clarissimos illos homines deterrebant, sed alia etiam addita sunt illis multo grauiora impedimenta, quae currentem retardare, & à proposito susceproque consilio reuocare, vel maxime possint: nã quo plus Ecclesia periculis, & metu magna ex parte leuata est, eo amplioribus diuitijs, atque opibus est aucta, quae quum sint pronis ingenijs maxima ad ignauia, atque ad luxuria incitamenta, verendũ est maxime, ne fortissimũ, quenque & seuerissimũ à labore, & continentia ad ocium, voluptatemque traducant. Ergo deinde corrupti hominum mores his praesertim temporibus prolapsi corruerunt, vt, qui refrendos, coercendosque suscepit sibi omnium difficillimam prouinciam procurasse censeatur. Quae si cui parua & contemnenda videatur, Deoque bene iuuante veterem in nouum statum continentiam proferre se posse confidat, & nefarios sceleratorum hominum impetus cohibere, quis regimen animarum, quod nunquam ab Episcopali vigilia seiungitur, quodque primum in eo

mu.

munere spectatur arduum, omniumque difficillimum negotium non esse arbitretur? Aspice multorum patrem natorum, in quantas voluatur assidue sollicitudines ita, ut distracto in varias curas, atque multiplices animo, quæta nunquam mente consistat, & accelerantibus senectutis incommoda molestijs adhuc iuuenis consenscat, & quæquam poterit occupationes, & curas Episcopales quasi leues, & nullius operis contemnere? quibus si totas, nec ideo suffecturas ponderi vires obtulerit, adeo earum magnitudine premi se sentiet, ut onus Aetna grauius sustinere se dixerit. Etenim Episcopo tot sunt liberi, quot subiecti, quibus singulis debet si probus, atque perfectus est caelestium epularum alimenta suppeditare, & Virtutum ornamenta comparare, ita semper anxio vigilique intentus animo sit, necesse est, ut somnum morantibus sollicitudinibus nullam partem quietis capere queat. Quis vnquam illam maximam, atque incredibilem vigilantiam, qua excubare debet animo Episcopus muneri, quod affectat præstare se posse polliceatur? nam si in Principe vitium, vel maximum est, qui quum vnus re omnia gubernet, tot vndique curis afficitur non ad multam noctem vigilare, quod *Homo illi.* dormienti Agamænoni sapienter in somnijs. *1.* Homericus ille Nestor obiecit, quanto id magis turpe erit in Episcopo, qui non quid-

quam aliud est si interpretari velis nisi Christi gregis observator, speculator, explorator & custos? cui non iam propter se ipsum, sed propter illos, quos conservandos suscepit suspicionē metuque suspenso in perpetua quadam quasi precationum assiduarū vigilia manendū est, cui insolita illa, atque inusitata amantis Iacob vigilantia sollicitudoque gregi Laban exhibita Christi ovisbus protegendis aemulanda est, ponite vobis ante oculos summam, ac pacis incredibilem illius in frigore, & fame, & siti, ac vigilijs perferendis patientiam, in laboribus sustinendis tolerantiam, ac perpetuam in proposito susceptoque consilio fortitudinem, atque constantiam, videor mihi illum videre dies, noctesque concursantem, semper excubantem animo, simul, & corpore, nec partem ullam capientem quietis, & modo canes in venientes feras immittere, captas modo oves, ex luporū faucibus eripere modo eas ad pascua ducere, aut pastas inde reducere, nulla detrectare pericula, nullo labore terreri, quæ si tibi desidi & negligentia inaudita fortasse, & tuas longe vires superantia videbuntur, iam quoniam te esse hominibus inferiorem agnoscis, diligentissimas vigilum canum excubias intueri, obstupesce, admirare: neque quum te simile quadrupedibus vitio tuo reddideris pigeat ab iisdē discere, quod tibi prodesse aliqua



qua ratione possit, inspicere quanta sint in-  
custodiendo grege fide, vigilantia, ne prae-  
sentia sua illū desertum esse pariantur, cunc-  
tisque sopore torpentibus acres noctu vi-  
gilias agitēt, nec praetereūtiū modo stre-  
pitu audito, sed quouis etiam spirantis au-  
rae sibilo percepto latrēt, venientes fures,  
luposque significant, insectentur, compre-  
hendant, multo magis providi diligentesq;  
animarum pastores adesse semper, vigilare,  
nascentes hominum cupiditates infringere  
& ab ouili circum quaque frementes lupos  
arcere debent, neque solum quum pecca-  
uerint homines, vel fures aduenerint cla-  
mare, sed quum verisimile erit eos peccasse,  
vel fures aduentasse etiam in suspicione la-  
trare. at si a tuis ouibus punctum quidem  
temporis oculos deieceris certo scias dae-  
monum eas quasi rugientium Leonum  
turmis inuadendas. Verum quum a Dae-  
mone haec tam pestifera tibi tui gregis de-  
serendi cogitatio iniecta est, non ne subiit  
illico admirabilis illa canum sollicitudo  
atque solertia? non ne tunc pudet te homi-  
nem, rationis participem, quemque ad con-  
silium omnia non ad appetitum referre par  
esset, in tuo munere, in tua vigilia, in con-  
seruandis ijs, quos Deus velut in arce tutis-  
sima in tuis posuit manibus, quorum spiri-  
tus ex te pender, a bestiis a canibus ratio-  
nis

nis expertibus longo interuallo superari? Iam vero quis illam summam atque exquisitam rerum, ac disciplinarum omnium notitiam, quæ vna vel maxime mole ruentem sua sustentat. Episcopum, velut inane quiddam, ac leue irridere valeat, ac pro nihilo putare? Si nemo ad Persarum Imperij magnitudinem aspirare posse putabatur, qui non ante Magorum disciplinam percipisset, nos illos hoc fastigio dignos arbitramur, qui numquã fere sint in bonarum artium studijs, doctrinisq; versati in quibus & ad extirpandas falsas de rebus diuinis opiniones summa sacrarum litterarum scientia, singularis occultissimorum mysteriorum, & a communi sensu abhorrentium notitia requiritur, & ad populos regendos perfecta iuris, legumque peritia, & plurima rerum humanarum cognitio, atque experientia necessaria est. tolle e mundo hunc, qui omnia collustrat solem, non ne luce detracta pulcherrimum etiam hunc rerum aspectum mortalium oculis eripi subito dixeris? sic etiam in Episcopo multarum ornamenta Virtutum iaceant in tenebris necesse est, nisi litterarum lumen accendat. Quis demum summam illam sapientiam, ac prope diuinam, qua non plurimorum priuatorum modo, sed vniuersæ christianæ Reipublicæ salutem maxime contineri statu

tuo

tuo, & de qua nūc breuiter omiſſis caeteris dicturi ſumus, non ſine grauiffima temeritatis culpa ſibi vindicare audeat, aut potius arrogare? Quum enim Episcoporum labor, & induſtria eo praefertim referenda ſit, vt quos regendos ſuſceperint eoſdem ad Dei cultum, ad veram Chriſti imitationem, ad modeſtiam, manſuetudinem, caeteraſq; Virtutes erudiant, proſecto neſas erit quēquam veluti tantae moli imparem tantum onus non modo ſubire, ſed impuras etiam illi manus admouere, qui non in vno quoque Virtutis genere praetantiſſimus re vera ſit, & habeatur, nā quum actiones vnusquisque ſuas ad illorum inſtituat, & moderetur exemplum, quos imitandos ſibi propoſuerit, quis repente non videat eum in id iniuſtitiae genus eſſe illapſurū in quod, eos irrepiſſe norit, quos imitatur? ſunt mores hominum, animique illi quidem per ſe aſperi, & flexuoſi, tortuoſiſque quaſi angulis inaequales: Praeſulum tamē iuſtitia, temperantia, caeteriſque virtutibus adaequandi, at ſi peruerſos improboſque morum, & diſciplinæ magiſtros adepti, ad illorū ſe ſe rationem accomodauerint, non ſuis modo exaequatis aſperitatibus, & ad boni aequi; planitiem redactis, quam par eſt aequabilitatem non conſequentur, ſed illorum etiam iniquitatibus, inflexionibusque etiā atque  
etiam

*Plutar. de* etiam detorquebuntur : perspicuū est enim  
*Doc. Princ.* tales fore semper lineas qualis erit regula  
 ad cuius normam diriguntur ; quis enim  
 non putet impurissimum semper eum, &  
 scelestissimum euasurum, ad cuius impro-  
 bam, peruersamque Naturam accesserit  
 etiam disciplina? quis illum existimet vitia  
 radicitus euulsurum, qui eadem exemplis  
 illo ipso tempore aluerit, confirmauerit,  
*Epist. 7.* auxerit? vt præclare dixerit Plato non ante  
 humanum genus peccandi finem facturum,  
 & eam, quæ ex conscientia recte factorum  
 exoritur beatitatem consecuturum,  
 quam Principes à quibus gubernantur to-  
 tos se ad Philosophiæ studium cōtulerint :  
 quum enim illam, quam sibi ipsi vnusquisq;  
 votis omnibus exoptat felicitatem, non in  
 pecuniarum copia, non in voluptatum il-  
 lecebris, non in splendore Imperij, & glo-  
 ria, non in opum magnitudine atque poten-  
 tia consistere sapientissimus quisque cen-  
 suerit, quod hæc imbecilla, & commutabi-  
 lia, eisque à quibus possidentur luctui sæ-  
 pe sint atque dedecori sed eam vere sitam  
 esse in imperando cupiditatibus, & recte  
 honesteque viuendo, nequaquam singula-  
 ri sapientia vir dubitandum esse duxit, si  
 princeps animum ad Philosophiam adie-  
 cisset, quin posset illico languentem, laben-  
 temque Populum, vel ad idem sapientiæ  
 stupium

studium excitare, vel à consuetudine peccandi deducere. Quid? non ne in xij tabulis scripta est lex illa prope diuinitus? qua senatorum & Magistratum ordo iubeur vitio carere, & caeteris speciem esse virtutis? intellexerunt nimirum viri omnium prudentissimi talem semper statum Ciuitatis futurum, quales principes essent Ciuitatis. Quid est deinde cur non existimemus rem tantam ac prope diuinam egregium quendam hominem atque admirandum efflagitare, qui hoc vnum opus vt ita dicam noctes, & dies vrgeat vt vitijs radicitus extirpatis singulorum animi in omni virtutis genere omni ex parte perfecti exornati, que reddantur; vt sapienter, vt caetera, seruator hominum Christus salem dixerit terrae discipulos suos quum sui eos officij admoneret: vt nimirum ij, quos omnium sibi Regnorum, & Prouinciarum Episcopos elegerat intelligerent, quam arduam, difficilemque prouinciã sustineret, nam vt cibi sale condiuntur ne putrescant, vel vt sint ad gustum periucundi, ita delicati mores hominum Episcoporum doctrina, sapientia, probitate quodammodo saliantur ne vitiorum corruptelis deprauentur, iisdemque maximarum virtutum quasi conditione perfectis, caeleste illud Beatorum animorum conuiuium exornetur, atque vt Conuiuij Dominus,

*Cic. l. 3. de Leg.*

*Matth. 5.*

Dominus, quum cibos non bene conditos reiecit a mensa, cenarum artifici, eiue ad quem id ministerium videatur pertinere, succenset, ita Deus communicata peccātis cū Episcopo noxa, tanquā in auctorem delicti implacabili contra illū exardescet iracundia, quoties sua desidia atque inertia, ē sibi subiectis aliquē sceleribus atq; flagitijs coopertum sempiterni supplicij pœna multari contigerit. sed inter plurima, eaque grauissima detrimenta rebus publicis per prauos antistites importata præcipue hæc à Gregorio enumerantur. ait enim primū, quod si repetitis memoria non solum inde vsque ab Ecclesiae Christianae primordijs sed etiam à primis Mundi nascētis incunabulis plagis omnibus grauissimis à Deo Regnis, & Ciuitatibus inflictis, Diuinae animaduersionis origo, atque principium inuestigetur, eandem semper ab illis tanquam à suis fontibus emanantia flumina descendisse reperiatur. Quum itaque iustus ille iudex Deus graues, & acerbis à nobis scelerum pœnas repetens eluione, Pestilentia, Vastitate, Bello, ac seditionibus Humanum genus afflixerit, præcipuam publicae Populorū calamitatis originem Episcoporum ignauiae, ac negligentiae referendam plerumque esse ex Gregorij sententia quis dubitet? quibus cum eae demandatae sint partes

*Greg. I. Past.  
te Pass. c.  
xi.*

*Paul. ad  
Heb. 5.*

partes ut pijs nos Deo precibus, & sacrificijs conciliatos ex imminentibus supplicijs eripiant, si à suo munere eo tempore destiterint, quis non videat fore ut illico Praesulum patrocinio destituti scelerum poenas Deo repetenti iustas, debitasque persoluamus? Quoties Deus Populum Israelis gravissimis calamitatibus afflictum, nec tam resipiscentem funditus delere constituerat? quod certe perfecisset, nisi Moyses summa ope, atque ingenti studio Populi defensione suscepta ad Deum supplex orasset, ut aut veniam populo daret, aut sibi vitam eriperet, quasi furentis impetum, cohibuisset, & graviter in sententia permanentem à suscepto consilio discedere, quodammodo coegisset? Quem sane eximia illa, ac prope diuina Pauli caritas aduersus eos, quos ad Christi fidem adiunxerat maximam in admirationem, non impellat, qua adeo amantis animus deflagrauit, ut omnem doloris, & acerbitatis sensum excutiente membrorum incendio, non modo ultima pro illis se se passurum, affirmauerit, sed ut mortifera ab illis Anathematis pestis auerteretur, Christi exemplo, quem ipse tantopere imitari studebat, eundem in se transferri constanti voluntate concupierit. sic se profecto res habet ut nisi secundis Praesulum deprecationibus cohibeatur,

*Exodi.**xxxij.**Ad Rom. ix.*

beaturn, diuina fere fit propter hominum,  
immania facinora implacabilis iracundia,  
Quare tibi quem Deus ex hac communi  
nostra humilitate detractum in proximum  
sibi in terris locum euexit, vt caeteris pro-  
pinquior auxiliũ ab illo imploraturus prae-  
sentia Populi tui pericula sibi omnia defe-  
ras, & imminentium malorum felicem  
quaeras euentum, tibi inquam exonerata  
peccatorum mole conscientia tua, & recon-  
ciliata tibi ipsi Numinis voluntate Pax est  
à Deo pro tuis quibus exquirenda, iam non  
est amplius tuis tibi commodis consulen-  
dum, sed omnibus animi oblectationibus  
nuncius remittendus, risus, cantus, om-  
nisque inanis abijcienda lätitia, sed vt sin-  
gulorũ vniuersorumque peccata deplores  
luctus, mœror suscipiendus est, & perpetuis  
lacrimarum fontibus deductis animabus,  
quae tuae sunt fidei creditae illuue Pecca-  
torũ, aeternisque sordibus squalidis, saluta-  
ris quasi lauatio praeparanda est, precibus  
lacrimis ira caelestis propulsanda, his ar-  
mis nostra causa tutanda, hac vi irruentia  
in nos mala inhibenda, nullus est tibi dies,  
nulla hora tot curis vrgentibus, non ad vo-  
luptatem modo, sed ne ad quietem quidem  
(prope dicam) concedenda, nec mirum, ma-  
gna res agitur, tua enim ac nostra salus in  
te vno sita est, tecum vna periclitatur; si  
ynas



ruas ipse ad interitum, eos etiam qui imperium, nutumque sequuntur, tuum trahis in casum. quisquis nostrum perit tuo maximo damno perit, tu pariter vnus communis culpae reus substitueris, prope vni tibi tanta iactura tribuitur. vide igitur si cessaris, si a precibus, si a lacrimis, si a sacrificijs, ieiunijsque destiteris, quid misero tibi, quid nobis omnibus futurum sit. Age vero alterum etiam damnum, quod pernicioso Episcoporum exemplo Christiana Respublica contrahit cognoscamus, quod sane non est superiore aut minus graue, aut minus acerbum. Vetus Diabolo mos est, quemadmodum spiritales viri, qui cum illo saepius conflixere testantur, vt fere non se nobis palam inimicum esse profiteatur, neque prouocatos ad pugnam aperto, aeque loco cominus aggrediatur, sed ex occulto, & de insidijs per occasionem adortos acerrime infestis tentationum telis inuadat. Quum enim se nobis auxilijs de Caelo comparatis, robustioribus longe viribus imparem esse sentiat, minime veretur, quin si infirmissimo etiam cuique occurrerit, ea vi repellatur, vt protinus cedere, pedemque referre cogatur: itaque in genus humanum hac saepe via grassatus est, vt Mortalium plerosque funesta clade deprefferit. Verum ex multis ad nos decipiendum idoneis op-

B

portu-

Greg. II.  
Mora. xvi.

portunitatibus, nullam auidius arripit,  
quam eam, cum Episcopos ad ocium volup-  
tatemque conuersos, in aliquod vitium,  
delapsos animaduertit, imo nulla Daemo-  
num ope, ac ministerio persaepe cōtingit, vt  
quae illi vitia cōceperint, eadem perse ipsa  
in omnes infundant; nam quemadmodum  
exceptum ore venenum se statim in cor re-  
cipit, & venis inde contractum, in omnes se  
se corporis partes illico diffundit, ita vbi  
scelus est imperantis animo conceptum,  
tanquam diluta venenis potio in vulgus,  
velut in corpus illabatur, serpensque per  
omnium propemodum perquadit animos,  
& probos illorum mores sanctissimosque  
corrumpit. Quid enim tam deforme repe-  
riri potest, quam illos quorum exemplo,  
atque virtute ex ijs quibus obstringimur  
vitiis laqueis exolui nos oporteret, ijs-  
dem turpiter ipsos obligari? Quid tam  
foedum existere, quam illos ipsos, quorum  
integritate vitae & innocentia, effrenatae  
cupiditates hominum contineri deberent,  
in aliqua libidine se totos effundere? Quid  
Constantiae tā contrarium inueniri, quam  
institutionibus, atque praeceptis, se virtu-  
tis amicum, & vitiis hostem profiteri,  
moribus autem cum istis coniunctissime  
vivere, & vero cum illa acerrimum crude-  
lissimumque bellum suscepisse? quid magis  
illa

illa oratione ridiculum excogitari, cuius mira sit cum dicentis vita, incredibilisque dissensio? Qua fronte, quo vultu aliorum frangere libidines audebunt, qui cupiditatibus ijsdem teneantur? quo animo, quamente, de contemnenda gloria, & de rerum humanarum despicientia verba facturi sunt: quorum animos insatiabilis, & infinita illa honorum, & diuitiarum cupiditas excacauit? Quid si permulta sunt crimina, quorum tanta cum illo quem persequeris societate copuleris vt reo non minus perditus ac nocens videaris? quid facies? id ne alteri obijcies quod multo in te grauius retorqueri atque conijci possit? id ne alteri crimini dabis in quo te turpiter versari illo eodem tempore arguaris? audebis ita alterius demonstrare peccata, vt tua quo minus indices recusare possis? tu ne dicat fortasse quispiam etiam si honestati non conuenienter satis tamen ad rei veritatem apposite, tu ne me inquam tanta vocis contentione, & verborum grauitate maiori ad virtutis amorem inflammare, & ad temperantiae studium excitare conaris, quum omnis apud te prorsus temperantia iaceat, omnisque propemodum virtus extincta sit? speras ne aliquid momenti oratione tuam ad impellendas quo velis voluntates, aut vnde velis deducendas habituram quum

tua impurissima vita, inquinatissimique mores quaecumque doceas euertant? putas ne speciosissimas illas tuas rationes, quibus persuadere mihi conaris ingenti alacritate, ardentissimo studio, infinito assiduoque labore virtutem esse amplectendam apud me plurimum valituras, quas a te non verbis, sed re ipsa, non contrarijs sententijs, sed factis, non modo contemni, sed etiam infringi, & labefactari conspiciam? talem ipsum te antea praeſta, qualem me esse vel maxime cupis, vis me ad tuae admonitionis praescriptum mores meos accomodare? tuos ante ad tuorum normam praeceptorum informa, quascumque tu mihi leges imposueris tu te easdem subire ne recuses, ut enim currentis equi impetum reprimere non facile poteris, si eundem summa corporis, & vocis contentione laxatis habenis, admotisque calcaribus ad cursum concitaueris, ita neque ferocitate exultantes, longiusque euagantes animos intra recti terminos continueris, quos exemplis quibusvis stimulis acutioribus incitatos ad peccandum incenderis. Si quid auare, libidinose, vel crudeliter factum a viro religioso, intelligeres, non ne subito armari iura gladio imperares? non ne parum in poenam improbitati illius, & audaciae putares esse omnes omnium suppliciorum acerbitates vel

vel quidquid tormentorum summa Tyranni alicuius excogitauit immanitas? si igitur tam seuerè in illo scelus aliquod vindicandum esse censes, cui non est aliud quippiam in vita propositum, quam eniti, atque contendere quam maxime possit, ut summam perfecti viri laudem consequatur, credis tibi homines temperaturos? putas ne tibi defensionem vllam patrocinatorum, quo minus communi iudicio condemnaris, si non modo in auaritia, atque libidine indomitas cupiditates, atque effrenatas habueris, verum etiam si in aliquo eius modi vitiorum genere vel minimum a religione officij declinaris? quum non tibi iam communi voluntate virtutis & officij recte sit, honesteque viuendum, sed ea magis ratione, quod propter singularem opinionem sanctitatis, & innocentiae tamquam arcem perfectionis quandam tot virtutum praesidio, tantoque comitatu tenere te vulgus existimat, quorum inde non modo viribus atque potentia, verum etiam conspectu signorum & armorum effuse inuehens se se vitiorum agmen propulsetur. Atque adeo verum est animarum pastores diuina paene virtute, & omnibus numris absoluta egere sapientia, ut quae vitia in priuatis hominibus quasi in obscuro delitescantibus tolerari soleant & probabili ple-

*Chrysoft.* rumque excusatione defendi, eadem quum  
*Omel. ij. in* insunt in Episcopo intolerabilia, & omni  
*ac. Ap.* prorsus indigna defensione iudicentur, quis  
 est enim tam iniquus ad versus nos iudex,  
 qui si quid iracundia nos priuati deliquerimus  
 addo etiam si ea nimium elati longe  
 modum exceßerimus propter deprauatae  
 naturae conditionem non id nobis condo-  
 nandum putet? at nullus ita indulgenti erit  
 animo qui Episcopo efferuescentis irae im-  
 petum non cohibenti ignoscendum existi-  
 met? Scilicet iracundiae vitium eius ag-  
 grauanti fortuna & in superbiam crudeli-  
 tatemque vertente quum modum hominis  
 excedens omni prorsus fere etiam supra hu-  
 manae Naturae vires debeat animi pertur-  
 batione carere. Fabulati sunt Poetae tan-  
 ta proceritate e terra motem excescere ut  
 propter immensam paene altitudinem, qua  
 Caelo finitimus videtur Olympū vocaue-  
 rint in cuius cacumine tametsi latera nubi-  
 bus, ventis, imbribus, caeterisque tēpestatibus  
 assidue pulsanter, tanta semper est quies,  
 ut quas in pulvere, vel in cinere notas in-  
 sculpservis, easdem longo interuallo, eodem  
 reuertens integras illibatasque reperias, ea-  
 dem plane ratione tantam debet Episcopus  
 qui apex est hominum omnibus in rebus  
 tranquillitatem, constantiamque seruare,  
 ut cum illa pars animi, quæ rationis est ex-  
 pers

*Salust. in*  
*Conui. Ca-*  
*sili.*

pers digladiantium inter se cupiditatum, conflictu verberetur, nuquam illa in qua quum ratio insit, est altera excelsior, atque sublimior perturbationum vi, motuq. percussa frangatur, & optimæ ac salutare in ea leges inscriptæ gratia, metu, cupiditate, alijsque animi motibus deleantur; quid enim aut turpius fieri, aut dici potest, quam illos, qui hanc personam susceperint, ut ira laborantibus succurrât, ægris cupiditatum morbo medeantur, grauibus vitiorum oneribus profligatos extollât, quæ quasi Montium nubes excedentium cacumina, aut edita in mari rupes vim ventorum, tempestatumque infra se furentium, vel eius infima verberantes vndas aspiciant, eosdem inquam cupiditatum instar aliorum ceteri sentire, totosque perturbationum fluctibus operiri? denique in ira; cupiditate ita labi, ut alijs miserandi, alijs irridendi, alijs etiam omni supplicio digni esse videantur? At incidunt sæpe tempora, quum obiurgationes suscipiendæ sunt, & improbi, ac facinorosi nisi dicto audientes sint Ecclesiasticis etiam censuris, & poenis persequendi; sed omnibus animi motibus ita vacandum est, ne aut ira existat, aut odium, aut acerbitas aliqua in castigando, obiurgandoque appareat; atq. adeo in vniuersum nõ tã præceps ad seueritatem quam propensus ad misericordiam

esse debet, aqua nō est sine graui causa discendū . Quapropter sapienter facturos eos existimo , qui in hoc genere castigandī Medicorum consuetudinem sibi imitandā duxerint , qui quoties alia spes reliqua est nunquam ad vrendum , vel secandum , accedunt ; quid enim tam periculosum est , quid saluti magis contrarium , quā quum relictus est lenitati locus , obiurgationes , cæteraque acriora remedia ægrotis animis adhibere ? nam ita difficile est viro prudentia quantumvis prædito , vbi obiurgationis acerbitate velut aculeis quibusdam fodicatur , ira non efferri , vel quum contumeliarum quasi facibus aduritur non exterre-ri , vt fieri vix potest læsum quempiam tacere quum doleat . At eo inquit nos necessitas adduxit , vt omnino expediat obiurgationibus vti . Veruntamen quoniam multa ad obiurgantis similitudinem a Medicorū arte sumuntur , ad illorū mediocritatem temperantiamque referenda esse omnia arbitrarer , nam quemadmodum illi , in ijs medicatis potionibus , quæ pharmaca vocant non amaros tantūmodo liquores infundunt , sed sapores etiam dulcissimos instillant , quibus haustis id , quod est etiam amarum , quodque est per se ipsum reformatidandum absorbeatur sic castigationis asperitas , ita est clementiæ lenitate temperanda



randa vt eius lenocinio libenter etiam illud ipsum, quod acerbitalis habet obiurgatio suscipiatur; quod in caelesti illo animarum medico optime licet contemplari, qui cum aegrae illius Samaritanae mulieris sanandae partes suscepisset, non est illico quum posset in impudicos eius mores inuectus: sed suauitate sermonis, quasi castigationis amaritudinem permulcens, eo illam adduxit, vt palam vltro errorem suum ipsam fateri coegerit. at videte quanto haec artificio conflata sit, & constet oratio. bene dixisti quia non habeo virum quinque enim viros habuisti, & quem nunc habes, non est tuus vir, scilicet quam prius tamquam veritatis amantem laudauerat, eandem vt parum honeste pudicitiam habentem reprehendit. Sed vt eo vnde digressi sumus aliquando reuertamur, quid est ad humanam societatem tuendam accommodatius, quid aptius ad conciliandos inter se hominum animos, quid ad relaxandos utilius, quam quum amicis crebra conuiuia, maxime si nec profusa, nec immoderata sint, at haec sunt auctore Gregorio Episcopis interdicta. Quod si quaecunque sacrarum litterarum monumentis consignantur, ita sunt diuino spiritu quasi succo repleta, vt sub narrationum corticibus, plurima spiritalia sensa, quasi medullae contineantur, ita frugi-

Io. iij.

Ii. Mor.  
xvi.

Iob. 1.

Greg. ibi.

frugifera & fructuosa, vt exinde non modo valeat antiquitatis memoria, & rerum gestarum ordo teneri, sed plurima etiam possint, ad Christianam vitam nobis necessaria documenta depromi; Profecto, quid aliud Spiritum Sanctum voluisse putamus, quum nequissimum humani generis hostem filios Iob viri sanctissimi in fratris domo natu maximi, nec splendida nec lautissima conuiuia celebrantes aedium ruina oppressos necauisse prodiderit? nisi nos cautos prouidosque Daemonis astutiae, & calliditatis efficere, qui nullam sibi aequae idoneam facultatem ad hominum subditorum animos perturbationū pondere confringendos, necandosque oblatam existimat, atque illam quum praefectos illorum luxui se, & inertiae dedidisse animaduertit. At enim, quid arctam tantaque religione adstrictam Episcopi vitam amplius contrahis in angustumque deducis? vt illi tanquam iniquus Iudex hisce animi oblectationibus iure omnibus concessis, interdictum esse velis? non ne Basilium, Nazianzenum aliosque, quam plurimos amicorum inire conuiuia, olim solitos fuisse accepimus? non ne homines etiam si curarum plenissimi, etiam si occupatissimi sint, tamen si homines sunt, interdum animis relaxari oportet? equidem Episcopos grauissimos, atque sanctissimos modicis

modicis interdum conuiujs vſos non negauerim; ſed eadem ita rara, ita moderata, erant, ita quum honeſtatis ratione coniuncta, vt non tam eſſent libidinis, luxuriæ, intemperantiæ teſtimonium, quam modeſtiæ, Parſimoniae, frugalitatis exemplum quæ diuinitus in illis dicebantur, quæ cogitabantur, quæ ſapienter tractabantur? ſacrorum myſteriorum arcana obſcuritate quaſi tenebris obducta illuſtrabantur, multa aduerſus Haereticos copioſe, & erudite diſputabantur ad illud caeſte conuiuium, vbi beati delicijs ſempiternis perfruuntur mente & cogitatione ipſa rapiebantur; ita vt non tam corpora eſcis reficerentur, quã animi ſpiritualibus colloquijs, & caeſtium rerum cogitationibus alerentur. quod vero minimæ etiam noxæ, & leuiſſima Episcopī delicta optimum Ciuitatis ſtatum labefactare, omnemque ſanctiorem inorum diſciplinam euertere queant, res eſt conſideranti non obſcura; nam quum debeant vitæ aſperitate, & ſanctimonia naturalem humanæ cupiditatis quaſi impetum cohibere, eidemque conanti prorumpere vndequaq; eruptionis iter intercludere, ſi quem illi aditum priſtinae illius innocentiae, & auſteritatis remiſſione, quamuis anguſtum ipſos aperire contigerit, futurum eſt totus vt illico ſumma vi, ſummoq; conatu ruptis  
fere

fere vndiq; impedimentis omnibus erumpat; ea plane ratione ac si e molibus in-  
 amnium ripis ad coercendos fluctus extru-  
 ctis exiguis licet lapis detrahatur quis non  
 videt illos quantumuis ingentes saxorum,  
 lignorumue oppositu, diu retentos, ac re-  
 tardatos, aperta ad effluendum via, acrius  
 quam si libero cursu mearent eua suos, &  
 circumiectos vnde quaque campos magno  
 strepitu aquarum inundaturos? quae dein-  
 de eadem magnis validisque aggeribus con-  
 tineri, aut aliorum auerti vix poterunt.  
 Iam vero quid est corruptis Præsulū mo-  
 ribus ad irritandas, illicitasque immodi-  
 cas voluptates, ac commodatius? Quid ita?  
 quod cum vita illorum in conspectu Populi  
 ita posita sit, vt tanquam excelsō, atque il-  
 lustri sita loco oculos omnium nihilomi-  
 nus effugiat, quam impositum candelabro  
 lumen, vel Vrbs in summo montis cacumi-  
 ne collocata, idque sibi imperita hominum  
 multitudo, quasi suo iure vindicet, in quod  
 tanquam in possessionem suam eos irruis-  
 se, qui imperant suspicantur, & Naturā sic  
 se habeat, vt vitijs facilius, quam virtuti-  
 bus mortalis animus imbuatur, ex his effi-  
 citur; vt Pontificum cupiditatibus quasi  
 morbo tota Ciuitas inficiatur. Sed sit ita sa-  
 ne vt narras, appetitum inquires libidinis  
 meum, & inquinatam vitiorum sordibus vi-  
 tam,

*Maib.v.*

*tam, mortalium aspectui subductam simulationum latebris, atque recessibus abscondere, & occultare quid me prohibebit? tua te scelera prohibebunt, tui te corrupti mores indicabunt, tua ipsa flagitia, suis ex latibulis in apertum prodeuntia se non modo in animis aliquorum, sed etiam in oculis conspectuque omnium exponent. putas ne facile tibi futurum in potestatibus temperare, quum in priuata vita luxuria omni-que intemperantia diffluxeris? quid est profecto ad cupiditates hominum illustrandas, palamque faciendas instructius, quam publica munera? nam dum in priuata vitæ quasi tenebris delitescit, facile est sua cuique vitia suppressere: ubi vero in editissimo fastigio, ut luceat omnibus collocatur, sic se ipsa prodant necesse est, ut ex eo simulationis specu in quo se occuluerant, erumpentes omnium oculis luce clarius conspiciantur. Immo vero ut per difficile est perito quantumvis homini cognoscere ytrum vitiosa sit amphora, antequam humore aliquo repleatur, quo per rimas egrediente quidquid insit in ea vitij significetur; ita etiam cupiditates eousque nostras facile dissimulauerimus, donec illa quam Magistratu, vel honore nacti erimus auctoritate, atque licentiam, per prauæ alicuius consuetudinis quasi hiatus quosdam dilabatur.*

tur. Quare hoc saepe usu venire solet, ut quæ mala ab Episcopo in vulgus emanarunt, quæque ab initio minima, ac tenuissima videbantur, ita paulatim paruis hisce initijs orta peccandi consuetudine corroborentur & crescant, ut maxima, ac validissima nescio quo pacto breui temporis spatio efficiantur; si enim è summo illorum montium fastigio, quos perpetuis obsitos niuib. intuemur parvus niuium globus vi ventorum euulsus ad ima decucurrerit, adeo dum deorsum præcipiti fere lapsa deuoluitur multarum collectione niuium excrescit, ut anteaquam ad montis radices deuenisse in immensum prope orbem conglobetur; ita etiam quodcumque in Episcopo vitium extiterit, cuius dignitatis celsitudo paene in immensum euecta, cæteris omnibus humanis honorum gradibus infra eius fastigium subsidentibus eminet, ad inferiores repente descendit, & tum usu, & exercitatione, tum etiam quia vulgus inolescere per licentiam solet, ita in dies ingrauescit ut ex paruo tolerabilique maximum, ac plane intolerandum euadat. Quid potest nebula rarius, quidue subtilius inueniri, quæ toto diffusa Cælo, & ad veli similitudinem extensa dispergitur, aut quis non illam ad arbores, fructusque recreandos immixtam potius arbitraretur, quod sit illi  
tanta

tanta cum rore, pruinaque similitudo, vt nihil praeter humorem continere videatur, ea tamen natura praedita est, vt quasi abditis, inclusisque sub contrariae naturae specie ighibus, frugibus, & fructibus deprauando, vel exiccando plurimum possit obesse; ita etiam cum frequentibus ludis, conuiujsque delectatur Episcopus, vt nihil aliud, praeter animi oblectationem, honestam quaesisse videatur ijsdem tamen non sine magna pernicie populorum vtetur. Vt enim terrae sterilitas siue foecunditas Caelo accepta refertur, nam maturis imbribus mollita, & solibus tepesfacta tepestiuis, magno semper cum foenore reddet, quod acceperit, at contra si perpetuis tempestatibus obrueretur vel de Caelo tangeretur, non modo fructus nullos procrearet, sed illico ipsius quoque terrae deflagratio, atque extinctio consequeretur, ita vberes seu steriles animorum fructus Episcopo iure erunt optimo tribuendi, qui cum Caelo non incommode aequiparantur a Gregorio quod non solum deletis prorsus ex animo rerum fluxarum imaginibus, totus debeat in caelestium bonorum cogitatione defixus haerere, sed etiam sicuti Caelum, quod cuncta, quae infra ipsum sunt sua luce lustrat & complet, erroris, & ignorantiae tenebras suo lumine discussurus, clarissimum quasi

11. Mor. 26.

Deut. 12.

quasi iubar doctrinae sanctitatisque praeferre. Moyses illae sumus Hebraeorum Antistes, quum Sacerdotes & Populum Israel vniuersum ad concionem aduocasset, quibus aut Dei voluntatem aperiret, aut obfirmatas in scelera voluntates constitutarum improbis poenarum formidine ad Virtutem permoueret, ac flecteret. Attende Coelum, inquit, & loquar, & audiat terra verba ex ore meo; Quid enim ait Gregorius per Caelum nisi Sacerdotalis ordo, quid per terram, nisi reliqua ciuium multitudo designatur. Quare quidquid inerit in Episcopo vitij, id ab ipso veluti e Caelo in Populum tanquam in aliquas terras delabi necesse est, quo vniuersus corrumpatur, Maximum illud Inuidiae quo Christus conflagrauit incendium, quod nec suo sanguine potuit, nec ipsa morte restingui, quid aliud profecto, praeterquam impius Iudaeorum furor excitauit Sacerdotum & Fariseorum furoribus inflammatus? qui tentatis rebus omnibus, vbi spes cunctas conspicati sunt in irritum vertere nihil aeque efficax ad vulgi odium concitandum inuenere, atque suae impietatis exemplum quid enim aliud impia vox illa significauit numquid aliquis ex Principibus credidit in eum aut ex Fariscis sed turba hac quae non nouit legem maledicti sunt nisi quocumque illi incubuerint, quorum



quorum dignitate, & auctoritate sacrarum  
litterarum notitia & diuinæ legis scientia  
sustineatur, eodem cæteros inclinare ne-  
cesse esse? quoque illi, quos sibi morum ma-  
gistros depoposcerint, vitæ duces accla-  
mauerint, arcanorum mysteriorum inter-  
pretes elegerint iuerint contenderint ve-  
la panderint, eo se se cunctis incitato stu-  
dio conferendum esse admirabili consensu  
conspirandum ac prope conflata voluntate  
velificandum? quasi ijs, qui insolita illa, ac  
plane pusillas humani ingenij vires exce-  
dente doctrina victos se esse faterentur ita  
responderint; Nos, qui in Sinagogis quasi  
clauum tenemus ex Ecclesiae naui deiectū  
illum in turbulentissimos popularis inui-  
diæ fluctus deturbauimus, vos autem eo-  
dem, quo præcipitem eum eiecimus hu-  
meris reportatis? nos in obscuris abditis-  
que legis mysterijs illustrandis diuino qua-  
si lumine perfusi, illius doctrinam ve- Luc. 9.  
lut inanem, falsam, & Molaycis sanctioni-  
bus contrariam iamdudum explosimus;  
quid vos nulla scientia diuinarum rerum  
exulti nec vllis legis præceptis imbuti il-  
lam tantopere amplectimini? nos qui Dei  
beneficio, ac munere tantam eiusdem effe-  
ctorum peritiam callemus vt hic in terris  
nescio quid diuinitatis iam habere videā-  
mur, tanto ante denunciamus hæc Christi  
C                      mira-

Lucæ II.

miracula non ab ipsa diuinitate prodire, sed diabolicis ex artibus manantia mortaliū & maxime imperitorum oculis illudere, quid vos horum omnium ignari has repente nugas ita vehemēter admiramini? Vos perfidi legis antiquae religionem vestro scelere violabatis cuius vos tametsi verbis defensores acerrimos profitebamini vestra tamen plurimum à factis distabat oratio, vos miseros vestra illudit impietas, quos tamquam si offusa oculis sempiterna nox esset clarissima Christi diuinitatis luce priuauit: vestra temeritate atque superbia effectum est vt, quod vos illustrare debebat lumen, illud à vobis tamquam ab indignis auerteretur, totumque ad humiles atque abiectos homines effunderetur à patre luminum: ita vt caeca, ac perpetua caligine vestra obducta mens non modo iam nulla fidei Christianae mysteria perceperit, sed qua praedita erat rerum diuinarum notitiā amiserit. Sed quid ego his testibus vtor quasi res dubia aut obscura sit? Quorundam Episcoporum vita libidinis & auaritiæ sordibus inquinata tantam Christianis rebus plagam imposuit, quantam insequentes liberalitate, & temperantia sanare per multa saecula non potuerunt. Doletis mortaliū plurimos varios in errores inductos? prauus induxit Episcopus. ingemiscitis Regna,

Io. 9.

gna, atque Nationes à fide, à Religione, à Veritate defecisse: eadem quoque Episcoporum culpa defecere, quae dissolutis suorum Antistitum moribus, atque licentiae nimis pertinaciter infensae, & aegre ferentes eo se capiti subiecisse à quo in reliqua membra nihil nisi pestiferum illaberetur, absciderunt se ipsas à corpore Ecclesiae, eique per scelus, & audaciam impium atque noefarium bellum indixerunt, adeo ut Gregorius cognomento Theologus Praefulum vitia mortalium animos tanquam venenis malis imbuentia Pestilentiae, & fullonum coloribus comparauerit neque enim citius rudis aliquis pannus, colore, quem combiberit infici, aut animantium corpora pestilentis Coeli aspiratione furentis, ac debacchantis morbi grauitatem inuenis, atque visceribus concipientes, in mortiferam tabem incurrere, quam corrupti Pontificum mores in intimos animorum nostrorum sensus, atque recessus penetrare, se seque infundere soleant. Verum antiquus humani generis hostis, ad impediendos Christianorum in solida virtute processus nondum iisdem nos criminibus, quorum conscientia summo sacerdotio praediti stricti tenentur, obnoxios reddere studet, sed ex ipsis pietatis actionibus, in delicta grauissima turpissimaque impellere flagi-

In Oratio-  
ne post Re-  
ditum ad  
Epis.

tia non veretur. Etenim quū caeteris mortalium adhibenda sit quaedam reuerentia, aduersus homines, & curandum magnopere, quid vnusquisque de se sentiat, tum haud scio an alicui magis, quam Episcopo: verum hoc ipsum vt ferè caetera omnia, quae pertinent ad mores recte componendos cautionibus, quibusdam quasi cancellis inclusum retinetur: nam quotiescumque Christi gloria, & salus animarum concurrere, cū gloria, & salute nostra videatur, subeunda nobis potius est, quaelibet vel acerba conditio, quam committendum, vt nostrae exultationis, & incolumitatis, ratio quā diuinæ gloriae, & proximorū vtilitatis cura nobis potior & carior fuisse videatur. Potuit ne quisquam sanctior, vel innocentior Christo Domino reperiri? quem porrò vnum sacrae litterae sanctitatis exemplar extitisse testantur, eiusque ope, & auxilio, cunctos, qui se in studio castitatis, exercēt, voluptatis illecebras, & carnis incitamenta contemnere didicimus: deinde quibus nam diuina illius virtus notior esse poterat, atque perspectior, quam ipsis Apostolis? quibus quotidiano eius conuictu fruentibus, castissimos eius mores, & virginalem illum oris pudorem perpetuo contemplari licebat, vnde postremo misso tamquam in iam maturam messem diuino gladio elo-

qui

quij, vberiores animarum fructus reporta-  
uit, quam ex Samaria Samaritanae illius  
mulieris ad Deum conuersionis occasione?  
quum idem ipsae Samariae regiones Euan-  
gelium non repudiaturas, segeti spicis vber-  
rimis, & annua maturitate albertibus con-  
fertae comparauerit: magnam tamen Apo-  
stolorum animis insolitus ille cum mulier-  
cula congressus admirationem excitauit. Io. 4.  
Ex quo maxime, id, quod diximus emergit,  
debere Episcopum, quoad eius fieri possit,  
& recta ratio patiatur, non modo crimen  
ipsum sed criminis etiam suspicionem ef-  
fugere, quum eidem bene gesta, & summa,  
cum animarum vtilitate perfecta, nonnum-  
quam vitio, & culpae tribuantur. Quare,  
si sanctissimi viri, & optime de Christiana  
Republica meriti dum maxime ad homi-  
nes iuuandos incumberent, in suspicionem  
perpetrati criminis venisse comperimus,  
profecto, quem nam tam dissoluto fore pu-  
tamus animo, qui res atrocissimas omniū-  
que suppliciorum grauitatem praeponde-  
rantes ab illis perpetrari cum videat, tace-  
re, ac negligere possit? quem porro tam du-  
rum, & inhumanum, qui rei indignitate non  
exterreatur, quum illos, qui in suam se fi-  
dem, atque tutelam vnicam Christi spon-  
sam recepisse iactantur, quam propter hanc  
causam vni viro Virginem castam exhibe-

11. ad Co-  
rint. 11.

Serm. 77. in  
Cant.

re Christo deberent, non modo impuris Christi hostibus omni flagitio violandā reliquisse, sed eandem ipsos detractis ornamentis pulcherrimis quibusque, caeteris denu-dandam siue potius dilacerandam dedisse animaduernerit? quae quum Bernardo partim acerba, & indigna, partim etiam intoleranda videantur, sic ex animi sui sensu, atque dolore vociferatur. Cuius est illa pecuniae vis ingens, cuius sunt locupletes illae magnificaeque domus in Urbium modum extructae ebore auroque fulgentes tabulis pictis, signisque refertae, quibus non modo ipsi, sed infimae etiam sortis amici, & familiares abundant nisi sponsae? quae funditus bonis omnibus euerſa, haec illa tanta tamque praeclara, ex eius luculento patrimonio tanquam è naufragio collegerūt: tanta illa auri & argenti caelati, tanta gemmarum multitudo, tanta tapetium & conchiliatae vestis, & peristromatum copia, quantam potentissimorum Regum luxuria ex infinjis locis collectam coaceruare vna in domo vix posset, quid aliud est nisi sponsae infoelices ornatus miserandaque spolia, quae nullo vestitu contexta sed calamitatibus omni que miseriarum genere cooperta illuue & squallore obsita contumelias, & turpitudines omnes subire compellitur, tot illa varia, & exquisita ciborum genera, quibus

bus magnificae illorum mensae complen-  
 tur, cuius sumptibus nisi locupletissima  
 sponsae eiusdem dote comparantur? quae  
 macie deformata perpetuo cruciatu famis  
 sitiisque conficitur, nec sane quidquam ex-  
 cogitari potest acerbius quam se in bonis  
 Ecclesiae ad Virginum inopiam, ad Vidua-  
 rum solitudinem subleuandam collatis cer-  
 tos eorum administratores sumptuosius *Ex Bernar.*  
 insolentiusque iactare illas vero miseras de *serm. 25. in*  
 spe omnis prorsus humani praesidij dele- *Cant.*  
 ctas eorum opem implorare, ad fidem fru-  
 stra confugere? hos patrimonia pauperum  
 effundere, fortunas obligurire, illas orare  
 ut vivere ipsorum misericordia liceat? hos  
 in auaritia, & cupiditatibus neque modum,  
 neque modestiam habere, Deum illas, ho-  
 minesque testari suam saepius concussam,  
 pollicitationibus impurissimorum homi-  
 num pudicitiam nisi Ecclesiae opibus su-  
 stineatur labefactari, a quibus illis nimirum  
 immanissimis sumptibus, quos in mutis pa-  
 rietibus, in stipitibus inanitis ornandis,  
 quos in equis in canibus alendis, ut alios  
 quibusuis etiam bestiis foediores homines  
 taceam insumunt, tam indignum facinus  
 auerteretur. Sed caeteris in rebus perfidi in  
 vno fideles esse reperiuntur in omnibus spō-  
 sae euersores crudelissimi, sunt tamen in vno,  
 in suo scilicet iure persequendo eiusdem

pij, atque optimi conseruatores, nam vbi primum eius in bonis vestigium posuere statim vetera illius altaris aut Ecclesiae monumenta reuoluere, alijs litem intendere, alijs negocium facessere, alijs possessionem adimere ab illo praedium abiudicare, summo iure agere, aequitati misericordiae locum non esse vt satius plerumque sit inter sceleratos, inter barbaros homines, inter feras aetatem degere quam in hac istorum tanta immanitate versari. Denique eo tandem miseriarum deuētum esse idem Bernardus affirmat, vt praeclare de illa meritos esse eos arbitremur, qui, si quam male negligenterque custodierint non etiam eandem in vltimum discrimen & miserandam omnibus condicionem adduxerint. Quod si eloqui misera posset non modo ad suam tantam calamitatem deplorandam, durissima hominum corda compelleret, sed lapides ipsos flere, quodammodo cogeret, & lamentari. Me miseram, fortasse diceret, dum inops eram, dum paruis opibus, & facultatibus praedita benigne me omnes excipiebant humaniter tractabant, in delicijs habebāt, nec recusabat optimus quisque pro dignitate, pro salute mea pro meis commodis suam non modo operam, studium, & laborem imoertire verum ad pericula etiā accedere, inimicitias suscipere omnes acerbita-



bitates, omnes dolores, cruciatusque perferre omnium denique rerum egentem nihil prorsus deficiebat; iam vero summis opibus auctam ingentibus diuitijs ornatam, omnes boni repudiant, viri sanctissimi ne contaminentur reformidant: solum nescio qui (quo eos nomine appellem nescio) vbi me conspexere ferociter propter praedam inuadunt, oppugnant spoliis causa vexant itaque pro se quisque trahentes distractam, dilaceratamque diripiunt vt in summa rerum omnium abundantia vitam, misere cogar in solitudine & egestate degere, & quod acerbius videri debet ipsae meae opes tantas mihi facessunt iniurias, mea ipsa cōmoda tāta haec pericula creāt, quod sane si ij, qui me tot bonis locupletarunt prospexissent, ea tanto mihi luctui futura flammis fortasse tradere maluissent.

Quare mea omnia cuius optima fide concesserim, ijs aequo animo caruerim, ex omnibus rebus me ipsam nudam, nec praeterea quidquam exceperim, libenter aliena misericordia vixerim, dummodo omnia mea pristina commoda recuperem, vel certe tanta à me pericula, iniuriasque propulsem. Quapropter vt omnis, improbis viris eripiat, illius insontis vexandi licentia, ita debet Episcopus, cui illa tamquam in Matrimonio certo stabilique locanda

Greg. Regis  
l. 8. Epist.  
40.

Epist. 11.

canda est in virtutibus omnibus praeter  
caeteros excellere, vt qui nō multis ab hinc  
annis arctiorem vitae, morumque discipli-  
nam subierit, & in maximis, summisq. vir-  
tutibus comparandis plurimum operae,  
temporisque consumpserit, non modo Epi-  
scopatum debeat non expetere, verum e-  
tiam vltro delatum recusare. Quid? non  
ne Bernardus sciscitanti Brunoni vtrum  
sibi paulo ante ad studium perfectionis in-  
gresso demandatam Colonensem Eccle-  
siam suscipere an recusare fas esset, aperte  
rescripsit, vt omnino caueret, ne ad illius,  
seu ad alterius Ecclesiae regimen capeffen-  
dum accederet, quod nondum illius curri-  
culi metam potuisset attingere, in quo mox  
versari coepisset? Extat Gregorij Magni  
Neapolitanos grauter obiurgantis Epi-  
stola, quod nescio quem in illius Ec-  
clesiae solium, cum magna Virtutis com-  
mendatione recepere vellent, qui filiam ex  
concubina susceperat, aetate nondum adul-  
tam, si enim inquit ex aetate puerulae tam  
commendatae probitatis ratio subduca-  
tur, nec credi, nec existimari quidem po-  
test, id quasi repente consequutum esse eū,  
quod vix multorum annorum laboribus,  
sudore, vigilijsque colligitur & valde electi  
illius Episcopi fiduciam increpat, quasi  
maiora, quam caperet optantis recipien-  
tisque,

tisque, quibus salua conscientia nō deberet  
temerarias manus admouere. Quū enim  
iam opōrteat eum, cui Ecclesiae guber-  
nandae Prouincia tradenda, ac demandan-  
da est inchoato perfectionis operi quasi fa-  
stigium. imposuisse, eo ne vnquam cuiusuis  
industriam peruenire posse credideris, quē  
non diū multumque spectata virtus, & ex-  
quisitae probitatis fama commendauerit?  
tu ne tantum tamque perfectum tibi opus  
exaedificasse, & ad summum perduxisse  
videaris, qui si recte volueris animaduer-  
tere, fundamenta, vix ieceris? tu ne gregem  
tuum per rerum terrenarū despicientiam,  
ad Christianae vitæ perfectionem tradu-  
xeris, quū illam, quam alteri monstra-  
turus es viam non modo nunquā ipse con-  
feceris, sed ne ingressus quidem aliquando  
sis? tu ne aliorum animi aegritudinū,  
sanandarum partes susceperis, quarum ipse  
insanabili intestinoq; morbo labores? quā  
sane ad edomandas cupiditates idoneam  
caeteris medicinā praebueris, qui in tui ip-  
sius animi motibus sedandis, nihil operae  
studij; q̄posueris? quod si te itā caecū reddi-  
derit auaritia, atque cupiditas vt haec in-  
tueri quāuis clarissima nō possis, ante actā  
vitā consule, haec dabit tibi iam tacite cō-  
tra te ipsū firmū & graue testimoniū. Si ad  
parietes fulciendos tantopere cauēmus, ne  
quā

quam recentissime caefas ab arboribus trahere adhibeamus, quod maxime veremur ne succo a radicibus deducto adhuc molles, se se flectendo, aut deinceps dum exiccantur decrefcendo vitiofarum aedium ruinam non tam reparare quam accelerare possint, parum ne referre putabimus si labantes & iam prope ruentes hominum mores sustentandos eidem tradiderimus qui nuper a peccandi consuetudine tanquam a radice reuulsus veteres illos spiritus quasi intra venas inclusos retineat nec maximas sibi virtutes ab adolescentia comparauerit quas perpetua constantia, studioque roborauerit? ita ne vero? quod instipite, in trunco requiritur, id in homine, in Episcopo negligetur? Nam Episcopo omnium esse onera subeunda factum est iam tritum sermone prouerbium, at quae tandem grauiora ira inuidia caeterisque perturbationibus onera sustinemus? quorum grauitate ita praemimur ut etiam opprimamur interdum, haec quum aduersus illum concitantur in nobis, ita sunt Episcopo toleranda patienter ut & facienti iniuriam ignoscat, & simul misereatur errantis, cui maius est cum improbis negotium quam Episcopo? in quem melius popularibus procellis agitatum falsae criminatio- nes confinguntur, quam appositissime ad veritatis

*Chrysost.  
Omel. sup-  
sit.*

veritatis imaginem, quam in Episcopum  
in quo plura magis patent inuidorum libi-  
dine ferienda quam in Episcopo? igitur, qui  
nulla rectefactorum conscientia sustenta-  
tus, sed solum arrogantia subnixus tantae  
rerum moli ceruices obtulerit quis dubi-  
tet eum, & sibi ipsi interitum struere, & cae-  
teris perniciem ruinamque moliri? sed  
quid? inquires, non debeam rogatus, non  
imperio superiorum adductus necessitate  
praesertim urgente oblatos ultro Episcopa-  
tus accipere? Profecto Dium Thomam  
illum, qui, quum ob singularem innocen-  
tiam, ob excellentem doctrinam, ob incre-  
dibilem sapientiam, ac paene diuinam di-  
gnus propemodum prae caeteris esset, qui  
ad Ecclesiae gubernacula sederet, a Deo  
vehementissime efflagitauit ne vlllo vnquam  
tempore ad Ecclesiasticos honores euehe-  
retur, sanctissime doctissimeque docuisse  
non inficiabor debere eum qui tantae sit  
capax rei summo iubente Pontifice, qua-  
cunque sui commodi ratione posthabita,  
impositum hoc sibi laboris onus totis vi-  
ribus excipere, quum non solis nobis sed  
etiam atque adeo multo potius nati Rei-  
publicae simus, qui igitur est operi abunde  
sufficiens nec communis officij pondere  
opprimi se ita facile posse sentit hic inquam  
ad Principatus Ecclesiae iussus accedat.  
hic

*S. Thom. in  
Sum. 2. 2. q.  
18. ar. 2.*

Math. xxv.

in. c. ix.

Zac.

hic præbeat muneri ceruices maximo atque grauiſſimo quod ſic cum fide diligentiaque obierit, habeat pro cõperto fore vt pro eodem etiam a Deo præclariffimum illud uſurpetur elogium. Euge ſerue bone & fidelis quia ſuper pauca fuiſti fidelis ſuper multa te conſtituam intra in gaudium domini tui. ſed omnis mihi tecum contentio eſt qui ſolum propter nimiam opum cupiditatem Episcopatus affectas, exquiris per ignes, vt aiunt, ſerunq; petis qui non oblatos ſolum inuadis ſed vix etiam oſtenſos ne te celerius alter arripiat prope per vim abducis, quum nulla habeas vel a Natura, vel a labore adiumenta rerum gerendarum, quum totus vndique peccatis mendisque ſcateas, quum tuorum ſclerum conſcientia ſacroſanctum illud diadema capiti nequiſſimo non conuenire vociferetur vt pulchre in Hieronimus ſummam prope ſanctitatem, & ſacerdotale capitis inſigne vna eademque Hæbraicæ vocis comprehensione deuinciri & colligari animaduertit. quaſi arcta ac prope indiuidua inter ſe ſocietate coniuncta, niſi adhibita quodam modo vi quadam diſſociari, ſerungi que non poſſe videantur, at non ne ſuis ipſe te ſtimulis fodiat, imo potius laceret atque cruentet pudor, quum illud tibi diadema cunctis tacite reclamantibus imponitur,

nitur, quod tua a te sordida vita omnium cum plausu reiiciat? at tu quem omnia tuo commodo metientem spes tantum utilitatis paene praecipitem in hanc cupiditatem impellit cogitasti non solum quid oneris in praesentia tollas, sed quantum in omnem vitam negocij suscipere coneris? numerasti ne omnes ad vnum animas, quae tuae diaecesi continentur? quid loqueris de animabus ego scio quot praedia habeat, & simul illud teneo maximam vno anno ex eorum fructibus pecuniam confici posse; at Basilii, Ambrosii, Augustini accurate capita percensebant, & parem exhibentes muneri, quod subierant diligentiam atque laborem, quotidie quasi expensi, & accepti rationes integre conficiebant, & cum Deo consolidabant. nimis antiqua, & iam obsoleta commemoras, haec laus egregiae Virtutis & innocentiae fuit non solum hominum sed temporum illorum propria; quid ais? vtrum existimas Christum curae assiduitate, atque labore defatigatum omnem a suo grege cogitationem abiecisse: an putas multo eum diligentius ab illis quam a te Vitae rationem repetiturum? in utroque vehementer deciperis, namque adeo sua sibi sponsa adhuc cordi est vt illius incolumitas existimatioque praecipua diuinæ eius prouidentiae cura contineatur, teque ita  
omni-

omnibus custodijs subiectum. feuerissimo Dei iudicio tradidit, vt neque in eius bonis administrandis, neque in agris colendis; neque in vectigalibus exigendis, neque in faciendo, neque in omittendo, ne minima quidem libella sine tua maxima poena durum possis dominum fraudare. Verum, inquires ad id perfectionis culmen se diuinorum hominum perduxit industria, vt desperanti mihi consequi posse, id, quod ipsi sunt assequuti omnem prorsus eripiat persequendi voluntatem. fortissimum vt tibi videtur propugnaculum nullo negotio ex tua defensione deijcitur, nam, & hi quos nominavi etiam homines ipsi fuerunt, eodemque Dei praesidio muniti, ac tu ipse si velis, cupis tu quoque summum virtutis illorum adaequare fastigium? eorundem vestigia persequere, quis enim eo se posse peruenire desperet, quo multorum impressa vestigijs, & frequentibus contrita, itineribus via ac percussa appareat? Sed video quid est, quod tua vehementer studia retardat, teque a laudabiliore vitae genere reuocat, atque deducit. Etenim non desperatio imitandae veterum innocentiae, & sanctitatis, sed incitatum, atque propensum, ad effrenatas libidines. studium & is, quo maxime virtus pretio comparatur, & quem plerique fugimus labor tibi bene fortasse



fortasse animato languorem affert , & spem maxime debilitat . Erras plane si putas alijs gradibus , quam plurimo labore, atque sudore, multis, diuturnisque vigilijs ad summa contendere , in maxima rerum omnium despicientia caste admodum & liberaliter sancteque vivitur, haec omnium Virtutum familiam ducit, pone tibi ante oculos vnumquemque eorum, qui fuerunt Ecclesiae lumina , qui rebus gestis , atque Virtutibus perpetuae Ecclesiae pacis fundamenta iecerunt Athanasium Basilium, Ambrosium, Augustinum, reliquosque permultos horum similes: num arbitraris fuisse aliquid aliud amplissimis viris in vita propositum, praeter Dei gloriam, praeter fidei catholicae propagationem , praeter officium fortis , atque constantis Episcopi? num eos existimas liberalitatis, & continentiae remis affluentes undique diuitiarum vndas propellentes tanquam ad aliquem libidinis scopulum erectam in Caelum mentem appulisse? num ullam rationem habuisse reperies , aut auri , aut argenti ad auaritiam , aut amoenitatum ad delectationem, aut suptilem ad delicias aut epularum ad voluptates? domos suas non rectorijs aureis inducebant, sed splendo

D

re Vir-

re Virtutis illustrabant, non tabulis pictis, non signis ornabant, sed rerum gestarum gloria decorabant, non felicitis frequens pateris conuiuium, non corinthijs operibus, non vasis ex auro, vel e gemma factis instruebant, non mēsas conquestis Caelo, marique epulis onerabant sed contra summa parsimonia, complebant non haereditates ingentes transmittēbant ad posteros, sed innocentiae famam relinquebant. Verum Pontificum maximorum salutaribus decretis, & institutis atque adeo incredibili huius optimi principis diligentia, & prope singulari vigilantia improborum hominum cupiditati obstructa est via, ut iam omnis ferē nostra superuacanea sit, & abundet oratio. At video quorsum recidere quoue tāquam ad arcem confugere istorum defensio possit, qui cupiditatem non modo suam excusare, sed cohonestare etiam consueverunt, ad omnes enim meos impetus, quasi quidam murus Pauli Episcopatus opponitur, qui tunc quum eius maxime furor in Christi discipulorum caede bacchantis efferuesceret, quum acceptis à summis Pontificibus litteris in Christianos, qui Damasci, per id tempus commorabantur irrueret, dum infesto animo at-

que

que minaci, ad Ecclesiae pestem ferrū,  
flammamque praeportaret, quum illius  
iam iam crudelis, & pestifer aduentus  
timeretur eius offusa oculis animoque,  
insolita diuini splendoris luce, ita men-  
tis caligo depulsa est, vt susceptum illi-  
co furorem abiecerit, & ex acerbo cru-  
delissimoque Christiani nominis hoste  
omnium repente gentium magister eua-  
serit, quo in munere ita versatus est, vt  
vñs ferè extiterit, in quo omnium so-  
licitudo Ecclesiarum inhaereret atque  
adeo salus niteretur, & ad occasum ab  
ortu solis Euangelij semine diffuso, ac  
propagato, suas ipse res gestas, atque  
Virtutes ijsdem, quibus solis cursus con-  
tinetur regionibus, terminisque conclu-  
serit. Quam levis est ista defensio. quid?  
non ne potuit Deus Paulum aut quem-  
uis alium, quamuis impurum, quamuis  
improbum, quamuis impium, quamuis  
omnium scelerum luto demersum inde  
abrectum extrahere, & vitijs perpurga-  
tum summis repente virtutibus exorna-  
re? at te iam diuino eius munere e coe-  
no peccatorum emersum sine lōgo vsu,  
& diuturna exercitatione in nullo vol-  
uit virtutis genere expoliturum esse pla-  
neque perfectum. Sed profecto non in-  
telligis tuam istam temeritatem maxi-



*Idem Chry  
sost.lo.cir.*

mum esse contra te ipsum testimonium, te nunquam in studio perfectionis elaborasse? His itaque de causis Episcopalis dignitas tanta cum laborum, & periculorum, tum vitae, & existimationis societate copulata est, vt in re magis ardua difficilique versari videatur, qui vni tantum Ecclesiae praesit, quam, qui Ciuitates omnes, atque Prouincias terra, marique summo cum Imperio regendas, administrandasque suscepit immo, vt Chrysostomus ait, tantū interest, inter vtrumque, quantum inter leuem Cymbam, quae velis, remisque instructa, & multorum iugi conatu placidissimo flumine secundis conspirantium ventorum flatibus impulsā feratur, & Nauim onustissimā, quae aduersa in alto tempestate iactata, tenebris offusis, fractis remis, demersis remigibus, Gubernatore metu perculso, eo adducta est, vt verendum maxime sit, ne è tantis vnquā enauigatura periculis aut vni ex imminentibus scopulis appulsa frangatur, aut vorticibus hausta in profundum detrudatur. nam, qui orbi terrarum vniuerso cū summo praeest imperio, vt ingenti vndique negotiorum mole vrgeatur, multorum tamen ope, quasi humeros eidem oneri supponentium, maxi-

ma

ma laboris parte leuatur, ad haec aduersus multitudinis leuitatem, contra perditorum temeritatem suorum caritate munitur, armatorum praesidio stipatur, imperiū detrectantes & perniciosos ciues multa, vinculis verberibusque coercendi liberam habet à lege potestatem: contra vero Episcopos hisce omnibus ferè auxilijs destitutos esse reperies. O condiciones miseras regendarum animarum ò rem periculorum, insidiarumque plenissimam, in qua rectores vel egregij ab amicis inimicisque promiscue subiectis inuidiae facibus, falsis criminibus circumueniuntur, vbi tū suorum, tum exterorum insidijs expetuntur, vbi si seueritas adhibeatur odiosa futura est, si lenitas & clementia ne contemptum pariat verendum est, vbi seueritatis acerbitas, ita est lenitate clementiae mitiganda, vt non aut desperatis animis castigationis acerbitate dolor nimius inuratur, aut dissolutis clementiae licentia peccandi auctoritas tribuatur. Quid multa? iactantur illi vt in vastissimo mari aduerso turbine quas fata nauis, aut mox ab eodem misere discerpenda, aut infesto gurgite deuoranda. Neque tamen infestus humani generis hostis, tanta, tamque atroci ad-

uersus sacros Populorum Rectores tempestate commota quiescendum sibi esse ducit, sed nouis procellis, atque turbini-  
bus excitatis coortam tempestatem augere sæpe conatur: quoties enim cū illis graues inimicitias sceleratos homines adire compellit? dū pro suo munere ad corruptos Ciuitatis mores emendandos omnes neruos intendunt? quoties ad augendas vel conseruandas Pauperum facultates intentis, varia, ac multiplicia pericula proponit? quoties pro imperio vel Ecclesiastica dignitate prouocatis, cum multis, audacibus, improbis, nonnunquam etiam potentibus affert dimicandi necessitatem, vt quod Ecclesiae vel bonorum patrociniū susceperunt, cogantur deinde aut propter potentiam aduersariorum abijcere, aut propter infirmitatem animi deponere? Quod si quis innumera sanctorū Patrum praeclare gesta ex veteri, memoria reperit, & procellas omnes ac tēpestates, quibus a suis indeusque primordijs Ecclesia Christiana iactata, atque afflicta est cogitatione peruoluerit, non ne semper illos quum cupiditatibus Principū restitissent, Haereticorū opes infirmassent, opinionum monstra debellassent, pro Ecclesiastica libertate acerrime decerta-

certassent, in medium rerum omnium  
discrimen deuenisse, & in maximas in-  
uidiae, & molestiarum turbulentissi-  
mas tempestates concitatis iniquorum  
animis incidisse cognouerit? quis sane  
infinitos labores, atque pericula cum  
Episcopali, splendore coniuncta non  
reformidet si Basilij Caesariensis Epi-  
scopi quas saepe perpeßus est pro Ca-  
tholica Religione iniurias, & incom-  
moda legerit? in quem vnum vt sacra  
Catholicorum templa ab Imperatore  
Valente impurae superstitioni Haereti-  
corum addicta ad veterem cultum de-  
duceret, & nefarium seruitutis iugum  
à ceruice Christianorum repelleret, om-  
nes illi fluctus redundarunt, quos a cō-  
muni peste depulerat. quis innumeris  
profecto, & multiplicibus contractis ab  
Athanasio insectationibus, aerumnisq;  
perspectis, ad tam turbidos honores cō-  
citato impetu se se ferentem cupidita-  
tem, quasi a medio cursu non atiocet in-  
tutumque perducatur ad cuius interitum  
omnium generum atque ordinum con-  
sensus, omnium gentium conspiratio  
coniurauit, denique ominum ferè mise-  
rias, & fortunae ludibria in vnum illum  
Antistitem optimum immanissimorum  
hominum efferata rabies cumulauit.  
nam cum à Constantini temporibus vl-

que ad Valentis imperium cōtra inter  
horum Principum aetates interiectos  
Imperatores, veram, germanamque  
Christi fidem protexisset quum ad Ec-  
clesiae nauis tunc maxime fluitantis in  
alto tempestatibus Arianorum, guber-  
naculum accessisset, tot perpeffus est  
insidiarum, & malorum omnium flu-  
ctus, vt male iactatum nullus in toto  
terrarum orbe tutus a persequentium,  
furore angulus quasi portus exceperit;  
perffimiles fluctus ac puellas perpeffus  
est Chrysostomus, qui post egregiam in  
rebus diuinis nauatā operam, in exiliū  
eiectus est, vbi aerumnis, miserijsque  
confectus excessit è vita; vt vere dici  
possit eorum plures, qui in hanc eius-  
modi honorum nauim conscenderint  
tempestate coorta absorberi, quam ea-  
dem sedata tutum in portum, tranquil-  
lumque deferri. Quae cum ita sint, non  
est quod tantopere Gregorios, Ambro-  
fios, Augustinos admireris, quod eam  
in summa virtute, & eruditione mode-  
stiam retinuerint, vt non modo oblatos  
sibi vltro Episcopatus reiecerint, sed ne  
ad eos capeffendos inuiti cogerentur, se  
se in filuas, & desertissimas solitudines  
abdiderint. nam etiam si in Christiana  
Republica per id tēpus nulli re vera ad  
id aptiores inuenirentur, tamē vt acres,



& intelligentes rerum aestimatores ,  
tantae molis grauitate perpensa longe  
imparem suam esse imbecillitatem one-  
ri iudicauere. & iam perspicientes quan-  
to tutius esset sacerdotale Regnum re-  
spuere , quam accipere , quasi cautius  
duxere , corpus feris obijcere , quam se  
Populo multorum capitum belluae , &  
omnium ferarum immanitatem supe-  
ranti committere . Quis enim nisi in-  
consideratus , ac demens , se talem esse  
putauerit , vt iure tantae rei praeficia-  
tur ? quis nisi temerarius , sibi que praefi-  
dens in tam amplo latoque pastoralis  
officij pelago , ita semper rectum cursum  
tenere se posse confidat , vt nec vrgenti-  
bus periculorum procellis , nec huma-  
norum commodorum aura leniter aspi-  
rante , de recto vnquam tramite deflectat ,  
neque ad dextram , neque ad sinistram ?  
at si adhuc in ea mente persistas vt per-  
tinaciter hanc istorum Patrum in repu-  
diandis honoribus tam constantem vo-  
luntatem admirandam putes , scias etiam  
eandem fore tibi multo magis imitan-  
dam , quum ea nos praestantium virorum  
facta ad imitandum aptissima iudi-  
cemus , ad quorum exemplar si omnis  
vitae nostrae ratio referatur , maxima  
ad nos inde emolumenta , atque adeo  
salus

salus certa redundet. Verum non ideo haec dixerim, quod hos honoris titulos per se malos, & improbandos esse ducerem, sed quod summum, ac prope diuinum hominem requirant, quorum similes paucos meminisse vix possumus, quos tamen Christianae Reipublicae necessarios esse nemo est qui nesciat; nulla enim Ciuitas, nullus hominū coetus sine magistratu sine imperio sine lege potest tanquam spirans sed vitali sanguine destitutum corpus, nec ad modicum quidem tempus perdurare, quum imperantium aequitate & ciuium obedientia omnis Respublica cōtineatur: immo vero eo magis venerandos a nobis, atq; colendos censeo, quod in Ecclesia ad ordinum, & personarum discrimina retinenda sunt inducti diuinitus. Quapropter Episcoporum imperio ita nos subiectos obedientesque praebeamus, vt simul virtutes eorum imitemur, & quum Christi personam inter homines sustineant tanquam e Caelo delapsos intueamur. Sic enim fiet, vt si quis vestrum aliquando ad hoc celsissimum dignitatis fastigium vocetur a Deo tanquam Aron, eo dignior, qui imperet habeatur, quo caeteris submissius modestiusque paruerit.

59  
IO. VICTORII  
ROSCI  
ROMANI,  
A D  
ACADEMICOS  
PARTHENIOS.



O R A T I O I I.

**R**EPREHENDENDA  
vobis fortasse, Audito-  
res, prudentissima Pa-  
trum meorum consilia,  
videbuntur, qui me, qui  
non sum cum tot clarif-  
simis, eruditissimisque adolescentibus,  
quorum frequentia hunc confes-  
sum exornari videtis, vel aetate, vel ingenio  
comparandus, primum omnium in ho-  
dierni diei lucem, & pulverem initium  
annuis Academiae nostrae exercitatio-  
nibus facturum eduxerint, quum enini  
com-

communis sit omnium ferè opinio, in  
constituendis, ordinandisque rebus,  
quae firmissima sunt, ea prima colloca-  
ri debere, vt expectationi hominum,  
quam celerrime occurratur, quis est a-  
deo hebes qui non intelligat grauiter  
ab ipsis in huius tam celebris Acade-  
miae existimationem peccatum esse,  
quoniam me, in quo minimum omnes  
putant esse primum voluerint dicere?  
Etenim quum omnes, etiam acres, &  
intelligentes rerum aestimatores vt plu-  
rimum ex initijs de vniuersa re iudicare  
soleant, sine dubio si initio satisfactum  
non sit tot viri doctissimi, qui frequen-  
tes ad nos audiendos conuenerunt, ma-  
le se de ingenio nostrorū adolescentum  
habere existimabunt, e quibus non sta-  
tim vt inchoari Academia coepta est  
nemo me eloquentior vel eruditior pro-  
dire potnerit. Quapropter sapientius fa-  
cturos eos fuisse dicent, si me aut nun-  
quam dicere voluissent, vel quando ex-  
audienda mea vox erat in mediam tur-  
bam, vel in gregem coniecissent. Verum  
aliter res se habet Auditores atque for-  
tasse existimatis, abundat Academia,  
nostra praeclarissimis adolescentium,  
praestantissimorum ingenijs, floret elo-  
quentia atque optimarum artium stu-  
dijs,

dijs, prudentissima sunt Patrum sapientissimorum consilia, adolescentes optimi, qui non me potissimum delegerunt, quo summam apud eos, qui audiant de vobis opinionem diminuerent, sed quo melius vestro nomini existimationique seruirent, horum enim alterutrum euenturum arbitrati sunt, vel me beneuolentia vestra fretum dicturum aliquid dignum expectatione omnium, vel ingenij mei tarditate retardatum, ab eadem longo interuallo superaturum; quorum si primum contigisset quid illis reliquū fore, nisi vt summopere gauderent, etiā in hac mea tenuitate ingenij, aliquid inuentum esse, quod summam expleret desiderij vestri expectationem? at si alterum omnino, quod erat sperandum, consecutum esset, vt minor videlicet opinione hominum inuenirer non iccirco se hominū reprehensionē offensuros existimati sunt quum eandem, quam Natura sequitur viam ipsi tenuissent, quid est in natura rerum omnium quod se vniversum profundat, nec suo quodā itinere a primis inchoatisque initijs in vltimum, perfectumque exitum terminetur? quid est in ijs, quae à Natura procreantur tam altum tamque excel-lens, quin id quoque leuioribus principijs

pijs natura ipsa praetexuerit? quod & in stirpibus, & in omni animantium genere, sed praecipue in ipso Homine, qui altissimo rerum quae à Natura proficiuntur gradu continetur intueri licet, hic enim primum imbecillus, elinguis consilijque expers in lucem editur, verum, ita vires in dies sumit, vt firmissimus, disertus, ac prudentissimus euadat; neq; tamen erit quisquam adeo stultus, qui tam solertem, prouidamque parentem non alijs quidem nominibus reprehendendam existimet, quam quod huic plane admirabili, ac paene diuino animanti, non summam à principio rationem, ac sapientiam tribuisset: citius dixerit eandem alta quadam mente atque consilio praeditam fuisse, quum voluerit idem, non nisi annorum decursu, quasi longa quadam via, spacioque confecto sapientiae eiusdem metam attingere. Atque adeo verum est in quacunque rerum institutione esse aliquid primū, & inchoatum, deinde subsequi aliquod extremum atque perfectum, vt Ars quoq; ipsa Naturae vt ita dicam aemula, hoc eodē itinere ad id cui nihil absit, quodque, aptum, atque perfectum, expletumque sit omnibus suis numeris, & partibus progrediatur, Etenim vt caetera

tera exempla missa faciamus, quis non videat in inchoatis picturis nihil aliud, nisi horridum quoddam, atque incultū cerni? quae picturae deinde paulatim coloribus, ita illustrantur, ut quum ad illud ultimum, atque postremum absoluti operis effectum pervenerint, ita saepe res ad vivum exprimant, ut res ipsae non rerum effigies videantur. Ex quo profecto intelligi facile potest, quā apte, quamq; sapienter ab Academiae nostrae moderatoribus ego delectus sim unus ex omnibus, a quo intermissae aliquot mensibus exercitationes nostrae, instaurentur, ut nimirum veluti primas quasdam descriptiones ducerem eius praeclarae picturae, quam alij deinde eruditissimi adolescentes, summa elaborata industria, omnibusque numeris absolutam vobis ante oculos proponant, nihilque aliud me hodierna schola, tanquam rudi quodam penicillo efficientem intuebimini, quam umbras quasi quasdam atq; recessus ducentem, quo aliorum, qui me sequuntur doctrina, suis coloribus perfecta magis eniteat. Adeste igitur animis auditores atque adeo vestrae aura benevolentiae toto Adriatici Maris tractu, cuius nunc quidem fluctus perhorresco cursum, oratio-

orationis meae dirigite, vt aliquē portum tenere possit. Neminem habiturus sum eorum, quæ dixerō aduersariū, nulla mihi erit cum strenuis aliquibus viris colluctatio, ita fortasse visum est patribus, quippe qui optime norint quā tum sit in me virium & facultatis, libero igitur campo mea excurret oratio, non vehemens non pugnax erit, sed lenis atque placida, eaque vt non ad vulnus sed ad vires euocandas conferat: nam quē admodū in gladiatorio vitæ certamine à pugnantibus ita primæ illæ hastæ iactari leniter solent, vt & lacertum concalescenti seruiant, & reliquis viribus suis consulant, ita in hac quasi cōtentione doctrinae, qua litteris decernitur nonnulla fient a me, quæ non ad feriendum hostem, sed ad virtutem his proximis ferijs, quasi diuturna pace languentem excitandam, valere videantur.





63  
IO. VICTORII  
ROSCI  
ROMANI,  
DE LAUDIBVS  
GEOMETRIAE.  
ORATIO III.



VNQVAM omnino in me ipse sum expertus Patres religiosissimi, caeteriq. Aud. ornatissimi, quod praeclaris oratoribus multis aliquando vsu venisse cognouimus, vt rei de qua dicturi essent magnitudine terrentur, & in summa rerum, vbertate, & copia, verborum inopia laborarent; id quod contigisse mihi hoc tēpore sentio, quo tempore de Laud. Geometr. apud vos dicendum est; Etenim quum de singulis dicere, plane infinitum sit, quas

E

potis-

potissimum ex tot maximis atque  
grauissimis, quibus abundat laudibus  
celebrandas accipiam? Si enim ali-  
quibus tantum insistere mihi erit in  
animo, & caeteras omnes praetermit-  
tere, iam in eam dubitationem ad-  
ducor, ne quis me non tam illam  
exornandam, quam suis ornamentis  
& honoribus spoliandam suscepisse  
conqueratur; sed neque iccirco mihi  
laborem prorsus ademptum, vel mole-  
stiam omnem ereptam crediderim,  
si in vno tantum, aut altero laudis  
genere versari statuerim; nam quae  
fuerit primum ista in praestabilioribus  
deligendis prudentia? quum omnes aequo  
inter se iure contendant, & magnitudi-  
ne, atque praestantia simillimae, pari  
splendore, ac dignitate mirabiliter ful-  
geant? praeterea quum earum singulae  
sanè quae multis nominibus celebren-  
tur dignae sint, maiores claritati earum  
tenebras offudisse silentio, quam eas-  
dem dicendo illustrasse videbor. Qua-  
re his angustiis vndique circumclusus,  
quo me vertam, aut quid potissimum  
consilij capiam? Respondebo ne ani-  
mum? id minime vero. An timore  
debilitatus quod mihi onus imposui-  
stis

His cum perfidia abijciam? ne id quidem, quid igitur agam? id, quod vere mihi videor esse dicturus, ut nihil existimer de gloriae illius summa detraxisse, si non statim omnia, quae dici de illa possint effuderim; nam qui laudata magis existere illa res potest, quidue praedicari de eadem honorificentius, quam ingenue fateri iam esse in confesso apud omnes, tantam in illa multitudinem laudum confluxisse, ut non modo una, sed ne pluribus quidem actionibus explicari satis commodè possint? qui melius occurri satietati audientium potest, quam rem illam suscepisse tractandam, cuius multitudo laudum, atque ornamentorum tantam Oratori facultatem & copiam largiatur, ut si saepius de illa sit dicendum semper novus accedat? sed quae longe mihi praestare caeteris eius ornamentis omnibus videantur, eas esse duco, de quibus quum scientiae alicuius dignitas in disceptationem adducitur, quaeri potissimum solet, scilicet utilitas, & voluptas: quae duo ita ferè semper Natura distraxit, atque seiunxit; ut quemadmodum in caeteris rebus, sic in praecclaris facultatibus multis, atque arti-

bus ne minima quidem inter se societate coniunxerit. aut enim semper vtilitas abesse cernitur a voluptate; aut certe voluptas ab vtilitate fecerni. Quae porro haberi voluptas etiam in summa iuris civilis cognitione, atque prudentia potest? quid in ea plane dignum inueniri, quod aut iucunda, quadam varietate ac delectatione ad se mentes alliciat, aut animum abstrusarum rerum, atque admirabilium inuestigatione, & comprehensione retineat? tanta tamen quotidie ex illa ad nos beneficia, fructusque proueniunt, ut qui omnium inde maximas ad vitae communis usum vtilitates, & comoda depromi negauerit, tanquam hominum societate indignus in aliquam solitudinem inter feras amandus videatur. Etenim continuo ex illa velute perenni fonte deducitur, aequi, bonique notitia, iusti, atque iniusti scientia; haec est fundamentum libertatis, fons aequitatis, haec vitij poenas, & virtutibus praemia decernit, hac vna retenta Ciuitates, coetusque hominum iure sociati conseruantur, bona nobis a maioribus tradita retinentur, res, domus,

mus, vxores, a flagitiosorum hominum libidine, & a nefario perditorum scelere liberantur, perpetua eius custodia ac vigilantia. Denique hac eadem non solum priuatorum plurimorum dignitas, non vniuersorum vtilitas, sed etiam Reipublicae totius salus, hominum generis vniuersi, & mundi ipsius conseruatio maxime continetur. Iam vero quis locus in tota Philosophia si cum caeteris eius partibus semper quidem vberrimis ac feracissimis conferatur est minus fertilis ac fructuosus, quae vlla pars eius minus culta, vel minus vtilitati hominum deseruiens, quam ea, quae naturae obscuritate inuolutas rerum causas euoluit in mediumque proponit? & tamen fere nulla ars est, quae arripiatur auidius, cui plures ardentiori studio se se penitus dederint, vel maiore cum delectatione iam homines ad ea, quae eius abditis, atque reconditis e fontibus hauriuntur scientia, & cognitione comprehendenda commoueantur. quid est enim, aut tam admirabile, quam quae Natura longissime à communi hominum intelligentia, sensuque disiunctum esse voluit, quaeque ne scilicet eruerentur profunda

quasi nocte suppresserat, mentis ac-  
mine celeriter adipisci, & lumine ra-  
tionis inuestigata ab illis, in quibus  
iacebant tenebris euocare, & in lucem-  
que proferre? aut tam iucundum co-  
gnitu, atque auditu, quam occultae  
tot rerum admirabilium causae, abdi-  
taeque rationes? aut tam singulare,  
vel prope diuinum, quam posse vulgi  
stuporem, & admirationem eludere,  
& captas vana formidine mentes im-  
peritorum, ratione soli sibi percepta  
dissoluere, ac torpentes ad spem,  
ac fiduciam rursus excitare Solam  
igitur Geometriam esse dico, qua  
nihil propemodum Generi hominum a  
Deo immortali sit datum vtilius, neque  
aliquid ex quo maior percipi voluptas  
possit oblatu. Atque vt à voluptate qua  
maxime sensus hominum afficiuntur  
ordiamur, quid potest ad delectatio-  
nem homini iucundius accidere, quam  
dimensis astrorum cursibus, maturita-  
tes temporum singulorum & varietates  
mutationesque cognoscere? quae insa-  
tiabilior voluptas, quae pulchrior, quae  
praestantior ad intelligentiam, quam  
scientia, & cognitione comprehendere,  
quanto tempore tum errantium, tum  
alio.

aliorum siderum orbes conuerfiones  
fuas efficiāt? quid praeclarius excogita  
ri, quam ex infinito hominum numero  
vel ſolum, vel cum paucis, in tot diſpa  
ribus aſtrorum motibus, quorum  
alia quaedam antecedere, ſubſequi alia  
deinde cernuntur, quaedam moueri ce  
lerius, quaedam tanta cum tarditate  
ſua ſpatia configere, vt paene inſiſtere  
videantur, ſuos quaedam paulatim cur  
ſus aduertere, vel ad Septentrionem,  
vel ad austrum, quaedam ſpacijs immo  
tis ab occaſu ad ortum commeare, at  
que adeo certa ſemper progredi via, vt  
nunquam vel ad dexteram vel ad fini  
ſtram veſtigium ſui curſus inſeſtant, in  
tanto caeli impetu admirabili cum  
celeritate ſe ſe vertente, in tanta qua  
ſi confuſione Naturae aſtrorum or  
tus, obitus, curſusque cognoscere,  
& de orbium numero, ſitu, motuque  
habere non errantem, & vagam ſed ſta  
bilem certamque ſententiam? quid ef  
ſe admirabilius, quam Ciuitatibus,  
Prouincijs, & generi hominum vniuer  
ſo dies, meſes, annosque finire, ac  
multo ante praemonſtrare, quas qua  
que ſtellae effecturae ſint in ſuo curſu  
varietates, & defeſtiones ſolis, & lunae

inuestigatas, & cognitatas praedicere in,  
 omne posterum tempus quae, quanta,  
 quando futurae sint? Demum scire quo-  
 dammodo, quid singulis diebus ac no-  
 ctibus, singulis horis atque momentis  
 in illis illustrissimis domibus, altissimis-  
 que domicilijs efficiatur? quo spectacu-  
 lo quod putas esse pulchrius? quod ma-  
 gnificentius? quo contuentem haec ani-  
 mum putas gaudio perfundi? qua de-  
 lectatione teneri; qua suauitate duci?  
 quam enim maiorem voluptatem inue-  
 nerat Gallus maioris Africani familia-  
 ris, qua voluptate ut narrat Cicero Se-  
 nectutis grauissima leniret incommo-  
 da, vel potius leuaret, praeter harum,  
 praeclarissimarum artium studia? qui-  
 bus adeo impense operam dabat, ut ad  
 extremam usque senectam aetate pro-  
 pectus mori videretur in studio dime-  
 tiendi paene Caeli atque Terrae, con-  
 tingeretque sapissime ut luce noctu ali-  
 quid describere ingressus, & nocte quum  
 mane coepisset opprimeretur. Verum,  
 quid abest a Geometria, quod ad dele-  
 ctationem homini comparandam pos-  
 sit prodesse? potest ne maior esse vlla in  
 homine voluptas, quippe orto ad Cae-  
 lum aspiciendum, & contemplandum,  
 quam

*In Dialo-  
 De Sen.*



quam illa, quae ex cognitione, & scientia rerum caelestium abunde percipitur? quis enim adeo est hebes, quis sui immemor generis se ita prostravit ad terram, & cogitationes suas abiiecit in res tam humiles, atque contemptas, qui si pulcherrimum hunc Caeli ornatum aliquando suspexerit, non magnopere commoueatur, neque aueat plurimum, scire, qua ratione tanta aetheris moles, ratis immutabilibusq; cursibus circum terram feratur, quanto tempore globi astrorum singuli sua spacia conficiant, quot partibus Sol ipse, qui vniuerso mūdo, tam longe, lateque collucet sit maior, atque amplior quam vniuersa terra, qui incredibili iucunditate non teneatur, quum cognouerit quaedam esse astra magnitudine adeo immensa, vt centū ac septem partibus & eo amplius magnitudine sua terrae ambitū superantia Caelo cōplexa contorqueantur? quū didicerit, vt infinitae siderum flammæ quum terras nox opacauerit Caelo fulgere videantur, certum tamen, ac definitum esse numerum astrorum? Sola Geometria occurrit innato hominibus tantarum rerum cognitionis amori, & scientiae satisfacere sola potest, qua omnes

nes ducimur, & trahimur ad res altissimas cognoscendas incredibilem cupiditatem explere, atque adeo earum perfectam, accuratamque notitiam tradere, ut qui suam ab ea tanquā a rebus incertis assensionem cohibuerit, haud sane intelligas cur non idem sol luceat nec ne dubitare possit: haec igitur, quo cupiditati hominum satisfiat, Caelum usque penetrat, & circum altissimos illos omnia cingentes, & coercentes Caeli complexus eodem atque astra motu, cursuque reuoluitur, neque solum celeri cuncta gradu peruadit, sed tantarum etiam rerum ordinem, numerum, motus, magnitudines, interualla, breuibus demetata circumscriptionibus, & infinitam earum magnitudinem angusti orbis spatio comprehensam, Caelo digressa hominibus defert; deinde quum iubetur, terras omnes Mariaque perlustrat, neque terra vndique in sese nutibus suis conglobata soliditate sua, est illi impedimento quo minus ad eius vltimum, usque centrum permanet, iterumque sub terras euadens diametri longitudinem mire dimensam exportet, depressos in immensam penè altitudinem specus ingreditur, quantaque sit cuiusque  
alti-

altitudo talium rerum studiosis certa,  
atque evidenti ratione demonstrat ut  
iam nihil interrumpat, quo labefactari  
tāta eius contentio possit, non strata su-  
pra terrae superficiem maria, non saxo-  
rum asperitates, non impendentium mō-  
tium altitudines, immensitatesque cam-  
porum, non ille, qui fusus prope im-  
mensas caeli regiones occupat aer ex-  
peditae eiusdem velocitati moram, ac  
tarditatem afferat, quin protinus cun-  
cta perlustret, tibi que perfecte descrip-  
ta, atque dimensa, ut dissentire non pos-  
sis obijciat. Quas tu igitur corporis vo-  
luptates, quas animi oblectationes tan-  
tarum rerum varietati, & scientiae an-  
teferendas putes? quid non modo non  
comprehendere animo, sed ne suspicio-  
ne quidem possimus attingere, quod  
maiores in se delectationis vim conti-  
neat, quam hac una ut ita dicam comi-  
te, ac socia commorantem hic adhuc in  
terris animum mortalium membrorum  
laqueis irretitum, humanitatis pondere  
depressum, aliquando tanquam è custo-  
dia corporis euolare, seque ad illas oc-  
cultissimas, praestantissimasque caele-  
stium corporum naturas contemplan-  
das, motusque pernoscentes erigere?

& tan-

& tandem eorum perfectissimam scientiam ex altissimo Caeli domicilio deductam cum hominibus communicare? quae nam contingere grauior oblectatio potest, summo ingenio & doctrina, viris, quam vastissimas illas immenso-  
rum orbium moles, quarum infinitam vim & magnitudinem nō modo nullius scientia complecti, sed neq. cuiusquam mens, & cogitatio capere posse videatur incredibili velocitate percurrere, quasi manibus contrectare saepissime, easque ad arbitrium versare? quid iucundius, quam inclusum domo nullo sumptu, nullo incommodo & labore, vel stantem, vel sedentem, in summo ocio, & tranquillitate vno ad summum die, omnes terrarum oras obire, quarum vix minimam partem, per omne suae vitae tempus collustrare quam plurimi Urbes, & Prouincias peragrando, vel maria transnittendo, potuere? tanta ac prope incredibilis haec voluptas est, vt viri plerique doctissimi ac sapientissimi, quemadmodum etiam de Archimede accepimus euocati a corporis sensibus quum Vrbe ab hostibus capta cuncta mulierum, ac puerorum lamentationibus, vlulatibusque perstreperent, quum  
omnia

omnia planctu, tumultuque replerentur, quum per omnes ordines aetatesque victoris crudelitas, ac licentia grassaretur, quum subditis ignibus flagrantia tecta incendio personaret, quum iam in eorum domibus versarentur armati, quasi obstructis illa dulcedine auribus, quae ex iucundissima orbium, aut signorum caelestium, vel terrestrium regionum descriptione instillabatur animis, nullam plane vocem, nullum omnino sonum in tanto armorum strepitu, atque tumultu perceperint. Nollem in recensendis singulis voluptatibus quae semper ex praestantissimae huius artis studio tanquam ex vberissimo quodam fonte, tam large, & tam munifice fluxerunt nimis vobis videri, quum praesertim ad alterum caput scilicet utilitatis quod maxime rem, causamque continet quemadmodum ut ab initio proposuimus festinet Oratio; de qua ut breuiter pauca dicamus, quae sunt, Deus immortalis in hac praeclarissima facultate, atque hominum generi per necessaria, utilitates? quae opportunitates ad aliarum non mediocrium artium, sed plane maximarum cognitionem? quas caesis vndique sepribus,

cxu.

exultisque dumetis vias, quam faciles, quam promptas, quam expeditas ad illam laudandarum artium omnium, procreatricem quandam & quasi parentem Philosophiam properanti sup-  
peditat? ut iure quidem maximo Philosophorum longe omnium princeps, gravissimus, ac praestantissimus Plato, in disciplinam se tradentes suam si geometrae iidem essent summo studio amplecteretur, nec iniuria à se tantae huius facultatis expertes ignarosque repelleret, & tanquam ad id, quod profiteri vellent minus idoneos neque eo unquam, quo cursum intendissent per-  
venturos, ab omni doctrina, atque adeo à sui Gymnasij aditu vestibuloque excluderet. Etenim quid celerem magis cogitationis motum impellere, quid aciem mentis subtilius exacuere, quid etiam, maturius torpentem animum, seque rerum humanarum curis aduoluentem possit ad exquirendas rerum causas excitare? haec praeparat animum ut agrum non semel proscissum, sed novatum, & iteratum, ad pulcherrimos sapientiae quasi satus accipien-  
dos, haec se veritatis indagandae in tanta opinionum discrepantia, in tanto  
senten-

sententiarum quasi conflictu, in maxima rerum ignoratione delitescens quasi ducem, & magistram profitetur, seque in tantis tenebris erroris, & inscitiae clarissimum lumē praeferentem offert aduenientibus, haec cum caeterae fere artes nullo docente arripi possint, sola propter rerum obscuritatem, subtilitatem, multiplicitatemque doctoris industriam solertiamque desiderat, haec si Pythagorae credimus iactis quasi gradibus ad summum intellectus acumen tutum parat aditum, & lenem struit ascensum; si denique impellere ad spem beatitudinis certam nitentium hominum vota sola Dei cognitio potest, nemo sane vnquam nisi Geometra plane beatus existet, cuius ad hoc praesertim studium incitatur, atque ardor impellitur, ut Deum immortalem subtiliori ratione inuestiget atque perquirat, inuestigatum & inuentum indicet in vulgus, eique palam colendum, venerandumque proponat. Iam vero si mente, consilioque diuino omnia, quae sunt in Mundo ad salutem omnium, conseruationemque admirabiliter administrari cogitemus, si contemplemur animo genus hominum vniuersum extremis

tremis terrarum oris tanquam moenibus comprehensum velut magnam quandam Urbem incolens, quam nos orbem terrae vocamus, Dei potestate, atque sapientia gubernari, qui iudicijs constitutis, legibusque descriptis recte factis praemia, peccatis supplicia decernat, quid aliud ex tot ab illo affluentibus bonis, hoc vno genus hominum, large magis effuseque rigare, quid inter illius maximas infinitasque virtutes tanquam sidera ardentia Geometricæ rationis splendore clarius elucere, atque emicare videbitur? neque summopere Plato non laudandus in eo, quod incredibili Dei prouidentia, atque sapientia, qua quidem vniuersum mundum regit animaduersa, optimeque perspecta, harum rerum effectorem, & conseruatorem Deum γεωμετρεῖν, hoc est, in hoc Geometriæ studium incumbentem appellare non dubitauerit, vt ex hoc credi facile possit praestantissimam hanc, siue caelestem potius disciplinam e superno illo scientiarum fonte deductam ad hominum coetus defluxisse, ac peruenisse. Nam quum Virtutem non minus stulte, quam impie nemo ex veteribus vnquā, Deo acceptam retulisset, quod quum  
propter



propter Virtutem iure nos laudari, & in  
 Virtute recte gloriari putarent, nun-  
 quam id posse contingere existimabant  
 si id donum a Deo, non a nobis habere-  
 mus, solam tamen Geometriam tanto  
 caeteris Virtutibus praestare ferè om-  
 nium erat opinio, vt crederent tantam  
 hanc, ac paene diuinam a Deo petendam  
 non a se ipso sumendam esse virtutem,  
 nec aliquid nostrae laudi assumtum  
 arbitrarentur, si egregiae facultatis hu-  
 ius originem a Deo duci omni remota  
 dubitatione concederent, quis inuentus  
 est vnquam Dijs hostiam vouisse, si iu-  
 stus, si temperatus, si sapiens effectus es-  
 set? at Pythagoras quum in Geome-  
 tria quiddam noui inuenisset Musis Bò-  
 uè immolasse perhibetur à multis, quod  
 profecto contra iudicium omnium Mor-  
 talium non fecisset nisi praeclara eius-  
 dem inuenta tanquam dona caelestia  
 Deo immortali tribuenda existimasset.  
 Verum quid in eruendis colligendisque  
 vtilitatibus maximis, ac necessarijs,  
 quae latent in intima ratione Geo-  
 metriae, tantopere laboramus? quid  
 ea re vtilius esse, quid hominum  
 generi fructuosius potest cuius consi-  
 lio atque prudentia inter se homi-

Cic. lib. 3. de  
 Nat. De.

nes ciuili conciliatione, & societate  
coniungi, & mundum omnem admi-  
nistrari confiteamur? quando non eius  
semper maxime in legibus condendis,  
& in Rebus publicis ordinandis a sum-  
mis, & sapientissimis viris habita ratio  
est? sine qua certe illa Iuris aequabili-  
tas, quae in tribuendo ius suum unicui-  
que versatur, cuiusque notitia maxima,  
atque praecipua Iustitiae parte conti-  
netur, ne intelligi quidem qualis sit vl-  
lo modo posse videatur. Quid? non ne  
Licurgus vir ille summa prudentia, at-  
que sapientia praeditus, qui Lacedaemo-  
nibus iura, legesque praescripsit, quum  
Arithmeticam analogiam falsis crimi-  
nibus accusatam quippe communem  
Vrbis perniciem, Rerumpub. pestem, &  
ad turbas maximas excitandas sane ni-  
mis aptam condemnasset a gubernacu-  
lis Ciuitatum repulisset, & tota a Lacedaemone procul amandasset, Geometri-  
cam proportionem tanquam vtilissi-  
ma, & moderatae, atque legitimae pau-  
corum potentiae accommodatam eius  
in Ciuitate retinuit, atque Arci Iustitiae  
fortunis omnium tuendis, omnisque  
Reipub. administrandae summo cum  
imperio

imperio ac potestate præfeditur equidem  
qui potest in illa parte Iustitiæ, quæ  
poenas & præmia cōstanter pro cuius-  
que meritis, & dignitate distribuit, me-  
diū illud quod est nimiū inter & parum,  
quod æquum appellatur indagari, nisi  
hac Geometrica ratione adhibita sine,  
qua in tantis tenebris, quodam quasi lū-  
mine destituti à recta æquitatis via fa-  
cile declinauerimus, eius cuius extant  
maxima in Rempub. merita, minorem  
fortasse, quam ei, qui non æque de ea-  
dem meritis sit gratiam retulerimus.  
hinc graues in Repub. quærelæ hinc  
criminationes existunt, hinc tumultus  
sæpe maximi hinc seditiones turbulen-  
tissimæ excitantur: si par Virtute,  
non paria quoque præmia reportet, &  
rebus gestis, & gloria superior æquo-  
cum inferiori iure tractetur. Non ne-  
quum omnis Respub. e Solonis senten-  
tia duabus rebus poena, & præmio con-  
tineatur, si quum de iisdem referendis  
agatur, non adhibeatur in consilio Geo-  
metria, si rationi eiusdem illudatur, si  
per contumeliam abijciatur, & in Scho-  
la Mathematicorum, in Philosophorum  
disputationes tanquam in pistrinum  
aliquod detrudatur, & compingatur.

virtutis extinctio, & Rerumpublicarum strages, ac ruina consequatur necesse sit? Veniant igitur huius sermonis irrefragabiles, & simul illud doceant, quemadmodum sint poenas, & praemia, quae meritis cuiusque respondeant largituri, nisi rationes illorum qui poena, vel praemio digni sunt; seorsum a poenis praemiisque posuerint, & inita subductaque ratione effecerint, ut quae fuerit rerum diuidendarum inter se ratio; comparatioque, eadem sit eorum, quorum gratia adhibeatur? ut praeclare dixerit Aristoteles, eiusmodi ius omne ex quattuor minimum constare debere; nam, quod aequum est, alteri sit aequum oportet, at quod est in proportionem positum minimum in quattuor versari didicimus, si enim similitudo minimum est duorum ergo proportio quum sit similitudinum comparatio, ad quattuor usque progrediatur necesse est. Verum ut rem satis explicatam, exemplis quoque ex Romanorum iure depromtis illustremus; si re duobus ab Imperatoribus bene gesta quorum alter collatis signis, infestoque agmine cominus hostem inuaserit, & egregia edita pugna ingenti ad extremum caede prostrauit-

straue-

Lib. 8. et h.

strauerit, alter vero bello praedonum,  
 vel fugitiuorum exultantem vana spe  
 hostem, nullo certamine inito, sola  
 nominis fama depressoerit fugaueritque,  
 si inquam ob haec talia in Rempubli-  
 ca merita de honoribus, vtrique illorum  
 decernendis in senatu referatur, quae-  
 raturque qualis hic honor singulorum  
 meritis aptus habeatur, ne aut vni de-  
 bito minor, aut alteri iusto maior  
 laus deferatur, sed suum cuique pro  
 dignitate reddatur, duci recte ratio  
 sic poterit, quam habet rationem  
 praedonum victor, vel fugitiuorum  
 ad victorem hostium, eandem habet  
 Ciuica corona ad Triumphalem, vt igitur  
 tur debellator hostium ad Triumphum,  
 sic Praedonum victor ad Ouationem,  
 iustum igitur erit in partiendis honori-  
 bus statuere, vt qui Hostem nullo ferè  
 negotio deuicerit, Ouans, qui autem  
 plurimos labore susceperit, vitae di-  
 scrimen adierit, in medias peditum, at-  
 que equitum turmas irruerit, nec ma-  
 gis Ducis, quam militis munera ex-  
 quens vulnera etiam exceperit, opimis  
 hostium spolijs onustus, bellicis laudi-  
 bus abundans rerum gestarum fama  
 perspicuus, curru sublimis in Capito-

*Aulus  
 Gell. l. V. c.  
 VI. No. 40  
 ti. di. 10. 11*

lium ascendat. Et quemadmodum ei,  
 qui recte factis praemia sit daturus ita  
 etiam ei, qui sit supplicia peccatis consti-  
 tuturus eadem erit via progrediendum.  
 Si Decurione poena relegationis affe-  
 cto, in quaestione venerit quo loco, atq;  
 ordine habendus sit filius, post Patris  
 relegationem ortus sed paulo ante con-  
 ceptus, an debeat propter eiusmodi  
 causam Ordine decurionum amoueri  
 & a spe Magistratuum caeterorum con-  
 sequendorum excludi, vel si de poenis  
 ob delictum imponendis agatur, an fu-  
 stibus castigari, & in metallum dari  
 tanquam plebeius possit, sine dubio hac  
 Geometrica ratione cauebitur, ne Pa-  
 tris perversitas, improbitasque aliquod  
 innocentis filio negotium, periculum  
 que faceffat, ratio enim effici, con-  
 cludique potest hoc modo: Quae ratio  
 est senatoris filij ad poenam depor-  
 tationis, eadem est filij Decurionis ad  
 eandem, quum senator & Decurio tan-  
 dem inter se proportionem, compara-  
 tionemque habeant, at senatore natus  
 & ante damnationem conceptus nul-  
 lam contrahit ex paterna ignominia  
 turpitudinis notam, neque igitur quid-  
 quam Decurionis filio patris damnatio  
 nocere

*Ulp. in l. 2.  
 §. in filij  
 D. De De-  
 curionibus.*

nocere debet. Dicendum igitur erit. eundem, eadem prorsus benignitate, ut senatoris filium intuendum. Qua nam demum alia ratione sublata hac geometrica, recte diuidi Haereditates inter liberos possunt? necesse enim erit, aut plus ad alterum peruenire, quam per tabulas testamenti liceat, aut alterum debita testamento sibi portione fraudari. Si enim ita à testatore scriptum reperiat, esse ut si filius sibi post mortem nasceretur ex beffe Haeres esset, si filia ex triente, vxor vero reliquam Haereditatis partem acciperet, & filius, & filia nati sint, quid hic faciat Iudex? non ne tantis diuisionum tenebris Geometricae proportionis lumine occurrat? non ne totum assen in partes septem distribuatur, ut quattuor ex illis filio, Vxori duas, filiae ynam tantum partem assignet? ita enim quemadmodum Iulianus ait secundum voluntatem Testatoris filius altero tanto amplius habebit quam Vxor, Vxor vero, altero tanto amplius consequetur quam filia, quae enim est similitudo filij ad Vxorem, eadem est Vxoris ad filiam, scilicet dupla, at filius capere altero tanto amplius debet, quam Vxor, aequum

*Iulianus  
in l. xij. D.  
De Libe. &  
Post.*

igitur erit Vxorem duplum eius, quod filiae debeatur accipere; quae profecto diuisio vt recte fiat, totus erit assis in septem partes distribuendus, & filiae vna, vxori duae, filio quattuor assignandae. Quid multa? Quot sunt optimae, & salutare Ciuitati leges impositae, totidem extant singularis Geometriae vtilitatis, eiusdemq; praestantiae grauiissimi, & laudatissimi testes, quot iura Populis descripta reperiuntur, totidem etiam voces paene exaudiri videntur, quae eiusdem ductu, & auspicijs ad augustissimum & religiosissimum iustitiae templum ad intimam aequitatis sedem ac penetralia perueniri contendunt. Quare si nihil nobis ad delectationem iucundius, nihil ad existimationem honestius, ad vitae fructum optabilius, ad rerum cognitionem aptius, ad Reipub. gubernationem vtilius, ad beatitudinem vitae salutaris potest accidere; quis vt ita dicam voluptatis amator, quis rerum diuinarum, humanarum, causarumque, quibus haec res continentur scientiae appetens, quis iuris legumque studiosus, quis beatitudinis auidus, quis Reipub. gerendae, atque orbis terrae gubernandi, quis

fere



ferè laudis cupidus adolescens, non omnem sibi operam, curam, studium in hac vna disciplina omnium maxima sibi comparanda, defigendum esse putauerit? Quamobrem pergit, ut facitis adolescentes, & in id studium in quo estis incumbite; Quamquam non tam vos oratione mea cohortandos, quam summis laudibus efferendos existimo, quod iam tantam vris facultatem adepti, ut breui sperandum sit, fore ut ex hac nostra schola tanquam ex equo troiano plures optimi, clarissimi que viri prodeant, qui vel ac summam sapientiae laudem consequendam, vel ad iuris scientiam illustrandam vel ad Rempublicam capeendam, summa cum eorum laude, & Reipublicae Christianae utilitate se conferant. Interim vos oro obtestorque ut me propositum vobis *περίληψη* explicantem attente sicut facitis audiat.

*Problemata reperies in fine huius libri*



IO. VICTORII  
ROSSII  
ROMANI,  
AD ADVOCATOS  
CONSISTORIALES.

ORATIO IV.



**E**tingenij mei tenui-  
tas P.A. & breuissi-  
mae eius temporis  
angustiae, quo mea  
continetur oratio,  
omnem prorsus mi-  
hi spem adimit, non  
modobeneficij vestri aliquò sermonis  
genere adaequandi, sed prope eiusdem  
recensendi, quod sententia quidem mea  
ex se tantum est, vt si mihi dies ipse  
da dicendum daretur, si summa quae-  
dam celeritas ingenij, dicendiqne copia  
adde-

addideretur, nunquam tamen vim eius maximam complecti verbis perinde possem, vt mecum ipse cogitans sentio, ita plane fit, vt in voluptate doleam ex ingenti quodam immensoque campo meā in accepto a vobis beneficio exornando gratulationem, in exiguum sanē temporis girum esse compulsum. Etenim nihil mihi accidere poterat, vel hoc tempore optabilius, vel in hac mea aetate honorificentius vel ad eam, quam de me ipso opinionem concitasset, non modo confirmandam, verum etiam augendam praestabilius, quam confecto laborum, & studiorum meorum curriculo, eam laudem iudicio vestro grauissimō, & maximo mereri, quae summo ingenio, & doctrina viris debeat, qui enim honor deferri cuiquam potest, ex quo plures afferri hominum generi utilitates possint, quam sapientissimorum hominum sententijs dignum pronunciarī, qui opem ferre supplicibus possit, excitare afflictos, dare salutem, Patriā, vitam, existimationem, bona, atque fortunas suis ciuibz conseruare? quid homini prudenti iucundius esse, quam in altissimo gradu sapientiae, quasi tabernaculum vitae suae collocare, habere domum

domum suam refertam ciuium optimorum conuentu, atque frequentia, ad quam tanquam ad aram aequitatis, iustitiaeque confugiant, postremo ea sapientia praeditum censerem, nullae ut sint tam afflictae innocentis alicuius hominis fortunae, quae fidei eiusdem, atque prudentiae tuto committi nequeant, nec tam perditam causam, quae non eius digna patrocinio videatur? quid denique homini ad claritatem, amplitudinemque aptius existere, quam omnium vestrum suffragiis, in numerum illorum peruenisse, qui recte iudicentur posse administrare Rempublicam, insummis honoribus cum dignitate versari, Ciuitatibus mores, leges, atque iura describere? Me igitur hodie P. A. qui neque mediocri aliqua doctrina valeo, neque in hoc publicum industriae, & eruditionis meae discrimen tantum ingenij, quantum vobis fortasse videatur attuli, vniuersus vester hic ordo in hoc celeberrimo Gymnasio, duce beneuolentia in me vestra, assentientibus cunctis, referente Amplissimo viro Decano vestro praeclaris hisce adolescentibus, quorum corona circundor incumbentibus, omnium plane suffragiis in numero

numeros

rum

rum Iurifconsultorum intulit, atq; eum  
in locum plane vna voce, prope omni-  
bus suis viribus coegit. At cuius quæso  
me disciplinae doctorem, & interpre-  
tem vestris sententijs pronunciaſtis?  
eius nimirum, quæ vna, artium reli-  
quarum cognitionem, & ſcientiam com-  
plexa ſit, quam qui profiteatur non de-  
beat ab omni doctrina rerumque ma-  
iorum notitia procul abeſſe. Atque vt  
ex his infantiae meae quaſi nubibus, ſe  
aliquis ſaltem ardor veſtrorum erga  
me meritorum exprimat, ſimulque mea  
vox hodie, tanquam in poſſeſſionem  
Iuris prudentiae pedem ponens, officio  
functæ doctoris videatur, liceat mihi  
breuiter P. A. eius definitionem ad id  
quod volumus demonſtrandum uſur-  
pare. Iuriſprudentia vt definiit Iuſti-  
nianus nihil eſt aliud niſi diuinarum,  
atque humanarum rerum notitia, iuſti  
atque iniuſti ſcientia. Si illam inquit  
Imperator ſapientiſſimus præclaram,  
& eximiam ſpèciem Iuriſprudentiae, &  
pulchritudinem adamatis, ſi præclarae  
eius artis ad ſumma contenditis plura  
vobis ſunt neceſſaria adiumenta doctri-  
nae, non paulum vobis aliquarum ar-  
tium minimarum deguſtandum, ſed quid  
quid

quid diuinarum, humanarumq; rerum  
reconditis in artibus versatur haurien-  
dum, non rudis, & adumbrata e singu-  
lis quibusque cognitio petenda, sed om-  
nium rerum, virtutum, officiorum,  
omnisque Naturae, quae mores homi-  
num, quae causas rerum contineat ori-  
go, & vis comprehendenda est, non ha-  
bet haec praeclarissima omnium virtus  
definitam aliquam regionem, cuius ter-  
minis septa teneatur, sed prope in im-  
menso omnium disciplinarum campo  
excurrit, non ibi habitat, vbi qualis,  
qualis vnus, aut alterius rei notitia,  
tanquam seclusa aliqua aquula tenea-  
tur, sed vnde ex omnibus omnium di-  
sciplinarum, atque artium fontibus vni-  
uersum flumen erumpat. Omnia igitur  
quaecunque singularum disciplinarum  
libris includuntur sunt ei complecten-  
da, qui hoc se posse profiteretur, aut Iuris  
scientiae nomen relinquendum: E. qui-  
bus liquido constat parem vestris in me  
meritis posse gratiam referre, grati qui-  
dem esse optare, sed prorsus insipientis  
sperare, vna me iubet esse bono animo  
humanitas vestra, quae sanè tanta est,  
vt simul ac vobis de alijs benemerendi  
datur occasio, beneficium ipsi vobis ac-  
cepisse

cepisse videamini; Atque hæc quidem  
me maxima huius oneris parte leuaret,  
nisi nouae mihi essent meritorum ve-  
strorum; & eorum quidem maximo-  
rum accessiones factae, quum clarissi-  
mus Vir deque litteris optime meritus  
Cinus Campana Princeps huius vestri  
ordinis, quem omnes, & propter sin-  
gularem eius probitatem vnice dili-  
gunt; & propter granitatem, digni-  
tatem, sapientiam in primis colunt,  
ita me non solum vestro singulari bene-  
ficio exornauerit, sed suis etiam prope  
laudibus cumulauerit, vt neque elo-  
quentia maiore quisquam, neque gra-  
uitate, neque studio laudari, orna-  
re potuerit, quas sane omnes libenter  
excuterem, nisi a magistris meis iam  
pridem didicissem latius ingrati animi  
crimen manare, neque eum modo com-  
prehendere, qui beneficiorum immen-  
sus extitisset; sed illum etiam, qui  
quod alterius in se meritis leuiora sua  
officia omnia existimaret, omne a se  
beneficium reijceret. Quapropter ne  
videar, eius quoque beneuolentiam  
aspernari, voluntatem negligere, au-  
toritatem contemnere, tantas illi ago

gratias, quantas maximas agere possum, deinde quae in me laudum ornamenta conguessit depronta e sua vera, & solida gloria, non ad exiguitatem, exilitatemque mearum Virtutum velut accomodata, sed tanquam preferentia perspectam mihi quidem, sed tamen gratam, & optatam beneuolentiam suam, non solum grata mihi esse confiteor; sed etiam oblata esse gaudeo; interim ea omnia, & multo quidem maiora eius Virtuti tribuo, cuius sunt propria, & vnde emanarunt, nam etsi egregia est ea laus, quae a laudato viro proficiscitur; tamen si in ijs, quibus deferitur non consistit veluti solis radius eodem vnde digressa est reuertatur necesse est. Postremo sic eum existimare velim quum a vobis mei exornandi auctoribus discesserim, neminem esse, cuius in me officia obliuione aliqua velim deleri, aut quam in omne posterum tempus tanquam perpetuae illius in me voluntatis pignus testata esse omnibus malim. Denique vt vela contraham orationis meae, quoniam P. A. id, quod est in me ingenij, & facultatis, quae ego sentio quam sint in me exigua tam excellenti munere prosequendum esse



esse duxistis, polliceor quantum in posterum litteris, quantum in studijs consequi potero, me id omne ad arbitrium vestrum collaturum esse, simulque futurum apud me semper maximo in honore hunc diem tanquam insigne muneris, & beneficentiae vestrae monimentum.



<sup>98</sup>  
IO. VICTORII

R O S C I I

R O M A N I ,

D E

SPIRITV SANCTO

A D

CLEMENTEM VIII.

P O N T. M A X.



O R A T I O V.



N acceptis beneficijs , atque muneribus. B. P. non tam esse largitionem ipsam , liberalitatemque magni faciendam , quam large , & liberaliter facientis animum ponderandum merito semper optimus , ac sapientissimus

tissimus quisque iudicauit. quis enim, ad eorum aestimationem plurimum conferre negauerit voluntatem ad nos mire propensam, & incredibili Caritatis ardore flagrantem? etenim quamuis conglutinata cum aliquibus amicitia vtilitates multae, & magnae consequantur, tamen si perspicuum sit nobis haec omnia vel temporis causa orta esse, vt sit per quem assequatur, quod quisque desideret, vel ab indigentia profecta, vt eadem, exigentes gratiam, foenerentur, certe tanti non erunt habenda, quanti si essent ab illo nobili & generoso amicitiae ortu scilicet ab amore, & beneuolentia procreata. Maxima, infinita, & incredibilia sunt Dei quidem omnia in genus humanum beneficia, sed si diuina illa Caritas, qua data sunt nobis perpendatur; nullus adeo eorum aestimationi locus relinquitur, vt qui eadem non ita magna esse dixerit, vt nullius mens, & cogitatio capere possit, amens sit. Sed vt caetera praetermittantur, quid sane, aut excogitari admirabilius potest, aut quod magis in auditam quandam, & incredibilem vim beneficentiae in se contineat commemorari, quid est, nisi

Christianae fidei sic imperantis potestati iudicij fasces submitteret, quod sibi minus persuadere humana mens possit, quam quod semel fide, & auditione constantissime credendum accipit? Deum optimum, maximum, filium suum, ex sua mente, & diuinitate genitum, sibi aequalem, coaeternum, ac consubstantialem, quo optime de hominum genere mereretur, adueniente maturitate temporis, ita pro hominum salute constituisse, vt eundem acerbissimis poenis addixerit, turpissimaeque morti deuouerit; ita vt eundem ipsum tanti muneris auctorem, haec tam incredibilis beneficentia, tam inusitata liberalitas, inauditaque clementia in admirationem adduxerit, & quum magnitudine beneficii, ac pondere premeretur illius ex ore dulcissimo suauissimam vocem, illam exprefferit. Sic Deus dilexit mundum vt filium suum vnigenitum daret; quasi vero, nec tantum facinus aggredi, nec coepto fastigium imponi nisi amoris impetu iubente, atque cogente potuerit, vt nec vllius apud Deum auctoritas plus valuisse, nec imperium eidem impensius prope vim

attu-

*Ioan. ij.*

attulisse videatur, atque adeo primae partes in hoc humanae redemptionis opere Dei in nos amoris tribuuntur, ut si quis totum hoc beneficium ab ea caritate a qua prorsus emanavit se iunxerit, atque distraxerit, si quis polluto ore, atque nefario in diuinam eius Hypostasim hanc verborum contumeliam intorserit, non modo in eo nullam utilitatis causam habiturus sit, sed etiam damni rationem maximam inuenturus, quumque maximis calamitatibus adductus ad aram Crucis Christi confugerit non tam sibi spem aliquam salutis, & veniae in eius opere constitutam esse persentiet, quam exitij, & damnationis reatum ab illo eodem fonte deriuatum, atque deductum intelliget, nam qui dixerit verbum

*Math. 12.*

contra Spiritum Sanctum non remittetur ei, neque in hoc saeculo, neque in futuro, quum enim solus obstructam ad diuinam clementiam nostris sceleribus viam, patefaciat illustrem, atque latam, neque modo inclinantem ad seueritatem Deum inflectere, sed etiam adducere ad misericordiam possit, omnem diuinam opem a se abdicat, qui defensori suae salutis acerrimo obtre-

*Serm. I. De  
Pentecoste.*

Etare sit ausus, illudque propugnaculum a sua defensione repellere; quo resistente omnes frangi aduersariorum, impetus possint; ab ipso enim quemadmodum Leo summus Pontifex ait est aduocatio Patris, ab ipso sunt lacrimae, ab ipso sunt gemitus supplicantium. Quum igitur admirabilia, & infinita Dei munera amoris pondere penduntur si superiora omnia, quod ea de Spiritu Sancto fluxisse comperitum sit, nullum nobis in aestimando finem reliquisse iudicabantur, quis erit modus aestimationis in eo, quod hodie Ecclesiae vniuersae large effuseque donatur? non iam amplius beneficia à diuina Caritate prodeuntia, sed diuinam ipsam Caritatem accipimus, non delapsa è Caelo munera colligimus, sed eundem ipsum datorem munerum adipiscimur, non riui quidam amoris funduntur in homines, sed fons eiusdem, & origo diuina ad nos liberalitate perducitur; vt quum iam reliqui nihil esset, quod quidem in Caelo tanquam in arca diuinorum Thesaurorum recondetur, quod non totum Dei amor transfudisset in hominem, omnem plane modum

modum liberalitatis excedens, ipsum se tandem habendum, possidendum fruendumque praeberit. Quapropter muneris, & munificentiae istius largitas in eam latitudinem immensitatemque protenditur, ut mens hominis, & cogitatio infinitum eius prope campum excurrans, nullum plane exitum in quo terminetur inueniat; Sunt Dei equidem omnia quae adhuc extant in genus humanum beneficia, maxima singularia, & late patentia, ne ab illis quidem mentibus ab omni concretionem mortali segregatis comprehendenda, sed hodierni beneficii vis tanta propemodum est, ut eius magnitudine, ac lumine reliqua ferè omnia penè obrui obscurarique videantur; Etenim illa quamvis clarissima, quamvis admirabili luce praedita, in Christi mortalitate, velut in aqua perobscurè intuebamur, itaque ea nemo conspiciere reformidabat, ut aliquo saltem modo eius ferre lucem posse oculis videretur, hoc autem tanta undique est luminis claritate perfusum, ut quouis illud cogitatione, tanquam oculis circumspexeris aciem animi perstringat, & mentis quasi lu-

minibus officiat splendore magnitudinis, & gloriae. Verum quum diximus principium omnium bonorum, vberissimo Sancti Spiritus fonte contineri, efficitur, ex eodem vt plures vtilitatum maximarum riuuli tanquam à suo capite deducantur, quos omnes conferat in illius animi fructum, cui semel infederit, de quibus quum singillatim dicere infinitum sit, leuiter quosdam oratione mea perstringam. Huius primum singulari munere, qui spirituali prius vita priuati erant, fractis adamantinis mortiferorum scelerum vinculis, in interruptae, letali peccatorum tabe, veteris vitae initia reuertuntur, cuius quidem beneficij, quod eo tota nostrae salutis ratio contineatur, tanta est dignitas magnitudoque, vt merito inter mirabilia Dei opera primum numeretur, quid enim videri admirabilius potest, quam destitutos luce, & spiritu animos, qui horrendum angelis spectaculum fecerant, iacentes erigere? quid stupore hominum, dignum est magis, quam eos ipsos, qui Deo nauseam mouerant odoris teterimi intolerabili foeditate, cuius ita pestife-



pestifera, & intoleranda natura est, ut si capi corporis sensibus posset, neque intra illud turpe flagitiosi corporis bustum ne efflaret cohiberetur, animalia omnia necaret, maxima odorum suauitate complere? quid est in quo diuina potentia progredi ulterius possit, quam proiecta cadauera, quae non modo vermium, & rerum omnium spurcissimarum turpissimi recessus erant, sed immanium quoque ferarum, anguium, Draconum, Daemonum impurissimae latebrae, nobiliori vitae reddere, & ex aridis quasi sarmenis amputatis a vite, & perpetuis apud inferos ignibus ad exardescendum addictis in eam arborem unde execta erant inserere, ac paene iterum in spem caelestis Regni producere? Neque eius haec tam prodiga, ac liberalis diuina nobis munera largientis effusio, in peccatoribus exornandis, hosce quamuis latissimos suae beneficentiae campos, finesque praescripsit; Etenim, quos ad extremum non omnis modo infelicitatis, atque miseriae peccati Regnum adduxerat, ex mortis faucibus ereptos reducit in vitam,

vitam, & depulso a ceruicibus illorum nefario seruitutis iugo vindicat in libertatem filiorum Dei, non solum flagitijs omnibus contaminatos, omnique caeno turpitudinis oblitos deterfis sordibus expurgat. sed contractas à sceleribus maculas in eam speciem, pulchritudinemque conuertit, vt eiusdem quasi lenocinijs, ita Dei ad se amorem alliciant, vt Caelum prope fastidiens, quasi in altissimis illis ac beatissimis domibus, vel in hac infelicissima, & humillima valle miseriarum nullus praeter vnum hominem locus reperiri potuerit, vel ad delectationem iucundior, vel ad requiem opportunior, suam in illos sedem transferat, aeterna nisi prius ab illis repudientur. cum eisdem hospitia conciliet, sempiternam, & indissolubilem amicitiam connectat, dulcissima colloquia habeat maxime illorum similia, quibus beatas Caeli mentes ineffabili iucunditate, laetitiaque permulcet, demum omnes sibi esse cum illis voluptates, atque delicias perpetua deinceps cohabitatione, & indiuidua vitae societate significet. O ve-

re beatum illum cuius pectus sedes est  
diuini Amoris suauissima. poterit ne  
hic non beatissimus esse cuius ille  
domicilio pectoris contineatur, ad  
quem tanquam ad fontem summa  
Caeli felicitas, nullo interrupta la-  
bore voluptas, aeterna beatorum  
gaudia referantur? poterit ne hic in  
tanta caelestium diuitiarum affluen-  
tia laborare inopia? vel maerore af-  
fici circumfluentibus cum vndique,  
dulcedinis immensae, infinitae laeti-  
tiae atq; aeternarum voluptatum quasi  
fluminibus? verum quid est quod tan-  
topere admiremur quum legimus, aut  
audimus efferuescentem animum di-  
uini amoris incendio, & paene eadem  
qua Deum vita viuente tantam  
habere pulchritudinem, vt nulla spe-  
cies ne excogitari quidem possit or-  
natio, eisdemque vibrare effuso lu-  
mine radios, & quaedam quasi tela  
conijcere, vt semper omnium patens  
iaculis cor Dei traijcient, incendant-  
que flammis in illius amorem arden-  
tibus; quum ob Dei familiarissimam  
coniunctionem Deus quasi alter exi-  
stat? Dauid enim Dei amicos Deos  
saepius

*Psal. 81,  
& alibi.*

saepius appellare non dubitavit, quum enim id quod bonum vere appellatur, & est ea vi praeditum sit, atque natura, vt tanquam angustis terminis comprehensum ipso se contineri nequeat, nec quodammodo inhiberi, quin exiens a se, & tanquam a sua sede digrediens, migret etiam in alios, seque totum illis adiungat, nihil certe repugnabit, quo minus

*Omelia D.  
Spiritu Sancto.*

Deus, ex Basilij sententia, qui summum bonum est, suam cum illis, quos vnice diligit speciem, lumen, sapientiam, bonitatemque communicet, quod si ferè paulatim fit, vt ad illius morum societatem traducamur, quo cum viuimus, cur non frequens Dei vsus in sui amicissimos speciem quandam diuinæ illius bonitatis expresse-rit? cur felix ille animus plane diuinus non fiat, qui vinculo consuetudinis ita Deum arcte complexus est, vt iam nihil possit esse coniunctius?

*Basil. Omel.  
eandem.*

Si sole percussa nubes eius item ardore conflamat, vel si speculum, aut quacuis perlucida res alia solis quoque radijs accensa, ita eius luce coruscat, vt par soli splendeat, aciem oculo-

oculorum perstringat, lumen longe,  
lateque diffundat, nos tanquam re ali-  
qua omnem excedente fidem intelle-  
cta mirabimur audientes animum,  
vitiis suorum maculis, purissimo  
Christi sanguine ablutis, si in Spiritus  
Sancti lucem incurrerit mutuatis ab eo  
radijs diuina prorsus Caritate fulge-  
re? Sed hoc tam singulare beneficium  
alia etiam amplissima, ac praeclaris-  
sima, munera consequuntur. O San-  
ctissime, ac beatissime Spiritus, quid  
perfecto sine te vita hominum esse  
potuisset? quis tantis errorum tene-  
bris, caecisque nubibus, & procellis  
inclusam Dei notitiam haberet, si non  
illam in veritatis lucem proferret, &  
disiecta caligine tuae lumen claritatis  
accenderet? quis animi nostri robur  
miserandum in modum clade a pecca-  
tis accepta fractum, & debilitatum, ad  
cupiditates edomandas, ad reprimen-  
dos impetus vitiis, ad resisten-  
dum Diabolo confirmaret, nisi tua  
idem Virtus caelestibus auxilijs cor-  
roboraret, & aduersus omnes spiri-  
tualium inimicorum insidias tot Vir-  
tutum praesidio, tantoque comitatu  
muni-

muniret ? tu mederis animis , solitudines detrahis , cupiditatibus liberar , tranquillitatem vitae largiris , & mortis terrorem adimis , nam si quem semel nactus eris Sancti Spiritus patrocinio firmatum , eiusque custodijs , vigilijsque munitum , hunc tu mortis , & tormentorum minis terreto si potes , quidquid enim illi mali acciderit , non modo repugnanti , sed ne recusanti quidem , sed quid inquam recusanti , imo etiam roganti , & se sponte supplicijs offerenti euenerit . Et erit quisquam tam stultus , qui in summa felicitate non ponat , posse cum rerum omnium effectore , & moderatore Deo hospitio , amicitiaque coniungi ? tam crudelis , & inhumanus , qui non tantum modo , ad se venientem peregrinum , & hospitem non libenti animo suscipiat , verum a se etiam per contumeliam abigat , atque contemnat ? est ne credibilis tantus in vlllo furor , vt quem Deus ad tam excelsum dignitatis fastigium euexerit , vt quasi Deus alter si velit effici possit , sic se ipse abijciat , atque prosternat ,

vt

vt quadrupedibus potius, quam Deo similis esse malit? fieri ne potest vt in eam venerit contemptionem, ac despicientiam apud homines peruersissimos, & despiciatissimos diuina Spiritus Sancti maiestas, & praeclara eiusdem munera, quae eos qui acceperunt in Caelum ferunt sic multorum aestimatione conciderit, vt tanquam vilissima quaeque & abiectissima proterantur, & conculcentur? Quum igitur hic sacratissimus Spiritus linguarum ignitarum specie ad inflammanda mortalium corda e Caelo ad nos hodie sic illabatur, vt tanquam medicus non modo ijs, qui grauibus, periculosisque conflictantur, cupiditatum morbis medeatur, sed vt stirpem malorum funditus eradicet, & euellat, vt tanquam doctor, nos discussis ignorantiae tenebris erudiat, vt tanquam beneficus Dei filios, & quod maius est Deos efficiat, ne quaeso animae nostrae domicilio tantum hospitem excludamus, demus nos huic excolendos, patiamurque sanari ab eo; sic enim fiet, vt nos tandem aliquando Virtutum

**112** *Oratio Quinta*  
tutum omnium locupletissimos acci-  
piat illis beatorum sedibus  
iucundissimis.





IO. VICTORII

R O S C I I

R O M A N I,

D E

CHRISTI DOMINI

Ascensu.

A D

CLEMENTEM VIII.

P O N T. M A X.

O R A T I O V I.



ACROSANCTVS

hic dies, P.B. quo  
tandem Sol ille  
clarissimus, qui  
toto Caelo luce  
diffusa ereptum  
funesta nocte mor  
taliū generi diem,

diei lucem, luci splendorem restituerat  
nubis obductu suspicientium oculis e-

H reptus,

reptus, per immensam Caeli magnitudinem suum omne in superos lumen euexit, tristitiae, atque doloris acerbissimi facultatem nobis suppeditare quodammodo videtur. Etenim haec plane repentina decessio noua terris nocte circumfusus suam eripuit speciem, decoremque subtraxit, idem hic omnia splendore, ornamentisq; omnibus spoliavit nudauitque dies, quis iam consolando luctum, doloremque leuabit nostrum? quis in rei alicuius ignoratione versantes erudiet? quis vnum dispersos in locum congregabit? veniat nobis in mentem quis abierit, quis discesserit. etenim ab illo nos relictos, desertosque reperiemus, qui quum sit Dei filius ex eiusdem mente, & diuinitate, genitus, in quem vnum conuersae beatorum mentes affluentem bonis omnibus felicitatem, & beatitudinem assequuntur; non satis habuit ad nos miseros inimicos, & diuinæ seueritati perpetuis poenarum vinculis obstrictos delabi, humanam speciem induere, nisi etiam se propter nimiam caritatem morti non crudelissimae solū, sed etiam turpissimae deuoueret, & reconciliaret nos Patri meritis in genus humanum, singularibus: non ne igitur is doleat,

&amp;

& vehementer doleat, o bone Iesu, & plusquam omnem deceat amicum alterius amici discessu commoueatur; qui tua vincula, qui verbera crucem denique illam recordetur, quam tua hominibus singularis humanitas, atque benignitas, testem beneuolentiae in eos esse voluit, & reconciliatae gratiae monumentum? Verum hic plane regius apparatus sollemnis haec pompa, haec plena laetantium vocibus symphonia, communis Ecclesiae totius laetitia, tua haec P. B. vestis insignis auro, ac purpura, atque triplex haec imposita Capiti corona sanctissimo auro, gemmisque distincta, summam indicit vniuersis laetitiam, & omni expulso dolore, quasi nubium conflictu admirabilem exprimit ingentis gaudij fulgorem; sed quod mirandum summopere videri debet, Apostoli ipsi, qui neque a complexu eiusdem auelli, neque ad breue tempus eius absentis desiderium pati posse videbantur, a quo ne semel distraherentur rapi secum ad supplicium, atque idem prope capitis discrimen subire, magis animose, quam fortiter postulabant, hoc tempore, quum inspectantibus ipsis non iam infra paucos dies sed exactis omnium temporum spatijs, &

*Lucæ.  
xxiv.*

*Leo Serm. 1.  
De Ascens.*

completis annorum omnium conuer-  
sionibus reuersurus abierit, quum id  
Angelorum testimonio confirmatum  
haberent, non dolorem modo perci-  
piunt nullum, sed quum se ingens intra  
pectoris angustias non contineret hila-  
ritas, erumpit, seque in ore omnium,  
atque oculis diffundit, ita vt gauden-  
tes, lactantes, exultantesque Hieroso-  
lymam reuertantur. Quid ergo est cau-  
sæ cur nobis tantopere laetandum sit?  
Quod multa videlicet ex hoc fonte in-  
nos commoda redundarint, etenim vt  
multa præteream nostris erepta sensi-  
bus Christi discedentis humanitas qua-  
dam quasi nubẽ disiecta, grandia quæ  
latebant miracula demonstrauit, atque  
inde prorsus abdita Christianæ fidei  
patuere misteria, tum certissimis argu-  
mentis, palam factum est id, quod mul-  
tis ante sæculis quibusdam velut inuo-  
lucris obtectum humana mens nunquã  
euoluerat Christum Dei esse filium, &  
Patri prorsus æqualem: tum luce cla-  
rius effulsit tantam, ac prope infinitam  
fuisse caritatis potentiam; vt diuinam  
in Christo maiestatem cum deterrima  
hominis conditione coniungeret, & ge-  
minam naturam in vnã colligaret  
hypostasin: tunc est illis ereptus, is qui

omnes

et h

cos

eos pertinaciter detinuerat error, Christum non libidine dominationis impulsu, non imperij cupiditate praecipitem abreptum in has se se aerumnas demersisse, sed de regalibus Caeli sedibus, ac prope de sinu Patris excussum, ut euerso Mortis imperio a nostris ceruicibus seruile iugum depelleretur, & depressa mortalium mens, ad spem, immortalitatis certissimam, & consequendae Caelestis Regni Haereditatis egeretur. tunc Apostolorum in Christum amor, humanarum cupiditatum societate perpetuo cohaerens, segregato diuinae charitatis incendio quidquid intus in eo vel terrestre, vel humile continebatur, velut aurum ardenti fornace, purgatus est, planeque purus effectus, nec dici propemodum potest ad alium finem tanta diuinae mentis relata consilia, ut Christus dominus qui velut ignis per cuncta peruadit, suoque ambusta consumit ardore, relictis in aeternis, ac faelicissimis sedibus ubi tanquam in fornace diuini Amoris perpetuis flagrant ignibus incensis beatorum spirituum mentibus, in has aerumnas descenderet, nisi ut adstricta frigore peccatorum durissima pectora mortalium, quas caelo extulerat flammis

relaxaret, atque ad suis ipsius speciem,  
pulchritudinemq; formaret. quid aliud  
inquite Caelo amore ardens Christus  
in terras attulit praeter ignem? quid  
foedus illud iniquissimum, & insidia-  
rum plenissimum, quod cum infestissi-  
mo hoste, sua ipsius calamitate, atque  
perniciie humanum genus inierat effra-  
cturus, quid ad distrahendas oves meas  
quae segregatae a coetu reliquarum,  
errabant, ab illa misera & impura so-  
cietate, qua perpetuo quodam vinculo,  
se cum teterrimo monstro deuinxe-  
rant, quam districtum in illos amoris  
gladium praeporauit? hic diurnam  
hominum pacem perturbabit, hic pri-  
mum omnia miscebit, turbas excitabit  
maximas, & spe omni compositionis  
adempta, rem ad certamen contentio-  
nemque deducet, eosque in libertatem  
filiorum Dei facta hostium caede vin-  
dicabit, hic eos rursus contra bellum,  
quod a carnis illecebris, & ab inferiori  
animae parte collatis in vnum viribus  
renouabitur satis firmo praesidio mu-  
niet hic tandem, quod ego vehementer  
exopto, quodque me praeter caetera,  
vnum in hos labores impulit, euellens,  
omnes hominis ex animo cupiditates  
eundem perpetuo, mecum amore con-  
gluti-

glutinabit; quae tum erunt mihi cum illo deliciae, quae in eius pectore plena requies oblectationis existeret, quibus voluptatibus, quanta cum iucunditate perfunder, verum non illico velut alis ad summum diuini Amoris fastigium, euolatur, sed illuc paulatim quibusdam quasi gradibus peruenitur; neque enim subito quum posset Christus Apostolorum animos eiusmodi omnino Amoris rudes atque expertos expoliuit planeque perfecit; Sed vt cernimus in hominibus, in arboribus, in fabrica, vel pictura, Naturam, vel aemulam Naturae artem suo quodam itinere ad vltimum peruenire, nec simul atque producantur, vel inchoentur habere absoluti operis effectum, ita inchoato in illis pulcherrimo Amoris operi non nisi multis antea ductis lineis adhibitisque coloribus extremam manum imposuit, quumque horrida, discipulorum pectora diuini ferro eloquij subacta, atque mollita, sparsum caritatis semen excepissent, quasi herbescere primum voluit, deindeadolescere paulatim, ad extremum truncos, ramosque producere, & in eam quam par est altitudinem peruenire. Credo P. B. pro tua singulari pietate ac religione in tuis matutinis,

ac vespertinis contemplationibus, meditationibusque a te saepissime cogitatum, quanta non solum industria, sed prope excellenti quadam, diuinaque ratione in huius operis constitutione, aeterna rerum omnium procreatrix sapientia progressa sit; principio ut mortalis amor ad caelestem deduceretur, necesse prius erat, ut à caeterarum rerum consuetudine abduceretur, atq; ut exornari, planeq. excoli posset ex luto, in quo altius haerebat extraheretur oportuit, quem inde propterea quod altissimis implicatus terrae radicibus tenebatur arctius quasi nodis astrictus inaudito quodam inuento, & tanquam adhibita machinatione aliqua singulare diuinæ bonitatis officium extraxit. Est enim a consuetudine oculorum animum abducere difficillimum, ut tandem fere complecti mente, & cogitatione possimus, quantum visu, auditu, caeterisque sensibus percipiatur; at vero in diuinarum cognitione rerum quippe quae sint prorsus ab oculis remota, vix breui aliquo temporis spatio insistere possumus, & quali animo peregrinari. Itaque ad aucupandos a se fugientes animos Deus, & per terrenas voluptates, & commoda volitantes,

nouam



nouam quandam eiusdem ferè generis  
commentatus est escam, ad quam prop-  
ter eius miram suauitatem, spretis vo-  
luptatum illecebris, vndique omnium  
fierent maximique concursus. Sed quae  
fuit haec tam admirabilis bone Iesu  
coniungendae mecum amicitiae te-  
nita ratio? eo tuus in me processit  
amor, vt tantum facinus atque omni-  
bus saeculis inauditum aggredereris,  
eoque nisi perfecto non conquiesceres?  
Etenim si praecipua vis est amoris, vt  
plura simul inter se disiuncta coniun-  
gat, & efficiat ex duobus vnum, quae  
fuerit ista potestas in ea, quae naturam,  
& condicionem non habent vt copu-  
lentur? quid est hominibus commune  
cum Deo? quae societas tibi omnium  
auctori bonorum, supernae bonitatis  
origini, caelestis Sapientiae thesauro,  
& perenni aeternitatis fonte, nostris  
cum sceleribus, atque flagitijs cum no-  
stris luctibus, atque sordibus interce-  
dit? at ego ita comparatum esse video  
vt recte conglutinari amicitiae nisi in-  
ter aequales non possint; nescis sane,  
nescis quantas vires amor habeat, hic  
plane si libet alta rerum fastigia submit-  
tit, & depressa prope in immensum ad  
Caelum vsque prouehit, vt ad aequa-  
lem

lem vtraque exaequata magnitudinem;  
mutuae volūtatis vinculo colligentur :  
eo igitur hic qui me stimulat ardor im-  
pulsit, quaeque exardescit intus magni-  
tudo beneuolentiae, vt quo haec con-  
glutinatio animorum fieret, & iuncta  
semel amicitia communione naturae,  
& similitudine studiorum perpetua fo-  
ret humana ab homine, & deteriora su-  
scipiens, diuina, ac praestabilia cum  
illo communicarem. O magnam amo-  
ris vim, o miram Caritatis potentiam,  
o abstrusum, atque reconditum, cunctis  
mortalibus miraculum, & nisi diuinitus  
in nostros animos se fides infunderet,  
prorsus incredibile? quid non modo  
stupore hominum, & admiratione di-  
gnum est magis, sed quod minus asse-  
qui cogitando humana mens possit, quā  
Deum Opt. Max. eundem infinitum,  
omnipotentem, imortalem, aeternum,  
neque ijs omnino spectabilem, qui hac  
vita fruuntur, lucis inaccessae, lumine  
diuinitatis, mortalitatis nube compre-  
henso, vt acies nostra ferre posset, se  
vniuscuiusque facultati accommodasse,  
seque ipsum praesentem intuendum, os,  
oculos cernendos praebuisse, infinita  
demum potentia, quae tantam mundi  
molem nullo adhibito opere nulla sub-  
iecta

iecta materia, sed vnico tantum verbo  
conflauit, cuius nutu, & arbitrio Cae-  
lum, terra, Mariaque reguntur, veluti  
seposita, & quadam quasi veste detra-  
cta, suscepti corporis mortalitatem, &  
omnibus prope viribus exutam, & a  
cunctis derelictam crudelissimorum,  
hominum libidini, ac potestati permisse.  
Se itaque Deus hominem fecit vt homi-  
num sibi gratiam, & amorem artissi-  
mo Naturae eiusdem vinculo concilia-  
ret. Verum corpus illud pulcherri-  
mum, & innocentissimum, tanta cum  
dignitate coniunxit, tanto leporis, &  
humanitatis sale consperxit, vt quicun-  
que in illud ora, atque oculos conuer-  
tissent, suauissima quadam dulcedine  
deliniri, insatiabili voluptate allici, &  
prope, ijs, qui experti non essent, incre-  
dibili iucunditate se retineri sentirent;  
emanabant e perenni illo caritatis fon-  
te, dulcedinis immensae, & infinitae ri-  
uuli, atque torrentes: erumpebant ex  
vasto illo diuinae bonitatis oceano tan-  
quam flumina quaedam perpetuarum  
voluptatum, & deliciarum omnium:  
illuc inquires animum non possum indu-  
cere, vt diligam quod carne aut sangui-  
ne careat, placet mihi ista defensio. est  
enim ad communis imbecillitatem in-  
firmi-

firmitatemque naturae facile accomodata. ad eandem ego quoque descendo, ostendam plane tibi si mihi morem gesseris, quem diligas, dilige Christum, qui, ut te intimum haberet, mortalem figuram induere, & hoc laboriosissimum corporis pondus subire dulcè sibi, & iucundum existimavit, tui generis societate delectaris? audio corpus quod geris ad caelestium rerum contemplationem nitentem, ac properantem animum, ad ea, quae oculis cernuntur vi sua retrahit, ac retardat: te in Christi consuetudinem trade, fruiere eius bonitate, dulcissimos eius mores degusta, benignitatem, & mansuetudinem experire. Ita enim fiet, ut omnes tibi Mundi deliciae sordescant, illecebras libidinum omnes in vnum collatas cum hac tanta voluptate non conferas. si enim, impurissimae huius saeculi oblectationes, si inquinatissimae voluptates, & flagitiosissima Mundi blandimenta, quum dies, noctesque tanquam assiduae domesticaeque furiae scelerum conscientia quasi tedis ardentibus exagitent animos, atque perterreant, quum eadem saepenumero cum capitis, & fortunarum periculo coniuncta sint, tanta tamen perditos, & flagitiosos homines dele-

delectatione permulcent, erit quisquam tam stultus, qui non intelligat probos homines, & honestos, & a superiorum moribus abhorrentes, nouo, atque incredibili genere deliciarum, ac voluptatū in tanto praesertim ocio, ac vitae tranquillitate perfundi? Si teterrimus ille generis humani hostis, quo interdū mortalium profligatissimi, ac perditissimi, ab acerbissimo improbitatis iugo respirare possint, res turpissimas atque acerbissimas tot, tantisque voluptatum illecebris, atque blanditijs delinire solitus est; cur nostri amantissimum Christum, ad relaxandos piorum animos, & ad reficienda assiduis paene laboribus atque vigilijs confecta sanctorum virorum corpora exquisita quaedam delectationum genera comparasse; quarum iucunditatem nec alicuius oratio narrare, nec cupiditatum morbo deprauatus gustus percipere, neque mens aut cogitatio rerum mortalium curis obstupescita capere possit? aperit saepe illis suorum non immemor Deus caelestium deliciarum quasi fontes vberrimos, ad illarum aeternarum voluptatum, atque praemiorum similitudinem, excitare Caeli regionibus, & ex felicissimo beatorum concilio gaudij, & suauitatis

Cant. 2.

tis aeternae quasi riuulos. hinc illae  
dulces lacrimae, hinc illa suspiria, hinc  
prae nimia iucunditate liquentis animae  
ignitum illud, atque ardens eloquium,  
stipate me malis, flusculcite me floribus  
quia amore langueo. Verum quemad-  
modum erat sperandum, res maxime  
successit, facile omnium sibi subito, qui-  
cunque eius humanitatem experti es-  
sent studium, ac benevolentiam allexit;  
quem profecto natura tam barbarum,  
quem condicione tam ferum, & inhu-  
manum, tanta offusa oculis animoque  
maiestas, atque suauitas, non ad hu-  
manitatem deduxisset, quem porro tam  
durum, & obstinatum animum, tanta,  
ac prope diuina beneficia non mitigas-  
sent? flebiles ac moestos suauitate ora-  
tionis laetos hilaresque praestare, ino-  
pes, & rerum omnium egentes, aut sti-  
pe pauperum more emendicata, aut pa-  
ne diuinitus multiplicato alere, fouere  
miseros, & quibuscunque posset viribus  
augere, aegros ac plane depositos sana-  
re, surdorum aures occlusas ad vocem  
aperire, oculis captos ad aspiciendam  
lucem reuocare, pedibus laesos gressu  
donare, vita functos supra naturae le-  
ges ab inferis excitare, nihil omittere,  
quod ad hominum benevolentiam no-  
uo ali-

uo aliquo genere beneficiorum conciliandam putaret posse conducere. Etenim vel summam, & numerum beneficiorum exponere, non modo sigillatim de vniuscuiusque commodo, atque utilitate dicere prope infinitum esset: commemorare possem ingentem saepius ab illo multitudinem nec inopia tibi nec labore perterritam, vt eius se suauissima oratione, & salutaris doctrinae, praeceptis, quasi ex longa fame satia- ret per desertam, vastamque regionem rebus omnibus ad humanum vsum necessarijs carentem traductam. Sed haec me lux antea, & vox ipsa deficiet, si velim omnia persequi, si omnes vobis suauissimas epulas indicare, quas ijs benignissimus omnium parens Christus impertitur, qui se tandem in sinum eius recipiunt, & tanquam adhibito saniore consilio post longos errores ad patrias aedes reuertuntur. Adstat ad Christi nascentis, vel morientis imaginem, prouolutus in genua, qui mox a mundi nequitia, in Dei fidem clementiamque transmisit, & maximam prope vim lacrimarum effundit, & simul ingenti laetitia, ac voluptate perfunditur, ita vt abire totus in lacrimas, nec ab assiduis deprecationibus amoueri, aut illi flagellum

*Matth. 14.*

*Mar. 6. Lu.*

*9. Io. 6.*

*Bern. serm.*

*20. in Cāt.*

gellum, quo se sponte lacerat eripi possit e manibus: quemadmodum enim, perpetuis imbribus obrutus, atque horribili facientis hiemis tempestate vexatus, & squallore oblitus ager, si sole redeunte, qui quasi progrediens tristitia quadam contraxerat terram laetificetur, & vicissim cum Caelo exilaretur, tunc tepido leniter aspirantis zephyri flatu nives vi frigoris, geluque constrictas dissolvente omnis ille locorum squalor, cum Veris aduentantis nitore commutatur, tum terra virentes herbas emittit, & liquidis distincta gemmis gramina solisque percussa fulgore varijs incertisque coloribus mire fulgent, iam amoeni vbique prominent flores, volucres profluëtibus alas aspergentes vndis, ad lene eorum murmur suauissimos cantus numerosque moderantur, denique ea rerum est facies, ut nec alio terra anni tempore laetiores proferre aspectum, quam quum ex hiemis tenebris emergit, nec tantam in aspicientium sensibus iucunditatem, procreare videatur, quam quum liquidissimis suffusa guttis, quasi lacrimis placido vultu ridere conspicitur; ita etiam simul ac maximo, ac singulari Dei beneficio concreta scelerum frigore in peccantis



pescantis pectore glacies diuinae caritatis ardore quasi colliquefacta, diffunditur, & ab eodem noui luminis claritate caecae noctis offusa caligo depellitur, ad gratiae quasi solis aduentum recreatum continuo illud cernas quasi bonum, atque fertilem agrum fundere bonarum cogitationum germina, & virtutum omnium quasi florum iucunda varietate distingui, quos manantes passim ab oculis dulces irrigant aquae, suauissimo quodam sensu doloris, & amoris excussae, atque eo intus efferri gaudio, ut nusquam posse consistere prae hac tanta iucunditatis magnitudine videatur: ita ut admirabilis eius splendor pulchritudinis, Dei simul oculos moueat, & caelestium agmina mentium noua quadam delectatione demulceat, quippe gaudium est in caelo super vno peccatore paenitentiam agente. Verum iacta sunt haecenus duntaxat diuini amoris fundamenta, qui ut in Christo radices egerit adhuc tamen sub terra delitescit cuius tanquam crassitudine circumseptus nondum ad aspiciendam lucem emerfit, terrenum est, quod te in Christo delectat, feruidum hunc ignem, qui tibi tantum excitauit ardorem, illae propemodum,

*Lucas xv.*

dum, flammæ conflagrant quæ passim  
e Christi corpore erumpunt rudis ad-  
huc amor est, neque omni ex parte per-  
fectus: sed tibi, qui nisi mortale sapias  
nihil prorsus necessarius, si desperas  
adhuc te ad altiora perducere, in hoc po-  
stremo caritatis gradu consistere, si po-  
tes nihil, quod non cadit sub sensum,  
adamare, dū te a cæteris abstineas cu-  
piditatibus, tantas ex illo perenni vo-  
luptatum fonte delicias hauries, ut nus-  
quam vberiores suauitatis fructus per-  
cepisse te dixeris. hac ergo dulcedinis  
& iucunditatis vbertate completus, de-  
le omnia ex animo rerum caducarum  
blandimenta; ut clauus clauum trudit,  
sic amorem amore repellas: si tui vires  
amoris earum conscius infirmitatis pe-  
riclitandas esse non ducis; si tibi deest  
animus, si clamorem, si castra, atque  
aciem reformidas, si adhuc vereris il-  
lum in puluerem & solem ut aiunt edu-  
cere, in hac si non optima, at certe lau-  
dabili Christi adamandi exercitatione,  
& umbratili conquiescas; propterea  
sacra Christi nascentis humanitas, quæ  
ex incorrupta Virginis mortalitate  
tanquam ex humane infirmitatis hu-  
more Spiritus sancti calor expressit, &  
intra Virginei sinus angustias velut in  
nubem

nubem coegit ab Arcangelo Gabriele *Lucas 2.*  
vmbra vocata est, & virtus inquit altis-  
simi obumbrabit tibi. Verum in acie  
dimicantibus, subducto Christi Ducis  
aspectu, hosti iam terga vertentibus ad  
suauissimos eius complexus tanquam  
ad vmbra, receptui signum cecinit  
Hieremias his verbis Spiritus ante fa-  
ciem nostram Christus dominus: sub *Tbren. 4.*  
vmbra eius viuemus inter gentes, ma-  
ximo & inusitato genere amoris profe-  
quendus est Christus, sed qui adhuc rei <sup>+</sup>  
magnitudine deterreatur, qui sub sole  
diutius versari non possit, quod tantos  
non ferat ardores, vmbra sequatur,  
qui ad vltiora procedens viae asperi-  
tate retardetur, in Christi sinum reuer-  
tatur, tum viribus inde collectis totus  
se labori, & itineribus committat, vt  
possit eo quo tendit quamprimum  
peruenire, neque enim ei molesti admo-  
dum sumus, neque adeo iniquo cum eo  
iure agimus, qui nunc primum in Dei  
familiaritatem se se dedit, vt eum subi-  
to omni oblectatione, ex Christo homi-  
ne quaesita spoliari velimus, quanquam  
optima Christiani viri ratio, professio-  
que ipsa veri germanique amoris, plane  
hoc suscipere, ac polliceri videtur, ne-  
que enim, qui pro viribus, quasi subdi-

tis ignibus eius aliquem quo quomodo  
concepit ardorem deterrendus, neque  
deserēdusest a cohortatione nostra, quo  
maiores adhuc aggerentem faces, &  
nouam cōcepto semper igni materiam  
ad incendium inferentem videamus.  
Etenim vt adhibita in consilium condi-  
cione humanae naturae, ita se Deus  
amari facile sinat, hunc tamen a nobis  
amorem etsi cum excellentiore compa-  
ratum mancum quodammodo, atque  
vulgarem, in suo certe genere perfe-  
ctum exigit: totum, totum sibi postulat,  
neque aliud quippiam in societatem,  
se praeter admittit alios sibi coram ae-  
mulos parari indignum ipsi & acerbum  
videtur; iam tibi non possum amantif-  
sime Iesu in amore respondere, tuus  
enim meo amor infinito praecurrens  
spatio tuis te tarde vestigijs persequen-  
di spem mihi paene nullam reliquit;  
excuso te inquit, & licet parem, atque  
accipisti nō possis reddere voluntatem,  
tamen quod interim offers maiora ali-  
quando daturus non aspernor; vix pos-  
sum sine te vel ad momentum temporis  
vitam viuere spiritalem, patior quoque,  
meq; a te adeo remisse amari non mo-  
leste fero, verum audere inuito me  
quenquam ad meos amores, ad meas  
delicias

delicias aspirare / hoc vnū praeter cae-  
tera indignum maxime puto, velle prae-  
ter me quenquam, in aliqua parte apud  
te amoris haerere / hoc nullo modo fe-  
rendum puto: manat ille quidem de quo  
nunc loquimur amor ex corde, a quo si-  
cuti sanguis, qui fusus est per omnes  
corporis partes deriuatur: ita, quae ex  
humana consuetudine, & carne, & san-  
guine conciliatur beneuolentia tanquā  
a suo capite & quasi fonte deducitur;  
eius non angustum aliquem angulum;  
non bonam sibi partem sed integrum  
Christus tradi mandauit, hoc primo  
Caritatis praecepto, quod de dilectio-  
ne Dei promulgatum est nobis, expres-  
se ex Bernardi sententia praecipitur. *Serm. 20. in*  
*cant.*  
Diliges Deum tuum ex toto corde tuo; *Dent. 6.*  
si igitur partem eius aliquam in caete-  
rarum rerum desideria deriuaueris, si  
cum parentum, & filiorum tuorum amo-  
re comunicaueris, si iam aliquid sibi  
honos, si quid gloria decerpserit, si ma-  
gnam sibi quoque diuitiae partem vin-  
dicauerint, si in communione eiusdem  
illecebras voluptatum obtuleris; non  
iam cor integrum soli Deo sacraueris,  
non iam totum eidem te dederis: sed  
pene tui partem exiguam in qua haere-  
re vix possit obtuleris. itaque iusta

**ira** excandescens amantis animus, ferens non indigne solum adductos sibi plures esse ante oculos molestissimos procos & acerbissimos hostes, principes tenebrarum harum, & vitae huius inquinatissimas voluptates, verum etiam in eandem domum ad flagitiosissimarum libidinum societatem intrusos, tuo protinus corde recedet, eiusdemque nouis temere irruentibus cupiditatibus possessionem quasi vacuum, atque caducam relinquet, eiusmodi erat ante Christi ad felicissima Caeli Regna, profectionem Apostolorum amor in illum non enim integrum solus possidebat, sed erat illi cum inani quadam eorum cupiditate communis, non totus diuinæ illius humanitati adhaerebat, sed magna ut videbatur ex parte altissimis orta cupiditatis radicibus ambitione nitebatur; trahebatur ille quidem plurimum dulcissima illius, ac suauissima consuetudine, verum in ipsorum vtilitates, & commoda rapiebatur vehementius, eos enim humanarum opinione dignitatum inflatos, tantamque immoderata libido dominatio nis inuaserat, ut ad mortalis euectæ spes Regni fastigium nullis inde aduersariarum rationum flatibus deiici, vel

dimo-

dimoueri potuerit. Ecquis sane non miretur, quis vanas subodoratus illorum cogitationes, quasi ortus, atque principia acutissime non indagare cupierit, vnde irrepsit in Apostolorum animis ista honoris gloriaeq; cupiditas? qui vt omnia scrutetur nunquam tamen ipsos, vel tentatos vel admonitos, sed sine duce vlllo, sine indice ad falsam de Christi Regno opinionem peruenisse compererit. Etenim cui tandem vel regnandi cupidissimo, non illico Imperij spem omnem eripuisset Christi ingens illa demissio animi, & in voluntaria paupertate summa rerum omnium inopia? iter pedibus ingredi, pernoctare in oratione, stipem emendicare, damnare diuitias, egestatem extollere, odisse elatos, animi demissos amplecti, omnes demum illi esse de diuinis rebus sermones, adeo vt in obscura Christi voluntate nullum modo illis affectati Regni lumen ostenderetur, sed palam semper in omni vita singulare paupertatis studium, & humilitatis amor effulserit. Ingens illius non ignominiae omnium maximae subeundae solum, sed sanguinis, & vitae fundendae desiderium, & obstinatum simul illorum ad honores, & imperia contem-

dentem cupiditatem accipite. Dum Hierosolymam proficisceretur, ut viae asperitatem sermonis iucunditate leniret, & simul illum qui efferuescebat intus paululum exhalaret ardorem, principi Apostolorum impendentem, & iam iam in se ruituram malorum molem effunderet, ille admodum obstupescens Christi Domini dicto, Deus meliora inquit o Domine, quasi haec tantae de illo a se conceptae spei non responderet oratio, ac tam illustres dedecoris, & ignominiae notae a regiae maiestatis insignibus abhorrent. Verum enimvero etiam si satis hinc caeca illorum cupiditas intelligatur, tamen adhuc etiam manifestius in postremo Hierosolymam versus ascensu declaravit, quum enim obortis lacrimis tantae fieret urbis interitum, vel propterea miserabilis, quod nec calamitatem quidem in ipsam redundaturam, suspicaretur, atque adeo sibi ab omni Aeternitate certum, atque statutum mortis turpissimae tempus instare, ut iam iam cerneret aestuantem invidia Populum furere, iam iam atrox nefariae prodicionis foedus feriri, iam flagitiosissimas sui corporis nundinas fieri, & certam facinoris mercedem, exposci,

*Matt. xvi.*

*Lucas 19.*



exposci, iniquissima iam conflare iudicia, iam ipsum ad tribunal iudicis crudelissime rapi, accusatores subornari, causam dici, virgas expediri, crucem parari, morti innocentissimum caput addici, omnemque lacero corpore carnificinam paene subire videretur, inter haec tantae acerbitalis commemoranda supplicia ambitiosa natorum, Zebedei parens in spem regnorum erecta, inter Regni proceres ascribi filios, & in proximas Regali fastigio honoris sedes collocari petierit. Non potest animus, quem semel occupauit ambitio quiescere necesse est, vt semper aliquid tale moliatur, non modo Christi obiurgatione a spe Regnorum exclusi, & effundendi pro ipso sanguinis gloriae destinati, in vetitae spei cōgitatione adhuc etiam reuoluuntur ardentius, verum etiam in extremā illa oratione, quam plenam altissimae cuiusdam doctrinae, & dignitatis a cena apud discipulos habuit, quum sibi vitae finem instare, non necessitate naturae constitutum sed parricidarum scelere prope-ratum palam denunciaret, quum tanti effectorem sceleris, atque ministrum non inter barbaros homines esse, non inter feras versari, sed inter eos, quos  
tanto

*Matth. 26.*

tanto amore dilexerat, quos sibi vitae socios adiunxerat, arcanorum mysteriorum participes fecerat, quos omnium gentium duces, ac magistros elegerat, demum inter ipsos delitescere, indicaret, quum se intestino, atque domestico opprimi malo quereretur, quum sese morti offerens voluntarius extremos suis ferret amplexus, & mutuam praeciperet etiam singulis, tum vniuersis caritatem, quasi de summa Imperij dimicantes in contentionem principatus certamenque venire, vt ad eos motus tam temerarios, tam praeter expectationem omnem concitados aliqua ratione sedandos, necesse fuerit omnium tunc temporis hominum oppresso solitudinibus Christo, cui magnū illud opus, atque difficile humanae redemptionis in manibus erat, illi inquam fuerit necesse elatos vana spe animos longa cohortatione deprimere, multisque adhibitis verbis, illam a cōmuni sensu hominum abhorrentem, contraque opinionem omnium veritatem probabilem reddere, quae apud Deum, illum omnibus superiorem, confirmat esse, qui suae voluntatis, & arbitrij fastigium caeterorum omnium imperio potestatique submiserit. Verum

**LUCAS. 22.**

rum



quanto ipsi suum incendissent ardore desiderium si in obscura Christi voluntate sibi lumen aliquod effulisset? quam celeri repente cursu huic ne oblatae quidem spei velificassent, si vel levis saltem aura promissionis afflauisset? si quā nemini vnquam in suspicionem affectati Regni venisset, quum non obscura solum in hoc suae voluntatis indicia, sed signa clarissima dedisset, quando summo omnium studio delatum vltro recusauit imperium, ab eoque vt a re pestifera, noxiaq; refugit quasi spe certa atque opinione inflati vela cupiditati dedere; quanto tandem studio exarassent ad Regnum, si propensae incitataeque voluntati, aliquis etiam stimulus accessisset? Sed vnde haec tam alte radicibus actis funditus est euerfa cupiditas? vnde tam late feruens restinctus est ardor? huius rei tam admirabilis causam, in qua vel maxime vis illa diuina virtusque cernitur, quod narrationem illustrem magis, longioremque desiderat, omitto in praesentia, & in aliud dicendi tempus reiicio; Hic itaque imbecillus, & nunc primum in lucem editus discipulorum amor non recta ferebatur in Christum via, in quem nimirum quosdam quasi per anfractus circuitus-

cuitusque concludebatur, magnus sane, sed coenofus, ac turbidus praeterfluebat, nō oblitus coeno ex alvei faece cōtracto, non vllis delibutus sordibus casu aliquo adlapsis extrinsecus, sed paene eiusmodi a suo fonte deductus; at purus & liquidus emanauerit, nulla praeter Christum admistione fucatus effluerit; verum si ad illius humanam tantummodo naturam reuoluatur, tamen suam adeo perfectionem maturitatemque desiderat, vt si cum excellentiore absolutoque comparetur, paene sit nomine Amoris indignus, magna profecto percipitur, & ad sensum cogitationemque dulcissima ex Christo praesente voluptas, sed multo etiam maior exoritur neque cum superiore comparanda ex eodem in Caelum profecto iucunditas, & maximo cum fructu coniuncta suauitas. Si primus diuini Amoris aditus + in tantam se tibi speciem, & pulchritudinem offert, vt ea mirum in modum rapiaris, quid si superiores eius domus partes aspexeris, si peristromata, si tapetia, si conchiliatas vestes, perlucidas auro, gemmisque, si aulas omni prorsus opulentia confertas contempleris, si interiora aedium loca cernas, multarum rerum iucunda quadam varietate distin-

distincta, ornata signis, atque picturis, instructaque rebus omnibus, qua lactitia perfruere? quanta oculos iucunditate oblectareris? nunquam ut cupidum contemplandi animum, admirabili rerum earum aspectu posses explere; ascendendū est fateor, dulcissimo Christi carendum colloquio, triste quidem desiderium, & ad sensum peracerbum, sed vero solidoque cum gaudio nobis iam inde venturo compensandum. Si puero subducto a nutricibus lacte paululum solidior cibus apponatur, dentibus ea vi conatuque carentibus, qui est ad passus capeffendos, conficiendosque necessarius, flet, dolet, laborat, complet omnia luctibus, atque clamoribus assidensque matris in gremio assuetas appetit mammas, earum vbertate satiari desiderat, at vero vbi primum aetate aliquantulum annorum decursu corroborata malis robustioribus facilius extenuatos, atque mollitos deglutire cibos assuescit, & eorum incipit varia, & exquisita genera degustare, ipsorum, tanta suauitate afficitur, ut illa prima infantium alimenta, prae istorum dulcedine negligat prorsus, atque contemnat. Est profecto spirituali quasi aetati inuenti tenerus ille pietatis sensus, veluti lac,

lac, quoddam pernecessarius; ita enim diuina prouidentia comparatum est, vt per gradus quosdam, quasi per aetates spiritualis homo ad maturitatem perducat; sed quemadmodum cibi ita sunt aetatis vnus proprij, vt minus alteri conueniant, ita si quis spirituali adhuc aetate confirmata in illo eodem statu reponi desiderat, quo maxime fuerat quum è tenebris peccatorum in caelestis gratiae lucem emerfit, primum nihilo plus agit, quam si det operam, vt ad incunabula, & rudimenta virtutis praecipiti fere cursu regrediatur: deinde in maximum periculum adducitur, ne optatam sibi spiritus dulcedinem non suggerente Deo, vberemque diuini luminis copiam subtrahente spirituali prorsus vita destituatur: itaque dum se Magister optimus à discipulorum expediret amplexibus illum summa vi retinentium, expedit, inquit, vobis vt ego vadam: nūquam enim e re ipsorum profectionem suam esse dixisset si non suam ipsos praesentiam a maximis muneribus consequendis omnino prohibere intellexisset. maxima, ingentia, innumerabilia a Christo assidue acceperant beneficia, caeterisque silentio praetermissis, hoc, scilicet eius videndi, & contemplandi, mihi

patribus ostensos, non modo propalam omnibus collocaret, sed large etiam, effuseque donaret. O nos in aeternum miseros, si non haec tibi tandem scilicet in caelum abeundi inita ratio fuisset, frustra enim ad illud altissimum caeli domicilium vniuersorum vota mortalium contendissent, suos omnes frustra quilibet conatus, ad ipsum se iacentem erigendum contulisset, nisi tu clarissima, caelo luce refulgens, ad te omnium hominum animos pertraxisses; si non ad quartum supra terram ambitu sol princeps, & moderator luminum reliquorum cuncta sua luce compleret, nunquam vi sua, atque calore tepesfactos, & attenuatos terrae excitaret, attraheretque vapores; ita nisi Christus dux beatorum & princeps, eorum, qui per has vitae mortalis aerumnas in illam beatissimam patriam ingrediuntur; terrae, caelique magnitudinem, & omnes Angelorum ordines emensus ad Patris dexteram effulgeret, nulli patuisset aditus in caelum, neque humi defixam, & carnis pondere depressam mentem paululum erigendi potestas data esset; quando enim illud maximum spiritualis laetitiae flumen irrupisset, quo paene toti obrue-  
remur; nisi se palam Christus inimicis-

K

fimis



*Chrys. omel.* *1. in actus* *Apost.* simis nobis caelo in conspectum dedisset; neque enim inflammatos, quisquā ad pugnam duorum hostium animos ab armis recessisse, atque omnem memoriam iniuriarū obliuione sempiterna delendam censuisse crediderit, etiamsi compositis controuersijs pax per procu- ratores constituta sit, & per obsides confirmata; nisi vterque Populo Princeps mutuis fecerit amplexibus reconcilia- tae inter se gratiae significationem, & solemni quadam caeremonia depositis armis foederis religione sibi fidē vter- que deuinxerit, tum demum sedatis dis- cordijs, ab armis discessum existimari, tum laetum pacis nuncium diuulgari militibus epulas, atque congiaria prae- beri, omnia flammis collucere, obstre- pere cuncta fulminibus tormentorum, tubarum sono, clamoribus multitudo solet significare laetitiam; neque vero aequum erat, vt ad faciendam placati numinis fidem diuina à Spiritu sancto munera mortalibus deferrentur, etiamsi satis Deo per Christum factum fuisset, atque inuiolabile illud foedus suo san- guine ictum, quod perpetuo esset dura- turum, antequam humanam Christus caelo naturam inferret, quae ad dexte- ram patris excepta omnium constitue-  
ret

ret finē malorum, tunc Sanctus, e caelo spiritus se se large effudit in homines, tunc caelestis gratiae inopes, & egen-tes diuino cumulati munere recesserūt, tunc ignis, atque spiritus vehementis speciem visus est suscepisse, quum diui-nae in nos caritatis excitaret incendiū & de caelo viribus ad resistendum Dia-bolo comparatis nos promptos, atque alacres redderet, & ingenti vnumquē-que laetitia caelestiq. voluptate perfun-deret. fuit quoddam tempus, vt ex anti-quissimis constat sacrarum rerum mo-numentis, quum longa trium annorum 3. Reg. 18. serenitate, nullis terra est prope imbribus irrigata, ex qua repente aquarum penuria, maxima est vndique siccitas consecuta: hinc prius apertis ter-rae faucibus depressos in immensam al-titudinem specus existere, arido exusto-que solo, herbas suo succo fraudatas lan-guescere ad extremum emoriente terra corrumpi, spoliatis vdi-que florum, her-barum, frugumque vestitu, camporum immensitatibus, steriles vndique iacere arenas, nullam arborem, nullos Terrae ornatus, nullum culti soli apparere ve-stigium; & quos miserae illae, atque perditae gentes campos antea, collesq; viridissimos, nitidissimosque vidi-  
K 2      hos

hos ita vastatos, atque desertos intuebantur, ut absumto aestuati perpetui temporis ardore succo omni, quasi sanguine tanquam horrida, atque ingentia cadauera amisso spiritu iacere viderentur; deinde suspici caelum ardere plurimo igni, stellae crinitae, sidera cadentia, faeces nocturnae, portentaque alia, aut obuersari oculis, aut vanas exterritis ostentare species, caelo, terraque mortalibus extrema omnia portendi, quum tandem elapso in tot miserijs aerumnisque triennio, & hominibus illis, atque nationibus afflictis, & miseris iam non salutis spem, sed finem malorum exitium expectantibus fractus est ferox, & obstinatus in eorum perniciem Eliae animus, & satis adhuc domitas effrenatas illorum, ad scelera cupiditates existimans fontium calamitates miseratus est, & fusus in preces ecce tibi maximum, & nisi a Spiritu sancto proditum memoriae ac literis esset incredibile miraculum, qui Caelo nubes disperferat, disiectas idem potuit reuocare, sed primum excitata, quaedam e mari dicitur nubecula aestu fatigatis allatura solatium, in qua reliquis velut hominis cuiusdam membris obtectis ima pedum sunt animaduersa vestigia, haec magnis repente aucta crementis

*Ibidem.*

mentis caelo obducto largum repente  
imbrem excussit, quem aestu sitique cō-  
fecti homines exceperere, & crebris terra-  
discessionibus quasi hianti ore capta-  
uit; sic vbi Christus Dominus non ali-  
ena subleuatus ope, sicut Elias fuerat  
igneo per aerem curru, sed vi diuinæ  
naturae in vnā eandemque hyposta-  
sim cum humana colligatae recto ad  
Caelū cursu properabat, ita nube quasi +  
inuolucris obtenditur, vt vehementer  
cupidis contemplandi discipulis am- *Acto. I.*  
plius aspiciendi facultas nulla fuerit,  
quae decē post dies adeo copiosos erat  
expressura munerum imbres, vt large  
illis, effuseque rigatus terrarum orbis  
mundi totius renouatio consequeretur.  
Denique nisi se Christus aliquando a no-  
stris oculis remouisset, futurum profe-  
cto fuisset nunquam vt nostrae cum eo  
mentes in explicabili illo amoris vincu-  
lo coniungerentur, qui fieri potest in-  
quies, vt Christi aspectus amoris sedes,  
ac domicilium a summa nos eius cari-  
tate repellat? citius dixeris diuinam il-  
lam humanitatem omni quidem suavi-  
tate refertam non modo ad voluntates  
sibi conciliandas conducere, sed ad eas  
perpetuo in eius amore ac beneuolen-  
tia retinendas tenacissimum quoddam

quasi gluten esse debere. Verū haec maxima in Christi carne suauitas, quae tantopere delectat, tantū abest, vt perfectae huic animorū coniunctioni proffit, vt sit etiam impedimento, quo ea minus existat immo Christū inter animūq; media, ita vnum ab altero separat, atq; disiungit, vt conglutinari non possint; crederes nisi experientia plane ita esse doceret tenuissimum illum puluerem, quo interdum paries aspergitur, adeo pertinaciter contra ceram eniti, vt haerere conantem constantissime repellat, & eo vsque pugnet donec totus indere-moueatur? qua nam alia Christus opem nisi sancti Spiritus nostris erat animis agglutinandus? verum si non vel minimum a nobis ante, quamuis erga Christum, terrenae cupiditatis affectum excusserimus, quilibet eiusdem nobis insigendi labor eludetur; vt ipsa etiam Spiritus sancti largitio, quo omnes vel minutissimas, atque leuissimas affectionis particulas amouendas intelligeremus, aut sine placido aerae lenis aflatu, aut valido ventorum spiritu facta Apostolis non fuerit. tantam ille innocentiam, tantum animi nitorem, adeo eximiam, singularemque mundiciam sibi beatissimus Christi amor effla-

efflagitat, ut ibi prorsus recuset esse, ubi  
suauissima ex Christo homine percepta  
voluptas princeps sit ad beneuolentiam  
coniungendam; quod si adeo delicatus,  
adeo morosus est, adeo plenus suspi-  
cionis, ut in illius societatem affectio-  
nis includi tantopere recuset, quae-  
quamuis se se in aliquod mortale per-  
fundat, nil nisi Christum attingit, quis  
tanta stultitia praeditus, quis ita prorsus  
mentis inops, atque consilij reperi-  
tur, qui existimet ad illum descensu-  
rum esse eum, et se cum illo copulatu-  
rum, qui non leui tantum puluere per-  
sperus sit, sed luto sordibus, & rebus  
omnibus foedisissimis, atque turpissimis  
oblitus, ita flagret ambitione, atque  
libidine, ut omnibus omnium volupta-  
tum studijs in vnum pectus tanquam in  
vnam domum conuocatis, & infinita  
honoris, & diuitiarum cupiditate ve-  
lut in vno cubiculo inclusa quocunque  
incesserit ipsum paene iter impressum li-  
bidinis, & auaritiae vestigijs relinquat,  
quaeque venerit in loca erumpentium  
cupiditatum flammis incendat; verum  
non modo suam ipsius innocentiam,  
atque candorem eximium, cum istorum  
impurissimis sordibus non commisce-  
bit, sed eorum etiam conspectum, refor-  
midabit,

midabit, neque apud illum erit, a quo infinito quodam intervallo disjungitur. Iam vero alias quoque utilitates, & comoda vel maxima repudiasse videbantur Apostoli dum, illa immoderata tristitia vim Christo adhibere ne discederet nitebantur. duo enim praestantissima munera nobis prorsus necessaria suscipiet, duas sibi ipsi personas humano quidem generi utilissimas imponet alteram Patroni, summi sacerdotis, atque Pontificis alteram, quid est enim tam omni populo necessarium, quam assidue sacerdotum deprecationes? quid, ad expiandas scelerum sordes efficacius, quid ad publicas calamitates ab hominum perniciem depellendas utilius, quam Dei Misericordia, atque benignitas sanctissimis Pontificum sacrificijs, atque muneribus conciliata? in omnem igitur aeternitatem ad placandam numinis iram muneri Pontificio praeerit, & ad eum Pontificem apte congruenterque: cui non satis visum est suam semel in hoc nobis operam pactionis vinculo devincire; nisi etiam eandem sacramenti religione obstrinxisset: neque solum Deus, inquit David, in id quod semel promiserat obligandae fidei sacramentum dedit, non solum iuris iurandi,

*Paul. ad  
Hebr. 5.*

randi, & vt ita dicam existimationis  
periculo facturum obligauit se nun-  
quam vt Christus inito pro nobis abdi-  
caret sacerdotio; sed ita etiam iurauit,  
vt nullum futurum esse tempus iuraue-  
rit, quo tempore sui se iuris iurandi *Psal. 109.*  
paeniteret. hic erit ille pontifex, qui  
cum semel scelerum maculas suo san-  
guine deterfisset, in suprema Caeli re-  
gione constitutus Deo proximus mun-  
dissimam sui corporis hostiam pro  
communi hominum salute ad sacrifi-  
cium propositam, & in Cruce immola-  
tam in perpetuum pro peccatis offeret,  
ad cuius aspectum vt coacta vi frigo-  
rum glacies solis ardore tepesfacta dif-  
funditur, ita diuina scelerum gelu con-  
stricta benignitas in largum, atque co-  
piosum munerum imbrem dilabetur  
haec poenae nos iudicioque proripiet,  
haec omnem a Deo iracundiam pro-  
pellens, vt nobis temperetur efficiet.  
hic denique tanquam Patronus omni-  
bus vel Naturae, vel gratiae praesidijs  
ita ad dicendum paratus accedet; vt  
quauis Deus iustus iudex, & fortis  
grauissimis iniurijs lacepsitus, maxi-  
mis criminibus violatus, capitali a no-  
bis odio dissideat, vel sceleratissimi,  
impuri, pestiferi, supplicioque digni,  
tamen



*Cic. lib. 2. de  
Orat.*

tamen ipsius vis orationis omnem nostram importunitatem ex intima eius mente conuelleret; quod si summus dicendi magister optime praecipit, idque in summa oratoris laude ponit, ut taliter quisque afficiatur, qualiter eorum animos apud quos dicit affici cupit. frustra enim orator quamuis disertus, quamuis ornatus, quamuis oratorijs praeceptis abundans apud Iudices aut dolorem, aut misericordiam, aut inuidiam, aut timorem excitare dicendo conabitur; si non ante omnes eos motus, quos iudicibus adhiberi velit in se ipso impresserit, atque innusserit, quae vis, qui impetus, qui ardor animi pro nobis postulanti Christo deerit? qui ut misericordiam Deo commoueret, captus est ipse antea misericordia, ut propter nullam aliam causam se in hanc humilitatem naturae nostrae deiecerit, quam ut simul in misericordiam prolaberetur, ac propterea

*Paul. ad  
Heb. 2.*

debuerit ut ait Apostolus per omnia fratribus assimilari ut misericors fieret. Verum quid ais o Paule? vide ne quid impium, ne quid sacrilegum proferas, vide, ne dum vis Christo susceptam hominis attribuerè naturam, simul illum coneris de summa illa, atque perpetua

petua in homines benignitate, misericordiaque deicere, quando enim destitit suam Deus hominum generi misericordiam impertiri? quo tempore. non est infinitam illius in se homo benignitatem expertus? non ne saepius vltro est occurrere solita supplicibus nullius oratione prouocata? quando Deus nobis propter peccata nostra vehementius iratus de resistendo nouo aliquo genere calamitatis impudentissimae hominum ad peccandum licentiae cogitauit, quin adhibuerit in consilium, cogitationum suarum misericordiam, atque clementiam? Verum nihil est Paulus nisi sanctissime, nihil nisi religiosissime loquutus. fuit illa semper Dei. P. B. in omnes homines misericordia, quae quum sit vnum, & idem ac Deus immo Deus ipse, nūquam potuit neque poterit ab ipsa diuina Natura seiungi. semper Clementiae & miserationis munera inter homines ab illo perenni misericordiarum fonte manarūt. hic nobis patuit semper, neque est illa eius ingens donorum effusio vlla hominum importunitate contracta, verum neque affectionem eiusmodi sentire poterat, quae quod vnus est propria hominis non cadit in Deum ab omni concretionem  
**morta-**

mortali seiunctum neque illius vi omnino commoueri . vt igitur infinitam, illam bonitatem, atque sapientiam, non modo re ipsa aerumnarum, & calamitatum nostrarum opem ferendo duntaxat misereret , verum etiam sensum hunc humanitatis, & illam quae suscipitur ex afflictis hominum rebus aegritudinem haberet, ad induendam formam serui ; atque naturam iisdem prope affectibus obnoxiam suam infinitam bonitatem, incredibilis vis amoris adduxit . Si nihil est igitur , quod tantopere valeat ad animum Iudicis ad misericordiam adducendum, quam ipse idem misericordia , & dolore incitatus orator , quantum conciliabit nobis apud ipsum Patrem misericordiam , quum non solum commotionem suam verbis, sententijs, voce, vultu significabit , verum totis etiam impressa membris , acerbissimi signa doloris ostendet ? si ad conciliandam sibi Iudicum beneuolentiam, dicentis quam maxime valet auctoritas, quis dubitet Christi ductu, & auspicio tutum sibi receptum ad expertam Dei clementiam fore ? qui propter diuina, & immortalia merita, & virtutis egregiae laudem ad id honoris culmen ascenderit, vt proxime ad Dei maiesta-

iestatem, & amplitudinem videatur accedere, si maximam victoriae spem, affert Iudicis animus sua eo quo impellitur sponte propensus, si eo quo cursum intendimus quamcitissime perueniendi speramus, quum eo nobis est velificandum, vnde aliquis flatu ostenditur; quis iam in Dei misericordia, qui vult omnes homines saluos esse felicem, Christo postulante non speret euentum? si demum adeo rogantis dignitas, & gratia semper in iudicijs floruit, semperque dominata est, vt res ad vincendum nulla plus possit; quis Christi gratia non moueatur? quis se eius comitatum studio, Dei opem nequidquam, putet imploraturum? quippe & propter Naturae communionem, & propter voluntatis conpirationem, eandem inquam Christus iuerit sententiam, Deus tueatur? quo enim Pater a filio rogatus non descenderit? quid ab illo non impetrauerit? quum ad illorum vtilitatem postulata retulerit, quos laboribus maximis susceptis, periculisq; grauissimis aditis ex hostium vi manuq; eripuerit, quibus vitā sua ipsius morte pepererit quid, si illud pectoris vulnus, si pedum & manuum cicatrices ostendet? iam quantum in Deo misericordiam concitabit, quan-

quantam in Daemonē conflabit inuidiā  
quantam in nos beneuolentiam conciliabit? tanta eius in oratione futura vis est, vt vel vnus ille cicatricum aspectus, non Dei inclinantem modo ad hominū perniciem animum erigere, sed aduersantem etiam, ac si fas est dicere, repugnantem, vt Imperator bonus ac fortis capere possit. Possē hoc loco argumenta congerere prope innumerabilia, vtilitates maximas enumerare, infinita in Christi patrocinio constituta nobis commoda proferre: sed video multa mihi esse necessario praetermittenda, nonnulla leuiter pertingenda, quo prospero soluta cursu aliquo tandem exitu concludatur, & tanquam in portum, contractis velis mea inuehatur oratio.

\* Nolite igitur carissimi Christo discipuli tanta in nos profectura ex christi discessu commoda peruertere; non hic tantum vestra res agitur, sed communis omnium salus in vestro dolore periclitatur, nihil est Christo nostro suauius, nihil humanius, fateor; vt in eiusdem profectionis cogitatione defixus sentiā a me ipso viscerum partem auelli, si minus iusto, at pio tamen dolore affectos vos esse concedo, adiuuo etiam meis lacrimis moerorem vestrum: verum si  
nihil

nihil absentia, de suo in nos amore detrahetur, si nostro in illum magnus etiam cumulus accedet, si maiora perceptis lucra faciemus, profecto abiicienda, haec animi molliceis erit, efficiendumque, ut cedat utilitati dolor, & haec quantacunque iactura, utilitatum maximarum compensatione leniatur. non est sapientis, suaeque utilitati seruientis commodum aliquod maximum minoris adipiscendi causa praeterire, quid si demonstrarem non eius vos dolore commotos, sed vestra causa in tantum moerorem adductos? nonne multo vos pluris ipsos à vobis quam Christum diligere conuincamini? verum illum ipsum potius cuius à vobis discessum doletis, dolorem vestrum increpantem auditore. Si diligeretis me, gauderetis utique quia vado ad Patrem. quid tibi venit Io. xiv. in mentem, dulcissime Iesu, de illorum amore dubitare, quos ob triste tuae decessionis nuncium, tanta vis moeroris inuaserat, ut in illorum verbis, precibus, voce, vultu, collacrimatione, denique; tanquam cuncta peruadentis doloris vestigia conspicerentur? Equidem, ut à me de caeteris iudicem, necesse est, ut plurimum diligam, quem sine lacrimis, atque dolore à me distrahi,

hi,

hi, atque diuelli non patior: profecto ipsa haec tam lugubris Christi mortis, abitusque commemoratio illos in lacrimas, moeroremque vocauerat, sed multo maiorem in luctum, atque squalorem sua ipsorum orbitas, solitudoque coniecerat, non tantas hoc tam improviso ictu consternatis animo miseris Christi discessus doloris faces accenderat, quanta iisdem ea, quibus erant commoda carituri. At vero suis incommodis grauitur angere non amicum, sed se ipsum amantis est, quid? te ne ab illo diligi existimares, qui tuis honoribus, commodis, ac rebus prosperis, non aequae, ac tu ipse gauderet? Etenim si Christi utilitas potior illis fuisset, ne ingens ad eos gaudium ex ea, quae peruentura ad Christum erat gloria, venisset, & sane, qui fieri potuisset, quin ea, quae tum in eius ore, vultuque, quum nostrae salutis sui sanguinis precio redimendae tempus instaret, eminebat hilaritas, perturbatis, & afflictis omnem eijceret ex animo, profligaretque molestiam? qua se ratione, continuissent, quin illi vltro ferrent amplexus, quin gratularentur, quum scirent eundem debellatis hostium infestissimorum copijs afflictis, ac prope dele-

*Cic. in dia.  
de Amic.*

deletis vitiorum monstribus immanissimis, animorum praeda onustum, hostilibus spolijs ornatum, more triumphantium, vniuersa caelestium agminum turba prope conuulsa suis sedibus obuiam procedente, ad summum caelestis Regni fastigium esse, per omnes Beatorum ordines tanquam per gradus currendum, & in illa honoris sede celsissima ad Patris dexteram collocandum? quum intelligerent tribuenda eidem fore viuorum, mortuorumque omnium iudicia, caeterosque honores amplissimos, & immortales, aequa suorum meritorum praemia, decernendos? Si igitur expedit nobis, si gloriosus est tibi futurus hic e mundo discessus, quandoquidem nos iamdudum nimis indulsimus, abi, proficiscere, tuis rebus gestis amplissimis triumphas, fruiere hac tua maxima gloria, nosque tuo amore leuiter incensos, quem a rerum fluxarum cupiditatibus, tua haec suauissima vindicauit humanitas, ne desistas vsquequaque vehementius inflammare. Maximum, perfectissimum, ac prope diuinum, vt ante dixi Amoris genus suo sibi iure a nobis exigit Christus, non humilem, non vulgarem, non vsitatam inter homines caritatem effla

L

gitat



gitat, sed singularem, & insolitam benevolentiam, & si non eam, quae digna sit Deo, tantis nominibus de nobis optime merito, at quae certe pro viribus, ad diuina illius in nos merita proxime accedat, verum ut nulla materies facilis ad exardescendum est prius, quam humorem, quem intus retineat efflauerit, ita mortalis animus nunquam, ad comprehendendum diuini amoris ignem erit apprime paratus, nisi, qui fusi per ipsum sunt, turbidi cupiditatum quasi flatus euaserint; quos nulla res prorsus exhaurit, & mentem praeparat ut possit incendi, nisi, qui suauissime, permanat ad sensus ex diuinae erga humanum genus beneficentiae, & largitatis intuitu, ex Christi plagis; atque vulneribus ardor expressus. Quamobrem semper plurimum peccanti prodesse existimatum est, si initio suae conuersionis ad Deum, quae redundat de homine Christo voluptas ad illius sensus effluxerit, hac enim primum celeriter, ab huius vitae oblectamentis, atque illecebris, a corporis voluptatibus satietate quadam, atque fastidio abalienamur, haec crebris quasi irrigationibus durum emollit, atque intractabilem animum: nam quemadmodum,

totam

totam fere Aegyptum sterilem per se ipsam, atque siluestrem foecundis aquis irrigat Nilus, ita haec ubi in animum infusa iucunditas, eundem obrutum, oppletumque tenuerit, tum recedens, quasi molitum, & oblimatum, agrum ad ferendum relinquit, eadem enascentes, luxuriantesque cupiditates quadam quasi falce amputat, ferroque depascit, eadem animum subactum, ut agrum non semel aratum, sed nouatum, & iteratum aptissimum reddit, ad fructus diuini amoris efferendos. Verum profectiorem hanc tristem, & luctuosam quam plena doloris, plena moeroris esset, usque eo benignitate, & misericordia Christus acerbitate omni leuauit, ut dulcem etiam, atque iucundam effecerit. O singularem Christi in omnes homines humanitatem tuam. O benignitatem incredibilem, o clementiam praedicandam quis, vel hanc unam ob causam non omnia tibi sua studia deferat, non omnes conatus polliceatur, se denique ipsum in omnem aeternitatem singulari huic lenitati, atque clementiae non deferat? quis hac tam ardenti caritate tua non usque adeo superetur, ut omne aduersus, quascunque res alias studium,

amoremq; reijciat? quum iam necessitate abeundi praemeretur, quum iam eius illam Mortis victricem mortalitatem sibi Caelum poposcisset, non tulit, non passus est omni repente solatio destitutis sui triste aspectus, ac miserabile desiderium relinquere; sed placuit toto illo quadraginta dierum interuallo se illis itentidem demonstrando, ne dolori succumberent, vel prorsus fide destituerentur, se ipsum tamen a consuetudine, & assiduitate oculorum abducendo, vel paulatim illos assuescere, vitam sine ipso traducere. videmus matres quum primum liberos ad ingrediendum erudiunt non illico deferere, quum propter aetatem nusquam diutius insistere, aut ingredi longius sine casu aliquo, aut prolapsione possint, verum ex occulto vtrum suis niti pedibus commode queant, an vero nullo pacto consistere possint, obseruare, quod si iam offendisse, aut pro labentes inspexerint, materna pietate filiorum casu perterritas propere festinantes accedere, subleuare iacentes, confirmare titubantes, & admotos vberibus suauissime complexari, demum his artibus eo usque insistere, donec ipsos quoque pedibus ad insistendum idoneis esse animaduer-

mauertant. Non secus Christus dominus eorum aspectui quos teneros, quasi foetus in suae sinu benignitatis; educauerat se paulisper subtraxit, interdum se longius ire finxit, quumque dum tenebris mortis funestissimae, atque nefariae, suae lucis splendor obuolutus esset illa lubrica, atque periculosa non constitissent via, quorum vestigijs, vt insidiaretur humani generis hostis vehementissime a Deo efflagitauerat, immo in cōmunem omnium errorem rapti scandalum offendissent, ac miserandum in modum passim omnes afflicti, procubuissent; non cessauit suae gentes ope impertiri propere, atque omnes vno excepto proditore sacrilego, qui in illo eodem scopulo occubuerat, ad quem miser alliserat, excitare; quos non tam suarum imbecillitas virium humi proiecerat, quam omnino totius Christi rationis expertes, ignarosque in vnius hominis recuperationem preciosum eius sanguinem profundi, gignique mortalium generi Christi morte salutem, atrox tanti discriminis casus ingenti terrore concusserat. Pulcherrimo Christi aspectu, alio lumine omni destituti in his humanae vitae tenebris solis loco clarissimi ute-

*Luc. 24.*

*Luc. 22.*

bantur Apostoli; hunc vitae ducem, ac moderatorem habebant, hunc requiem malorum inuenerant, qui si tantisper forte ab eorum oculis subduceretur velut offusa nocte sibi mundi lumen obscurari, & vna cum illo vita etiam ipsa eripi videbatur. Iam vero vbi extremo illo suae vitae tempore faeuiente Iudaeorum immanitate, atque perfidia inflammatis scelere parricidarum mentibus, deficientem primum nitorem sideris sui, maculis ignominiae conspersum, condidisse, deinde sanguinis colore suffuso suum illud omne lumen obruisse viderunt, non aliter intentis ad hoc tam atrox, & acerbum impietatis spectaculum, ingens ex eo terror, atque formido incussa est, atque indoctis illis, ac rusticanis hominibus, qui primum Caeli, ac siderum rudes, ignarique subiectam soli Lunam, nostrisque oppositam sensibus Solis radios obscurare, eandemque e regione solis sitam interpositu interiectuque Terrae repente eam amplius lucem, quam a sole accipit non posse in terras immittere, Solis, & Lunae defectiones animaduenterunt: eos igitur Christus, vt hac formidine liberaret, nihil habuit antiquius, quam vt reuocatus in vitam,

& recuperato nitidiore splendore sacrorum Vatum effata inuolucris obducta euolueret in mediumque proferret: doceretque summum Iustitiae solem, quasi Caelo temporum destinatas vices implente, & piacularis maturitate temporis existente necessarie defecisse. Itaque vt tertio quondam die *Cic. li. 2. de Nat. Deo.* toto iterum Caelo luce diffusa reuixisset sibi visae sunt regiones illae, quibus eruptione Aetneorum ignium tantae extiterant tenebrae, vt per biduum nemo hominem homo agnosceret. Ita quum erumpente vna cum Amoris incendio condicionis humanae quasi fumo diuina illa maiestas obscuraretur, & tenebris omnia complerentur, paene iam extincti, & luce omni carentes Apostoli, se denuo in vitam vocari putauerunt, vbi tertio item die sol Christus illuxit. Quare vbi iam illos, omnem quamuis longam ingredi posse viam, animaduertit, & ea omnia, quae in adultos iam aetate pueros conueniant, de illorum, omniumque nostrum utilitate sollicitus nihil utilius arbitratus est esse, quam terras deferere, & humanam Caelo naturam inferre, vnde talem illis custodem demittat quo illorum solitudo, atque imbecillitas quam fir-

missimo praesidio muniatur, & talem  
defensorem adiungat, quo comite, at-  
que socio mollis ille, atque ignauus  
amor firmus constans, & ad omnia pe-  
ricula fortis efficiatur. Etenim simul at-  
que Apostolorum pectora diuino Spiritus  
sancti igne calescent, ille, qui in hac  
vmbatili vt diximus exercitatione se  
continebat amor, vt non hostium modo  
aciem intueri non modo in foro, in  
vrbe in hominum esse conspectu per-  
horresceret, sed ne ipsam quidem lucem  
auderet aspicere, iam diuina Spiritus  
sancti virtute corroboratus, eiusque  
viribus armatus, plenus animi, plenus  
roboris, ac virium omnem ferociam in  
discrimen ipsum certaminis afferens,  
se ipsum in medium agmen, in pulue-  
rem, in clamorem, in aciem educet, in  
armatas hostium copias immittet, ve-  
hementiori flagrans incendio sponte  
se in furentes popularis inuidiae flam-  
mas impellet, non laceffitus impios  
prouocabit ad pugnam, arma in se fue-  
rentium exacuet, & concitata in Chri-  
stum odia conuertet, non ipsum se  
amplius, non sua quaeret commoda;  
sed cuncta referet ad Christi gloriam, ad  
eius fidei propagationem, ipsa Aposto-  
lorum corpora, suae adeo salutis, vitae-  
que

que sollicita, tum ad omnia pericula offeret, tum etiam palam ad explendam carnificum rabiem; crudelitatemque proponet, nullius erit ita laudis cupidus, nullam exiget aliam suae caritatis mercedem, quam ut proposita, sibi ad aemulandum inuicta Christi patientia liceat sanguinem illi pro sanguine, vitam denique pro vita rependere.

O praeclarum, & admirabilem tui Christe amoris specimen; o semper ardens nullaue sanguinis profusione restinctum diuinæ tuæ caritatis incendiū.

O singulare amoris cum summa crudelitate certamen. O dignū Deo, Angelis, hominibusq; spectaculū: in quo primum P.B. quasi fermentarij ad committendū praelium plurima prodire ex Christi liberalitate argumenta beneficentiae, contra ex Iudaeorum castris ferox erupit execrandae impetus inuidiae. postea vero quam infestis. signis vtrunque concursus est, tanta vi pugnatum est; ut in eo certamine longe semper magis amoris ad benefaciendum incitatus ardor efferuesceret, quam accensa ad exorbendum beneficientis sanguine in odij voluntas inflammaretur. Christi singularis humanitas, cum Iudaeorum feritate confligebat, instabat hinc acriter

ter



ter diuina Sapientia, pertinaciter illinc humana stultitia repugnabat; occurrebat: hinc animi moderatio, illinc effrenatae libidines resistebant: hinc se pietas extollebat, illinc cornu flagitium, efferebat: hinc probitas inter immanissima scelera, quasi in confertissimos hostes incurrebat, illinc furor in diuinam Christi clementiam quasi in armatas hostium copias irruebat. aequitas, demissio animi, fortitudo, constantia, virtutes omnes, cum iniquitate, cum superbia, cum ignauia, cum temeritate, cum vitijs omnibus decertabant. Denique misericordia cum iustitia, patientia cum labore, vita cum interitu, semper vicens, & erectus amor, cum iam defessa, atque languenti immanitate pugnauit; in eiusmodi certamine, quasi, omnes aduersariorum impetus, atque conatus maius Christo robur, fortitudinemq; adderent, quo eius vis deprimi videbatur magis, eo se se altius efferebat, & quasi coniectae in aestuantem ignem egelidae tormentorum, aquae, non illius comprimendi, sed exagitandi non refrigerandi, aut extinguendi, sed nutriendi, & inflammandi vim quandam, ac potestatem haberent,

in

in maius propemodum caritatis ardor excreſcebat incendiū. Quemadmodum enim ſi quis aeger, ac morbo grauiſ maxime quum viſ fureret morbi; quanta maxima poſſet voce ſe aëſtu ſitique torrerī fatigatiue clamaret, poſtularētq; v̄t ſibi gelida ferretur aqua: vbi vero miſer cuni poculo ad ſe venientē aſpiceret, v̄s geſtantis extorqueret ē manibus, forte reſiſtentem vi manuque repelleret; male verbis acciperet, eoquē hauſto ſe multo grauius, vehementiusquē aëſtu; ſitique ingraueſcente afflictiari vociferaretur; non ne huic maximam eſſe febrim? non letali miſerum ardorē conſumi fateremur? Sic noſtri amantiffimus Chriſtus, quaſi feruentem; diuturnam, ac moleſtiſſimam ſitim explere cupiens, omni ſuppliciorum, & crudelitatum genere vas plenum, atque redundans e Patris manibus videbatur eripere; quum ore ardenti, quaſi euomens quas intus flammās abſconderat ſaepe diceret, baptiſmo habeo baptizari, & quomodo coarctor donec in me perficiatur; quumq; omnis impatiens morae, ac ſe ſe tandem in cruciatum dari quamprimum exoptans nimis diu optatam pro nobis mortem ſane differri quereretur, Peſcunt illi

*Luc. 22*

illi

*Matth.* 17. illi meliora precantem satanam appellans repulit: utque aeger impetrata a Medico bibendi potestate, si ab amicis admoneretur, propterea quod poculum sumsisset auidus, ut modice biberet, ut suae salutis parceret, ne sibi ipsi quodammodo manus afferret, nonne, quasi de suo iure sibi aliquid detraheretur, cum eisdem expostularet? nonne hoc illis peracerbe fortasse responderet? quid? medicus fecit potestatem bibendi, vos eam mihi extorquere conamini? ita Petro ait; quum irruentes in eum milites vi, manuque repelleret, *Ioan.* 18. Pater hunc mihi tradidit calicem, ad meum arbitrium exhaustiendum, tu me aestu quo iam diu crucior releuari prohibeas? In horto igitur Gethsemani, hoc ingens, & immane poculum, primum labris admouit, quumque humi prostratus, & afflictus demissis illis precibus ter Patri supplicaret, ex eo bibit, quum a Praetoria cohorte corripere, dum ab impio discipulo, nefariae proditoris tessera indicaretur, dum collo, manibusque iniectis catenis, velut praedo vinciretur: ex eodem itidem bibit dum in Praetoris conspectum produceretur: bibit, dum ad Herodis tribunal raperetur: bibit, dum veste spoliaretur,

liaretur, dum verbera non ad quaestionem, sed ad poenam ingererentur, dum per ultimos cruciatus, quippe damnatus, & impijs cohortis Romanae militibus] vt] Iudaeis gratificarentur tormentibus, laceratur, non amarissimos tantummodo cruciatuum liquores exsorbet, non haurit, non ebibit sed totus quasi perfunditur; in funesto demum Calvariae colle, cruci affixus coeuntibus in infontem hominem, ac Deum, tanquam vnum in locum omnibus dolorum & acerbitatum non riuulis, sed fontibus, obrutus prope est, & vt Hieremias ait, est saturatus opprobrijs, *Tren. 3.* quumque exhaustis prope omnibus, cruciatuum, & calamitatum fluctibus sitis eius arida non releuata modo, atque refrigerata, sed satiata, & iam penitus extincta videretur esse, adhuc magis ebulliens, quod intus efferuescebat incendium summa omnium cum admiratione, ingenti ad extremum edito gemitu, fitio, quantum potuit voce *Ioan. 20.* contendit. O maximum ardorem nullis dolorum fluctibus refrigeratum, o feruidum ignem nullo cruciatuum imbre restinctum, o vehementem flammam, nullis fluminibus tormentorum oppressam. quis ex omni saeculorum

memo-

Cant. 8.

memoria ita in amore constans inuentus est vnquam. quem adeo alicuius amantem audiuius, in quem illud aptius conueniret elogium, aquae mpltae non potuerunt extinguere caritatem? quum non tanta sacrilegi homines eius exorbendi sanguinis cupiditate flagrauerint, quanto ille desiderio post acerbissima tormenta, ad subeunda noua etiam multo grauiora supplicia, & cruciatus exarserit. Quis non igitur merito luce hac sacrosancta triumphet, quis non iure laetetur? quis tantis vndique circumfluentibus gaudijs, moeroris, aut tristitiae causas anquirat? quid reliqui profecto erat, quod Apostolos ad dolendum incitaret? quae noua moeroris causa, ex praesenti laetitia emerferat, vt reluctantes in luctum ac dolorem impellerentur? quis adhuc miretur amplius Apostolos tantam ex Christi discessu concepisse laetitiam, vt cum gaudio Hierosolymam reuerterentur? etiam ne exigua ad laetandum materies videatur sentire se omnia summa esse consecutos, arcanorum misteriorum notitiam, rerum diuinarum scientiam sibi traditam intelligere, in illum postremum amoris exitum euasisse, in quo omnis eius perfectio, atque praesstantia

stantia posita est, & admirabili, in credibilique constantia, fidelissima, atque perpetua veri amoris comite, & administra corroboratos se esse cognoscere? cuius vi ac firmitate in se coniectas omnes impietatis faces exciperent, suique demum sanguinis effusione restinguerent, qua sibi incussos mortis, tormentorumque metus auerterent, & ad enascentis tum primum semina religionis toto iam terrarum orbe diffusa suis euersis satoribus, extinguenda, vanas conspirantium inter se principum voluntates, & conatus efficerent, quae tantae erant tenebrae doloris, atque tristitiae, quas non illico disijceret ea, quae repente in tantis nubibus Christi diuinitatis notitia, quasi fulgor illuxerat? quae caecis nunquam oculis, vndique erroris caligine circumfusa, in tot signorum magnitudine, in tantarum, admirabiliumque rerum molitione, in salutaribus Christi praeceptis effulserat. Quae igitur moeroris tantam vis reperiri posset, quae erumpentis iucunditatis maximae cursum inhibere, & ad Apostolorum pectora peruadenti vias niteretur intercludere? quid enim eos magis rapere poterat in lacrimas, quam haec repentina Christi decessio? at illi.

co re ipsa experti sunt eo arctioribus  
 cum illo vinculis colligatos se esse, quo  
 ab eorum se se conspectu, & consuetu-  
 dine procul amouissent, nos huc iam,  
 pridem fidei Christianae dignitas am-  
 plitudoque vocabat, ad hoc quasi ad  
 quoddam ultimum Christi praedicatio-  
 nis, & miraculorum iacula dirigeban-  
 tur, scilicet ut in eo, id primum dilige-  
 remus, quod nec mortalibus oculis in-  
 tueri, nec terrenis manibus contrectari,  
 nec ullis corporis sensibus percipi pos-  
 set: hinc Mariae Magdalenae totius Ec-  
 clesiae personam tunc temporis refe-  
 rentis diu lacrimis quaesito, & aegre  
 tandem inuento ferenti obuiam ample-  
 xus, noli inquit me tangere nondum  
 enim ascendi ad patrem, scilicet ut Bea-  
 tus Leo summus Pont. explicat, quid in  
 carne conaris mulier ad me venire?  
 quid ex corporis figura, quam ex me  
 ipso tibi sum notior? non eam a te, ipsa  
 & ab illis, qui in me credituri sunt mei  
 notitiam requiro, quae contrectatione  
 contineatur, sed eam prorsus cognitio-  
 nem efflagito, in quam Spiritus ductu  
 auspicioque proficiscantur, haec ubi in  
 Caelum abiero, & a vobis praesentibus  
 praesens ereptus fuero, ut in vestros ani-  
 mos inferatur, & illata in eisdem pluri-  
 mum

*Ioan. 20.*

*Serm. 2. de  
 Ascen.*

num augeatur efficiam. Hoc vnum maxime fidem nostram spectabilem, & admirabilem reddit, in hoc eius præcipue nobilitas elucescit vt, quod plurimum est a nostris sensibus remotum, id nos maxime credamus, quem ipsi nunquam audiuius, vel vidimus diligamus, qui tanto a nobis interuallo se iungitur, debito cultu, ac beneuolentia prosequamur; huic erat fidei totus prope terrarum orbis summa cum celeritate lustrandus, & superstitione omni refertus exturbato de suis sedibus Idolorum cultu Christi Religioni dicandus; & quum hoc quadraginta dierum tempore, quo tempore Christus dominus versatus est inter homines, nondum tutum, ac liberum præbentibus Apostolis in eorum animis aditum, paululum constitisset, eos tamen adepta velut retenta diutius intentissimo arcu sagitta celerius quum emittitur, quo destinatur infigitur; celeritate incredibili Vrbes peragrauit, Maria traiecit, alpes ascendit, & quidquid nascentis inter, obeuntisque solis terminos continetur, quidquid Austri, Aquilonisque regionibus includitur amplexa, omnes terrarum oras oppleuit, & munita Spi-

M ritus



ritus sancti ope ad penetrandum in visceribus hominum via, omnium inuasit animos, eisque penitus infedit, & quandam quasi notam, perpetuo quidem, permanfuram non cruore foedandam, nō ferro violandam, non igne delendam inuisit. haec vel semel comprehensa, mentibus, animisque credentium tam, stabilis, ac diuturna permanet fides, vt non sicut caeterae impietatis antiquae vanae, ac fictae de Dijs immortalibus opiniones, non sicut veterum, & recentium quorūdam haereticorum somnia quaedam, atque commenta diuturnitate extinguatur, deleatur die, vetustate, & annorum decursu contabescat, iniurijs temporum occidat; sed longissima iam vixit secula, vim diuturnitatis euicit, hominum aetates superauit, atque adeo in aeternum propagari acuum est auida, vt nec decursis saturetur annis, nec praeteritis temporum spacijs expleatur. O felicem Apostolorum haesitantiam. O nobis salutarem titubationem. O breue nescio quod tempus, immensis saeculorum paene innumerabilium spacijs compensatum. illa, illa, huius disseminandae, & propagandae religionis ministrorum nimis curiosa inuesti-

Leo 1. de  
Ascens.

investigatione, an Christi animus ad corporis societatem redisset, incorruptae posterorum fidei iacta sunt firmissima fundamenta; illa necessaria Apostolorum cunctatione, nostrae ad credendum tarditati itum est obuiam, & breui temporis spacio paene immortalitati prouisum. Quae saex igitur tristitiae, purum, & liquidum voluptatis amnem inficiat, atque corrumpat? praesens à praesentibus eripiatur, abducatur ab oculis, nunquam tamen validissima illa quibus Christo iam adstringuntur vincula dirumpentur, nulla cupiditate, nullo metu, non iam humanis naturae mortalis muneribus, sed caelestibus diuinitatis donis contracta cum eodē Christo societas dissuetur, nulla vnquam perpetua illa animorū coniunctio distrahetur, nec inimicorum saeculitia, nec Iudaeorum importunitate, nec locorum, ac temporum intervallo, dissociabitur, nullis humanarum rerum cupiditatibus, nullis voluptatum illecebris iam alte in Deo radicibus actis plane stabilis ille amor perturbabitur, nunquam de sua sede ac statu dimouebitur: nam quidquid erat in terris boni, quidquid suauis, quidquid iucun-

dum iam vna cum Christo desideratur,  
& simulatque illa inuida, & importuna  
nubes soli clarissimo terram larga luce  
complenti offecit, omnes etiam eius  
partes opacavit, non ne hic cuncta mi-  
hi sine te suauissime Iesu vilescant? hic  
sine te mihi se aliud aliquid offerat, quo  
oblectare me possim? poterit ei, qui tua  
vita vixerit, qui tuo lacte recrearetur  
(Christe optime) aut huius Caeli spiri-  
tus esse iucundus, aut huius vitae haec  
lux non obscura videri? Verum vt tan-  
+ dem modum statuam orationi meae;  
Quū victor de tribus potentissimis ho-  
stibus gloriosum in Caelo triumphum  
reportaturus sit, si nos eum diligimus, si  
eius nobis cordi existimatio est, nostrū  
ad eius gloriam studium conferamus.  
At quid est iam, in quo operam no-  
stram profiteri, eique palam nauare  
possimus? nam si opes illi nostras pol-  
liceamur, bonis caelestibus affluens  
nostrarum rerum non eget, si poten-  
tiam, si dignitatem, si laborem offera-  
mus, omnes nostrae non modo vilitates,  
& commoda ab eodem tanquam a fon-  
te deducta proficiunt, sed etiam,  
quod viuimus, quod mouemur, quod  
spiramus vni illi acceptum referendum;  
nihil

nihil ergo horum est quod nō in eorum datore, & perfectore multo quidem excellentius atque nobilius existat. vna res est P. B. in qua gratificari Christo possimus; vnum illud relinquitur, in quo non modo Christi gloria versatur, sed nostra etiam salus, & vtilitas continetur. In splendida, atq; illustri triumphantium pompa haec omnia triumphorum diues antiquitas admirabatur, simulacra urbium, & oppidorum, deictarum gentium imagines, auri, & argenti vim ingentem, & detracta ab hostibus spolia, ad haec obstrepi omnia clamore militum, & tubarum sono omnia acclamantium vocibus personare, praeterea vulgi plausus Populi sua aduersus Imperatorem studia significantis exaudiebat, carminibus Ducis victoriam celebrari, ferri ad Caelum laudibus Imperatorem; sed quod in se oculos omnium conuerteret, quod plausus, & clamores excitaret id in primis videbatur, quum tantorum modo exercituum, Reges, à quibus tot antea gentes, atq; nationes iura petebant, quos infinita hominum genera tanquam Deos reuerita eorum pedibus aduoluebantur, tunc de regali fastigio deiecti, victoris arbitrium

trium expectantes ante currum victi  
ducerentur; Iam vero inimici, atque  
hostes nostri infestissimi, qui semper  
Christo bellum habent impium, atque  
nefarium indictum, sunt nostra scelera,  
atque peccata, quae si victa Christo  
tradiderimus, ut quae tantum illi quon-  
dam dedecus, & contumeliam intule-  
rint eius gloriae, & amplitudini aliqua  
ratione deferuant, eorum vim, atque  
conatus adeo aeternis in posterum  
vinculis, atque carceribus cohercebit;  
ut nisi tu ipse eorum vincula ruperis hor-  
ribilibus custodijs circumdatis omnem  
spem ei prorsus libertatis, & nocendi  
potestatem eripuerit. Verum neque  
cuiquam veniat in mentem dubitare, se  
idcirco desertum esse, quod Caelo Chri-  
stus receptus patris dexteræ assederit,  
aut quasi, perfuncto gravissimis vitae  
laboribus sibi quiescendum esse duxe-  
rit, neque salutis humanae semel per  
illum partae tutelam, aequae dignitatis  
defensionem, ut pote curarum plenissi-  
mam esse cum praesenti laetitia com-  
miscendam; nam etiam si tanto inter-  
uallo abesse videatur, animo tamen,  
& corpore quemadmodum in Caelo  
fruitur, adest, nobiscum manet, & usque  
ad

ad consummationem saeculi perpetuo manebit; etsi honorificentissimo Dei iudicio, tanto honore dignus est habitus, quantus, neque ulli delatus est ante illum, neque habendus in posterum, etsi nulla externa adiutus ope, sed suae virtutis gradibus ad eam sibi gloriam communiuit viam, etsi in solio circumfuso vndiq; lumine collucenti consedit; tamen quando id res ipsa postulare videbitur, quum praesens periculum aderit velut ex eodem, exiliens, praesto erit illico, & si nos aduersariorum insidijs expeti, si in aliquod discrimen vocari quenquam aspexerit, quae ad nostram semper defensionem, parata habet arma suscipiet, periculum quod in nos intenditur propulsaturus; nulla quidem immortalis intercedit aegritudo laetitiae, neque tanta contaminatur gaudia labore, non desidet, non cessat quum susceptis armis res ad certamen deducitur ecquis apud illum vnquam de suis calamitatibus deplorauit, quin statim in eius fide certissimum, ac paratissimum perfugium inuenerit? Ecquis vnquam accepta à daemonibus clade depressus; aut hostium minis terroreque perculsus, ad eius aram praesidij, opisque

que

que confugit, quin eum subito studio-  
fissimum sui defensorem, ac propugna-  
torem habuerit? quid? non ne in dubijs  
rebus, in maximis grauisissimisque peri-  
culis allata saepe multis auxilia, quem-  
uis aut hebetem, aut impium, Christum  
praesentem fuisse palam confiteri coe-  
gerunt? repetamus memoria si placet à  
primis illis nascentis Ecclesiae primor-  
dijs, quum Impietas armata ad debel-  
landam, ac funditus euertendam Chri-  
stianae religionis veritatem manantem  
in dies latius, eisdemque suae magnitu-  
dini terminos, quibus terrae ambitus  
continetur Caeli regiones constituen-  
tem, in Christianorum caede desaeuijt,  
& honestissimo Sanctorum sanguine sa-  
turata est: Non ne vetustissima scripto-  
rum monumenta, quibus propter vitae  
sanctitatem, grauitatem, eruditionem,  
abrogari fides non potest, testari repe-  
riemus, suam illum non modo operam,  
cum strenuorum militum virtute, at-  
que praestantia coniunxisse, sed quo  
praeliantibus animus amplior esset, suam  
ipsum saepenumero praesentiam decla-  
rasse? quoties in acie, ex illustri, & ex-  
celso quodam loco pugnantem morta-  
lium genus aspexit? quoties tela vibran-  
tem

tem, & ingentem hominum multitudinem ad Martyrum carnificinam, velut ad quoddam immane crudelitatis spectaculum effusam de Caelo ignibus, atque aetheris flamma cōsumpsisse animaduertit? quid referam ex vetustis, atque vulgaribus sanctorum martyrum, atque Virginum historijs ductas narrationes? quis est omnium adeo rerum, ignarus, ac rudis, modo sit Christi religione imbutus, qui non aut legerit ipse aliquando, aut non audierit, faciente falsa Deorum superstitione, quae furens amensque bellum atrox, atque impium Deo hominibusq. indixerat Christum ipsum plerumque humana specie, dum fortissimi illi duces sacrae Christi militiae nuper adscripti pro vera Religione tuenda diuinitus ad mortem usque decertantes, à Tyrannis crudelissime vexarentur, coacti ad necem insonitum acerbam lictorum, atque carnificum manum effudisse, aut lacerata flagellorum ictibus corpora, aut euulsis carnibus denudata ossa integritati, ac decori pristino reddidisse? vel id robur animis, atque constantiam intulisse, vt acerbissimos inter vltimosque crucia-

tus



tus illorū plurimi nullos dederint gemitus, nullas voces emisierint, nullū deniq. inter prementium tormētorum angustias omnino doloris sensum expresse-  
rint? Pendebant alij totis diebus e Cruce, & de ea, tanquam de superiore loco Populos ad Christi fidem erudiebant. stratas alij ignitis carbonibus vias lacti quasi rosas ingrediebantur; perusti, quamplurimi, vel taedis ardētibus, vel candentibus laminis, ita dulcissimis cōplebāt omnia vocibus, vt si feruido fatigata aestu molliſsima corpora suauissimo rore releuarentur, Demum multi inter acerbissimos scorpionum cruciatus, inter crebros flagellorum ictus nudis plerumque ossibus incussos, exultare sibi videbantur inter choros Angelorum, & diuina quadam suauitate perfundi. Quid multa? astat laetum inter omnes Deo datura spectaculum, supplex in genua prouoluta Virgo regali stirpe progenita, atque eius candidae decoraeque ceruici stricto imminet gladio immanis dextera lictoris letali vulnere eum iam iam in locum delapsura; Verum, o rem miram, & incredibilem, quum illi Mors im-

impenderet, quum ferro inuaderetur,  
quum omnibus premeretur aerumnis .  
quae proximo leti periculo saltem  
aliquantulum exterreri , quam vel  
metus ipse , & expectatio exanimare  
debuerat, eo erat statu mentis, atque  
corporis ; vt eam neque praesentis  
terror mortis impelleret , neque ini-  
micorum labefactaret iniuria . contra  
vero is , ad quem tantae immanita-  
tis spectabat officium, quasi eodem  
ferro miseri illius iugulum peteretur,  
toto animo totisque artubus contre-  
miscebat . Vnde tam graua tanque  
difficilia perferendi in illos ardor re-  
dundabat ? vnde tanta securitas ani-  
mis , nisi à Christo praesente ingere-  
batur ? an suam passus est diutius o-  
pem a Stephano implorari , quum  
obsessus à Iudaeis lapidibus obruere-  
tur ? in illa acerrima pugna intentis  
oculis in Caelum , quasi duas discif-  
sum in partes non eum sedentem, vt  
olim, sed vt praesens occasio ferebat  
contemplatus est stantem opem ferre  
supplicibus, excitare afflictos, dare  
salutem , laborantibus succurrere, li-  
berare periculis ; sibi que illatas ab a-  
cer-

cerbissimis hostibus iniurias propul-  
fare; erit ne quisquam adeo diuinac im-  
memor benignitatis, & exhibiti in nos  
Amoris expers, qui, eo quod se no-  
stris oculis, conspectuque exemerit,  
omnem itidem eorum, quos dilexit  
vnice memoriam ex animo eiecisse,  
arbitretur? haec non modo P. B. vi-  
get, perpetuoque vigebit, sed eius pla-  
ne in medullis, atque in visceribus ip-  
sis infixa perpetuo manebit: vtinam  
illius nos ita memores essemus, nec  
veterum fama meritorum, aut prae-  
sentium gratia beneficiorum elabere-  
tur ex animo, vt nostrarum misera-  
tio calamitatum nulla vnquam ad-  
uersa, ac contra nitenti iniuriarum  
vi ex eius pectore exturbata conce-  
det, nec viuida illa semperque florens  
amoris virtus peccatorum nostrorum  
concussa nutibus contremiscet; immo  
vero tantum abest, vt se à nobis di-  
strahi, atque diuelli patiatur, vt ni-  
hil optet ardentius, quam in vno eo-  
demque pectoris domicilio perpetuam  
animorum nostrorum societatem, &  
coniunctionem. Quis igitur erit ita  
durus, ac ferreus, qui tanti asperne-  
tur

tur conuictum amici, quis tam ferox,  
& inhumanus, qui ad fores adstanti,  
& se nunquam introduci conquerenti  
renunciet hospitium, qui summae fe-  
licitati non adscribat posse cum Mundi  
procreatore, quam saepissime colloqui  
adesse vna in iisdem aedibus, vna ea-  
demque vita viuere, ac paene ex ee-  
dem ore spiritum ducere, & in his aeru-  
mnis, atque miserijs summa quadam  
animi tranquillitate potiri non ex re-  
rum fluxarum iucunditate orta, sed ex  
perpetuis Beatorum gaudijs, atque de-  
licijs deriuata? O uere fortunatos illos,  
apud quos tantus diuertit hospes, o  
prope beatos quos Deo frequens con-  
ciliauit hospitium; & conspirantibus  
in vnum animis amicitiae vinculo col-  
ligauit, nam quum Amoris mira qua-  
dam, & inexplicabili ratione perficia-  
tur, vt amicorum vterque, à seipso re-  
cedens in alterum quem diligit, tan-  
quam in suam sedem, ac domicilium  
abeat, eius mores imitetur, totum  
se ad illius nutum, & voluntatem effin-  
gat, ad eius vocem suos etiam fonos in-  
flectat, nec modo eodem amictu, eo-  
dem incessu, atque ille vtatur, cae-  
tera

teraque externa omnia, quae facile  
assequimur imitando consecratur, sed  
ipsam corporis totius effigiem, at-  
que oris lineamenta suis absterfis at-  
que deletis in se ipse si posset induce-  
ret; quid futurum nobis erit impedi-  
mento, quominus si in Christo fueri-  
mus, si nostram voluntatem ita cum  
illius voluntate copulauerimus, ut ex  
duabus, una, eademque confletur,  
diuinam quodammodo speciem, &  
pulchritudinem animis referamus?  
Iam vero Amoris ardore liquefactus,  
ac dilapsus animus, aut in res mor-  
tales, aut in Deum sese diffundat ne-  
cesse est, si igitur aquam, & liqui-  
da omnia non modo ex Peripatetico-  
rum sententia, sed ab ipsa etiam ma-  
gistra rerum experientia didicimus,  
quum rei cuiuspiam terminis ne dif-  
fluant cohibeantur, in rei illius figu-  
ram habitumque formari; quis iam  
dubitet si in Christo totos nos trans-  
fuderimus, quin sit diuinæ illius in  
nobis pulchritudinis imago quaedam,  
ac species exprimenda; at fieri non  
potest, quin dum hac luce fruimur,  
dum corporis custodia detinemur, re-  
rum

rum mortalium curis, & saecularibus negocijs immisceamur: esto: verum non est tibi illis diutius insistendum, sed per ea quanta poteris maxima celeritate praeteruolandum. nam si praeterfluens amnis aut vix, aut nullo modo, conclusa autem aqua facile corrumpitur, non ne, si properantes nostrae ad Caelum cogitationes hic diutius remorentur, facile computrescent? Euola igitur per has vitae huius commoda, atque pertransi eaque leuissime, quantum sat erit ad vitae usum, & necessitatem attinge: vt quemadmodum ventorum impetu, pulsuque remorum, ita per aequora fertur nauis; vt eius vim, & incitationem aspicias vestigia, ingressumque non videas; sic nulla ferè tuarum vestigia cupiditatum in terris impressa resideant; quae si quidem in solo, quum calcatur altius, pedibus cedente signantur, non abnuo, immo gloriosum duco te humanis opibus, atque diuitijs pedum tuorum signa ad contemptum, & perpetuae ignominiae notam inurere nunquam enim nisi adscensus ad Patrem Christus sua terrae fixit vestigia, vt scilicet

licet nobis ostenderetur, tanquam fallentibus, quo altius in sublime feramur terram esse acrius ante oremendam, & humana omnia aduersis vestigijs impellenda.



IO. VICTORII  
 ROSCII  
 ROMANI,  
 DE  
 PECCATO.



ORATIO VII.



VIT haec non modo,  
 Auditores Christi serua-  
 toris nostris, caeterorū-  
 que Sanctorum verissi-  
 ma, certissimaque sen-  
 tentia, praeter culpam,  
 & peccatum nihil homini accidere hor-  
 ribilius posse, aut magis pertimescen-  
 dum, verum etiam veterum Philoso-  
 phorum, atque sapientum fere omnium  
 opinio, quorum licet variae, multum-  
 que inter se diffidentes, pugnantisque  
 familiae, frequentes tamen communi

N

con-



consensu, quasi pedibus in hanc eandem sententiam iuere, hinc illa quorundam incredibilis extitit, in voluptatibus quoque vsitatis, atque permis-  
 sis continentia, hinc illa honorum, & rerum humanarum despicientia, perpetuaque in proposito, susceptoque consilio grauitas, & constantia, intellexerunt nimirum, eo minus in aliquod peccati genus delapsuros se esse, quo sibi ipsis magis ad omnem cupiditatem aditum praecclusissent; Atque hoc etiam, magis ab omnibus istorum est admiranda, diligendaque sapientia, quo illi non fide diuinitus hausta, sed insita in omnibus naturae lege, non praemiorum aeternorum spe, atque expectatione commoti, quum eorum plurimi vna cum corpore simul animum interi-  
 re putarent, non metu poenarum perterriti, quas idcirco inuentas esse crediderant, vt aliqua inuita formido improbis esset posita, sed communi voluntate virtutis, & officij praeciderunt sibi ipsi istam licentiam, libertatemque viuendi. Quapropter grauissime, verissimeque seruator hominum Christus improbissimas multorum cupiditates a Tyrijs, a Sidonis, a Niniuitis in cri-  
 men

*Matth. 11.*  
*Luca. 11.*

men, atque in Iudicium vocandas esse praedixit, quod quum illi diuino illustrati lumine perspexissent, quam foedum, ac perniciosum esset, vel minimum a religione officij declinare, quum cognouissent verissimis, grauissimisque poenis nos à peccatis auocari, contraque spe post hanc vitam vberissima, atque praemijs ad virtutem amplissimis allici, tamen ita vitam instituerint, quasi haec longe remota ab eorum opinione, intelligentiaque fuissent, nihilque debere existimauerint hominum cupiditati esse clausum, sed libidinum, peccatorumque omnium patere in vita licentiam. Verum istorum tanta peruersitas si recte inspiciatur, vel ob hanc causam corroborari ad audaciam solet, quod sua homines scelera, & cupiditates, ad propositam voluptatem, non ad futuri temporis Iudicium conferant, quodque vt plurimum videant prolapsa fere in immensum effrenata hominum ad peccandum audacia, atque licentia, à praesenti supplicio se Deum continere, atque reprimere, ita fit vt singularem hanc Dei optimi maximi clementiam, seu potius patientiam miram, & incredibilem non virtutis,

sed libidinis habeant incitamentum, ò scelus, ò portentum, ò audaciam immanem, ac detestandam, idcirco ne sceleratus aliquis existimabit nullum impudentiae, nequitiaeque suae finem esse relictum, quia videat non in primo gradu iniuriae resistere irati Iudicis seueritatem? quod enim nostrae salutis rationem ad futuri Iudicij discrimen reservare solitus sit, idcirco sibi omnia à diuinae legis praescripto, atque ratione ad voluntatem, atque libidinem suam translata esse videbuntur? Quae quum ita sint operaepretium nos esse facturos existimo si cæcis istorum tenebris, qui in aliquo peccati genere versantur si non ornatae, certe salutaris orationis facem praetulerimus, simulque breuiter ostenderimus, quanto suo periculo se in tot scelerum, flagitiorumque sordes ingurgitent. Atque vt ad rem ipsam aggrediamur. Primum, qui se letali scelere contaminauit aeternum, quoddam, & capitale Dei in se odium struxit, quae quidem moles, eas ruinas, tamque graues, edit, vt vllis Naturae viribus reparari non queat: quid agebas o infelix anime, quum viam in te sceleri aperiebas aliquid ne aliud, quam,

quam, vt in te perniciosam tabem effunderes, qua statim à Christo nimirum, à spiritu, quem duceres à vita, qua viueres excludereris? quid enim calamitoso animae dissidio, praeter mortem corpori ipsi creatur? Verum quoniam Animi fere omnia, ad corporis similitudinem diriguntur, facite vobis veniat in mentem (Auditores) funebris illa malorum cohors, qua Mors comitata in corpus irrupit, simulque cogitate, quae, & quanta e corpore bona tanquam possessione pulsa decedant, ea primum egreditur, quam omnes admirari pulchritudo solebant, succeditque in eius locum horribilis, monstruosaque deformitas, quid est enim tam pulchrū ad aspectum, quidue, quod oculos omnium magis moueat, quam ipsa hominis species, atque figura suis animata sensibus, & coloribus, quasi luminibus illustrata? haec vt primum est vitali sanguine destituta in eam turpitudinē, deformitatemque conuertitur, vt quos antea recreare aspectu solebat, nunc horrore, metuque afficiat, denique, quum ea pax, qua illae quattuor inter se contrariae, dissidentesque Naturae, ne qua pugna existeret copulabantur,

N 3 animae

animae decessione dirempta sit, resque ad certamen, contentionemque deducta, necesse est extremam totius corporis corruptionem consequi, ex eoque vermes procreari, & intolerabiles odores efflari: ad haec atque alia multo grauiora mala animus ex interitu delabitur, quid eo pulchrius animo cui Deus inherebat, cui Christus vita erat, quae species ne excogitari quidem poterat ornatior, quum in eo ipso, à quo ortum duxerat admirabiles amores excitaret sui? at hic amissis caelestibus donis, sine Christo, tanquam sine anima, sine spiritu in eam turpitudinem, monstrositatemque immutatur, vt, si quemadmodum animis, sic ea sensibus percipi posset nulli tam duri oculi reperiarentur, qui immorari in ea ne ad breue quidem tempus possent. Etenim si in deformitate corporis id habet turpitudinis, vt saepe multi, quibus per quietem monstra se ostenderint, cohorrerint, aliqui in morbos incurrerint, nonnulli aliquando vitam amiserint, quanta illa deprauatio & foeditas turpificari animi videretur, quam summus ille Mundi Arbiter Deus tanquam singularem aliquam poenam

seruauit

apud

apud inferos constitutam improbis esse voluit? quid erat tam Deo simile, ut Basilius inquit, quid clarius & expressius diuinam illam, praestantissimamque Naturam, & pulchritudinem quodam modo representabat, quam ipse ille quem cum Deo, mutua animorum coniunctio praecipuo quodam amoris nexu deuinxerat? ut non tam haereditatis, vel adoptionis iure, quam hac eximia, praeclaraque forma quasi cognatione Dei optimi maximi nomen videretur attingere, si quum eandem in duobus membrorum compositione, conformationemque lineamentorum intuiti fuerimus, in eam cogitationem tacite deducimur, ut suspicemur eosdē naturali esse inter se cognatione coniunctos, quod raro videamus Naturam fratres, aut filios, à fratribus, vel Parentum similitudine abripuisse, profecto quid erit impedimento quominus quilibet animus omni Virtutum genere expolitus, depulsis vitiorum sordibus Dei filius videri possit, quum in eo imago quaedam diuinæ illius probitatis, atque iustitiae non secus atque coloribus expressa cernatur? eximiam istam, ac paene diuinam sanctorum pulchritudi-

*Ser. de Spiritu sancto*

Psalm. 81.

tudinem Regius Vates animo, quasi oculis cernens tam excellenti, praestabilique forma obstupuisse, eosque Deos & Dei filios vocauisse se dixit: ergo, quid quasi noua re aliqua, aut iucredibili intellecta admiraris? quid quasi progredi vltcrius intelligentia non possis in hac sententia diutius commorari? quum videas nitidos aquarum, riuos radijs à solis lumine mutuatis fulgere ad oculos, eisdemque luce, à sole contracta tenebris obtendi, tamen, quod assiduitate quotidiana, & consuetudine oculorum hoc assueueris cernere, neque obstupescis, neque admiraris neque eius rei rationes requirendos esse ducis, quam semper videas, & in hac re hesitabis? hoc te quasi quiddam nouum, & incredibile ad exquirendas causas excitabit, si intellexeris tenebris, & obscuritate eum animum inuolui, qui in vitiorum sordibus heserit, aut quem peccati nox opacauerit? Verum quid ego incommemorandis tuis sordibus tanto opere laboro? quum, & mortuum te esse, & tanquam aliquod proiectum cadauer Daemonum, quasi ferarum immanissimarum dentibus, ac multo magis rapacissimis

simis tuae conscientiae morsibus dirumpi, atque discindi ratio, & veritas ipsa conuincat? O condiciones miseras Iniquorum, ò rerum vicissitudinem, deplorandam, ò infelicem animam, quantas tibi malorum moles exaggerauit, quae te illexit in scelera cupiditas? ignoras plane miser, quam maximas tibi calamitates tuae flagitiosae libidines peperere? nescis insane nescis, quam immensas, lateque patentes tibi ruinas patefecerit, quae te vorago vitiorumque gurges absorbuit? tu, in quem paulo ante diuino, ac singulari beneficio, noua atque admirabili ratione inefabilis trium diuinarum personarum maiestas tanquam in domum includebatur, qui mentis, ac voluntatis coniunctione prope vnum, atque idem cum Deo eras, qui ita illi carus eras, vt non aliam in partem libentius diuertere, quàm apud te mallet, quasi sine te esse non posset, quem omnes beatæ Caeli mentes colere, ac prope venerari solebant, qui semper propter te esse, tibi que in famulatum dari in summa gloria ponebant, ita ob peccatum summa hac felicitate euerterbaris, vt exiens à te Deus, te Daemonum



num inueterato in nos odio superbiae ,  
naequtiae , crudelitatiq; addiceret ,  
tuarumq; te cupiditatum monstris in  
diuersas partes trahentibus quasi di-  
scerpendum , dilacerandumq; relin-  
quere , Proh Deus immortalis , fieri ne  
potest , vt tanta mentes hominum cali-  
go inuasferit , vt quantas in ipsos calami-  
tates effrenatae eorum libidines effu-  
derint plane non videant? tantus stupor  
oppresserit , vt quibus conscientiae sti-  
mulis continuo appetantur , vlcerentur ,  
conficianturq; non sentiant? vt etiam  
intolerabilem odorem illum , qui extin-  
cto ex animo , & in gremio immanissi-  
mi pectoris sepulto efflatur eorum pro-  
pe ad nares non ferri demirer , nam si  
verum est , quod à philosophis sapien-  
ter est dictum , quo res nobiliori , seu  
praestabiliori natura praedita est , eo  
vita functam maiorem ex se gignere  
corruptionem , foedioresq; ex eadem  
excitari spiritus , quam tetros , quam  
foedos ex anima odores affari putatis ,  
qua nihil eorum , quae à Deo prodie-  
runt si Angelos excipias praestantius  
effluxit , nihilque reperitur in mundo ,  
quod propius ad diuinam Naturam vi-  
deatur accedere ? profecto tam pestifer  
hic

hic alitus est, vt quemadmodum putrida mortuorum cadauera, ne odore eorum teterrimo aerem inficiant, animalia necent, Ciuitates deleant, aut igni consumuntur, aut terrae visceribus includuntur; sic plane extinctus animus, ne quid vt ita dicam ab eo contagionis ad illam felicissimarum mentium abundantem bonis vitam beatissimam permanare possit, aeternis inferorum ignibus dedatur, atque infra omnes Terrae cauernas, infra omnes mortuos amandetur. Verum non modo ob peccata ab arctissima Dei coniunctione se iungitur, non modo à vita relinquitur, verum etiam supplicijs omnibus nefarijs hominibus constitutis obnoxius, perpetuis ignibus, vt dixi in omnem aeternitatem excrucandus, & comburendus, addicitur, quae est enim materies tam facilis ad exardescendum, quid tam ad concipiendum ignem paratum, quam resecta à vitae sarmenta? quem ea exitum si praetereuntes occurrerint ad extremum manet, nisi vt in fasciculos colligentur, atque in ignem conijciantur? quid spei tandem salutis eorum subesse putamus, qui succi nequidquam ex ea cui insunt planta trahentes exarue-

aruerunt, nisi eos hanc vnā spem, seu potius desperationem manere, vt à Deo tanquam ab agricola experto, ac diligenti à Christi corpore segregentur, ac denique satanae tradantur ad incendium? quod si tibi hoc ex re dispari parum simile ad eam rem, qua de agimus explicandam traduxisse mea videatur oratio, aut dubites plane non ita se rem habere, audi Christum ipsum referentem haec omnia ad vitium, agricolarumque similitudinem, tibi que prorsus similia minitantem, nisi fructus tali vitae dignos edideris, si quis inquit in me non manserit mittetur foras sicut palmes, & arescet, & colligent eum, & in ignem mittent, & ardet, quum enim antea Patrem Deum, tanquam nobiliorem personam, si cum Christi humanitate conferatur nobilius etiam munus insistentem induxisset, se vero tanquam hominem viti, nos vero palmitibus, qui eiusdem sunt prorsus naturae cum vite comparasset, si quis inquit se se nimium fuderit, luxuriansque siluescet sarmentis, omnem illi, qui se in eum fundit succum subtraham, planeque deducam, quid igitur mirum si statim arescet? quid mirum si Pater meus tanquam

Io. xv.

Aug. tract.  
30. in Ioan.

quam bonus agricola quidquid erit natum in hac arbore, vel siluestre, vel aridum, id statim amputauerit, ferroque coercuerit? non decent talem truncum steriles rami, at multo minus aridi, amputentur ergo, & a me proiciantur, & quandoquidem nullus in ijs usus esse potest, quam ad ardendum, lateque fundendum incendium, aggerentur. A Daemonibus in eos faces, accendunt ab eisdem in inferos perpetuis illis alendis, seu potius augendis ignibus exportentur. Postremo illud quoque inest in scelere mali, ut adeo mentis, ut ita dicam perstringat oculos, ut quibus undique septi simus pericula non intueamur, & usque eo consilium impediatur, ut summus furor, atque amentia consequatur. Nihil est Auditores quod mihi tanto opere admirandum videatur, quam cogitare quoduis vel minimum capitis, fortunarumque periculum, quamlibet vel leuissimam curam, ita animum excitare, eumque sub pectore fixam in varias partes versare, ut somnum ab oculis reuocet, atque omnem ab animo iocandi voluntatem eripiat, contra eos intueri, qui aliquo scelere constricti teneantur, quum tot iam conscient-

scientiae, scelerumque testibus conuicti, de damnatione sua dubitare non possint, quum maxima, eaque sempiterna supplicia effugere se nulla ratione posse certo sciant, nisi mutata velificatione ad poenitentiae portum confugerint, quum paene discedente terra imensa aliqua voragine, aut gurgite absorbeantur, non modo soluto animo esse, sine cura quiescere, sine metu spirare, verum se etiam insolentius efferre, liberiore licentia, seu potius audacia iactare, tempus voluptatibus luxuria, flagitijsque conterere, potest ne aliud fortius argumentum istorum caecitatis, miseriaeque depromi? potest ne manifestius eorundem amentia proponi, & quasi in aspectum adduci? tantus igitur miserande te stupor oppressit, vel ut verius dicam tantus furor, ut quum te execrandum Deo, detestabilem Angelis, quum omnes tibi bonos, & esse inimicos, & futuros scias, quum tantas tibi ruinas impendere sentias in tot periculis, in summa nisi te Deus adiuuet, salutis tuae desperatione, aut insolenter exultare gaudio, aut quietem capere possis? non ne repente quamuis te dormientē artissime amplectatur omnis

nis tibi somnus ab oculis excutitur, quum recordaris te Daemoni in seruitutem adiudicatum, eive conculcandum, omnique suppliciorum genere excruciansum traditum esse? cui si potestas à Deo esset, statim atque te à Christi societate distractum vidisset lucis usuram tibi tam diuturnam non dedisset, sed statim supplicium de te quam acerbissimum sumpisset, neque solum nostri generis hostes, verum animalia cuncta, Elementa, atque adeo creatae res omnes tuorum à te scelerum poenas experissent; si angues, leones, & alia eiusmodi ferarum genera, quas Deus homini ab initio dicto audientes effugerat, tamen vetus Parentum nostrorum scelus, qui Dei obedientiam abiecerant, ea nobis infesta, atque inimica reddidit, quas credis aduersus te, ob tua scelera simultates suscepturas, quibus tecum praelijs dimicaturas? non ne omnes sua in te crudeliter arma intenderent? immanitatem seuerissime exercerent? haec te pessime lacerarent, te illa veneno necarent, te alia vnguibus, dentibusque discernerent. Verum quamuis sine mente, sine sensu sis ut es, tamen te ob periculi magnitudinem, nunquam neque vigilantem, neque

neque in somnijs mente consistere oportet, quamvis sis, ut es violentus, & furens, tamen quoties tuorum tibi scelorum veniret in mentem, quoties ad mortis memoriam reuocareris, perterritum de somno excitari, furere etiam vigilantem necesse esset, at te non modo tuae, malae cogitationes, conscientiaeque animi non terrent, non modo poenae terror non vexat, verum etiam noua, semper scelera veteribus sceleribus addis, nullae tibi, aut auaritiae, libidinis inquinatissimae sordes occurrunt, in quas te non statim libentissime quasi sus lutulentus ingurgites; O immanem audaciam, o miserum hominem, tanta tibi terrorum, periculorumque materies tanquam tantalo saxum impendet, tu vero semper eandem coacervare, quo citius suo ruat pondere non desinis? te bonorum nemo aspicere sine lacrimis potest, tu solus tuis maximis damnis non commoueris? quousque Dei patientia abuteris? ecquando tua te maxima pericula à summo furore, atque amentia ad spem aliquam rationis, humanitatisque traducunt? an nescis impure inclusum illud Dei odiū multarum tuarum in diuinam eius maiestatem

ie statem iniuriarum posse, se omne in-  
te statim effundere? an te fugit scele-  
ste, tunc maxime in iudicium ex Chri-  
sti sententia te esse vocandum, quum  
tuus maxime furor in omni genere im-  
probitatis, nequitiaeque baccabitur?  
an ignoras nequissime tunc te sempi-  
ternis ignibus conflagraturum, quum  
maxime omnium libidinum turpissi-  
marum flamma combureris? Qui igi-  
tur id, quod fieri solet te conscientia,  
timidum, suspiciosumque non reddit?  
cur quum tot sceleribus quasi tot testi-  
bus coarguatis iam tum iudicium, cri-  
menque non horres? ut viris sanctissi-  
mis mirari saepenumero cōpigerit, pos-  
se ijs, qui aliquid inipie, scelerateque  
commiserint diem, aut noctem quie-  
tam esse, nec conscientia sceleris, &  
furore ex maleficijs concepto, excita-  
ri, & formidine agitari, ac perterreri  
quasi furiarum taedis ardentibus, qui  
fieri potest inquiunt (si ijs quibus pro-  
fitentur se credere fidem adhibent vl-  
lam) quum sciant imbroba facinora  
aeternis supplicijs post mortem vindi-  
cari, quum videant nullum esse diem,  
nullam horam, nullum instans mortis  
periculo vacuum sed eam semper prop-  
ter incertos casus imminere, quin sem-

O

per



per timeant, quin singulis momentis di-  
uinae iustitiae satellites in se irruentes  
aspicere, sibi que iam paene ligari, ad  
supplicium rapi, atque, ut ita dicam, in  
eos, qui sunt apud inferos ignes demer-  
gi videantur? Ponite ante oculos Au-  
ditores eorum quempiam, qui rei ca-  
pitalis damnati in vinculis seruantur,  
animaduertite in quantas animi angus-  
tias adductus sit, cogitate, qui aestus,  
qui terror, quae tenebrae sint homini  
omnium longe miserrimo, membra so-  
pori nunquam tradere, semper cuncta  
quae audiat, quaeque videat metuere,  
circumspectare omnia, & omni strepi-  
tu pauescere, videri sibi fores carce-  
ris aperiri, collo manibusque cate-  
nas iniici, iam horribiles militum cu-  
stodias circa se esse, carnificum mani-  
bus contrectari, denique supplicium,  
de se quam acerbissimum sumi: infe-  
lix vero peccator cuius peiori loco si-  
tae res sunt, à cuius opinione sempit-  
erni supplicij paena non abhorret, qui  
neque dubitat posse ea, quam sibi ex-  
aggerauit calamitatum mole repente  
opprimi; nihil tamen de salute sua so-  
licitus esse, finem peccandi nullum  
statuere, in summo ocio, ac volupta-  
te aetatem agere, quasi vero tantum,  
tam-

tamq; imminens periculum ad quem-  
 vis potius; quam ad se pertinere vi-  
 deatur. Iob vir ille sanctissimus, in  
 cuius vita ne vestigium quidem vllum  
 grauioris alicuius criminis appare-  
 bat, cuius singularis innocentia sum-  
 mis à Deo laudibus exornata est, in  
 quem adhuc Dei grauissimum illud  
 extat elogium, de quo nulla vnquam,  
 posteritatis aetas conticescet, nullae  
 vnquam litterae filebunt, omnem sci-  
 licet, quae in mundo eo tempore pro-  
 bitatem esset in eius persona constiti-  
 se; hunc igitur virum egregium, at-  
 que omni virtutum laude cumulatis-  
 simum ea fuisse vitae condicione sacra-  
 rum litterarum monumenta testantur,  
 vt à spe semper cui testimonium con-  
 scientiae velificabat, timoris aestu ab-  
 riperetur, inque concitatum diuinæ  
 seueritatis mare traduceretur, semper  
 enim; inquit; quasi tuentes super  
 me fluctus timui Deum; nullius enim  
 rei similitudinem, ita aptam ad eam  
 rem explicandam, quam voluerat su-  
 mere poterat praeter hanc, qua adeo  
 timorem de diuino Iudicio suum ex-  
 ponit, vt paene illum in oculis ponere  
 videatur: quam ergo vitae rationem  
 virum omnium sanctissimum inijsse,

Iob. c. 1.

Iob. c. 31.

Greg. l. mo-  
ra. 2 l. c. 16.

putamus? quo cruciatu timoris angustitum existimamus? fingite cogitatione si placet horribilis alicuius tempestatis imaginem, in qua tempestate, modo summa tanquam montium cacumina superantibus, modo in immensam paene vallium altitudinem deprimentibus se vndis, paruo quis nauigio inuectus hieme maxima intempesta, nocte, caelo vndique tenebris clauso iactetur, quem huic esse animum putatis, quid agere, quid cogitare existimatis, quum eius oculis mille mortis obuersentur imagines? quum mox aut ruituris in se fluctibus operiri, aut vorticibus absorberi, aut ad aliquod saxum deiici, infringi, comminuique se videat? quaero enim à vobis num illecebris voluptatū tentetur animus? at omnem repente libidinis ardorem pelagi feruentis aestum extinxisse responderis, interrogabo vos num vllam cogitationem habeat honorum, aut multum vulgi acclamationibus, atque inanis gloriae aura permoueatur? at furentis tempestatis vi, impetuque omnes honorum contentiones, omnes ambitionis motus, tumoresque confedis, quoque dicetis; petam postremo num fortasse diuitias,

-mud

caete-

caeteraque fortunae bona, aliquo in pretio habeat? putas ne statim inquietis, se mente, ac voluntate in fortunae bona, diuitiasque conijcere eum, quem eodem tempore cernas merces omnes e naui deicere, atque in mari praecipites agere; quorum gratia tam longum habuerat, tam periculofam navigationem fufceperat, tot vitae discrimina adierat? Si igitur quempiam aduerfa maris tempeftate iactatum, vt vitam, conferuare liceat voluptatum omnium obliuifci, bona, fortunaſque negligere videas propter magnitudinem periculi, magnopere admirandum eſſe non cenſes, at vero ſanctos viros, quibus, quocunque aſpexerant, ſemper eiufmodi periculum occurrebat, vt ſuae ſaluti proſpicerent, tale aliquid egiffe, admiraberis? non ne citius à ſalutari iſtorum timore peſtiferam ſecuritatem, & inanem fiduciam tuam coargui neceſſe eſſet? non ne à ſingulari iſtorum ſapientia, ſingularem etiam dementiam, & inſaniam tuam rationibus oporteret neceſſarijs addici? non ne talem tibi cogitationem iniicere, talem vocem excutere maximus hominum ſanctiſſimorum terror deberet? me miſerum ſi ij, qui placido tranquil-

loque mari vehebantur, summo cruciatu animi vitam agebant, verentes sum-  
 moperere ne diuinæ fluctibus iracun-  
 diae mergerentur, quo timore angi,  
 vel potius terrore perhorrescere eos  
 fas esset, qui irae caelestis pelago hor-  
 ribilibus ventis agitato, atque com-  
 moto tantam mox tempestatem subi-  
 turi feruntur? si valida nauigia remis,  
 anchoris, armamentisque omnibus, ac  
 praecipue spe maxima instructa pae-  
 ne cum salutis suae desperatione con-  
 fligunt; quanta porro eas naues despe-  
 ratio inuaserit, quae fractae commi-  
 nutae, & ad nauigandum inutiles, fra-  
 ctis anchoris, funibus eiectis, guber-  
 naculis ammissis, ab omni spe dereli-  
 ctæ, concitato mari fortunæ ludibrio  
 futurae pelluntur? O miseram ac de-  
 plorandam infelicitis animæ vicem,  
 quis nam, tam illi duras, iniquasque  
 leges imposuit? ut peiori sit condicio-  
 ne, quam caetera omnia, quod nam  
 eius adeo saluti aduersatur, ut quum  
 tanti sit eius salus, & incolumitas, ut  
 non reliquarum modo rerum iactura,  
 sed mundi totius interitus, atque rui-  
 na pro nihilo existimetur, si quum eius  
 labe, atque perniciæ conferatur, in eâ  
 tamen despicientiam venerit, ut res il-  
 li quam.

li quamuis vilissimae, quamuis abiectissimae anteferantur; quaeso si vnquā vnū, vel plures, aut pecuniam, aut rem sibi debitam iudicio persequentes aspexistis, si eorum disceptationibus interfuistis, illorum recordamini in quam optimis patronis deligendis prudentiam, in sapientissimis, & disciplina iuris ciuilibus eruditissimis viris adeundis diligentiam, aspiciate, vt vocati in ius veniant, vt citati respondeant, vt sint in suo iure defendendo, & probandis rationibus suis acutissimi, in Aduersarij fundamentis oppugnandis, ac plane euertendis acerrimi, & vt quisque ingenio est hebeti, atque tardo, tamen solertissimus, perspicacissimusque euadat, cogitate, vt fidem iudicum implorent, vt Deum, hominesque testentur, vt forum, atque subsellia inflexis ad miserabilem sonum vocibus impleant, vt studeat sibi quisque beneuolentiam Iudicis conciliare, atque odium in aduersarios struere, vt lectis, atque illustribus verbis vtatur, adeo vt nulla iam disertorum, atque eloquentium hominum praecepta desideres, sed ipsam demonstrationem accusationum, ac defensionum illarum doctrinam esse non mediocrem putes. At vero infelix anima,

quae iam extremo, ac sempiterno supplicio damnata est, & carnificum crudelissimorum manibus ad supplicij locum incredibili celeritate raptatur, ea inquā celeritate, qua orbes, qua astra, qua remotissimum illum Caeli complexum moueri, vertique videmus, quae sane tanta est, vt eam Astronomi cogitatione assequi vix possint, nec quisquam est, qui tantis eius malis salutem quærat, aut miserae auxilij, quidquam afferat: quis est tam durus ac ferreus, quis tam crudelis, & inhumanus, qui si quempiam duci ad supplicium videat, si vinctum catenis aspiciat, tametsi recentia sceleris eius vestigia contueatur, tametsi iure poena affectum esse censeat, tamen quum ea miseria praeditū videat, non eius praesenti fortuna cōmoueatur, non eius vicem doleat, atque deploret? te solum aduersus te ipsum quibusuis feris immanio-rem, te quauis bellua crudelior-rem tuae aerumnae non premunt? tu solus in omnium bonorum gemitu lætaris? in tua ipsius calamitate triumphas? te quem tantopere aliena damna afficiunt, non tui ipsius animi squalor, non luctus, non mortis acerbitas, non suppliciorum aeternitas à scelere

ad

ad partem aliquam humanitatis reuocare potest? Quare si quid in nobis mentis, si quid rationis, si quid consilij inest, Auditores, nostri tandem aliquando misereat, & si quis est, qui in aliqua culpa hæreat precibus, lacrimis eius paene se subtrahat, dum Iudicis animus flecti ad misericordiam potest, dum est ad ignoscendum paratus, nec suam defensionem in eam diem

differat, qua die omnes nostri labores, omnes lacrimae, omnes

conatus

in

iusto Dei furore, atque iracundia tanquam in scopulo perfringentur.





IO. VICTORII  
R O S C I I  
R O M A N I,  
D E  
R E T H O R I C A D I S C E N D A.



O R A T I O V I I I.



**P**LVRIMVM semper  
opis, ac dignitatis in  
eloquentia constitisse  
nemo est, qui nesciat, cu-  
ius admirabilis splen-  
dor non tunc modo eni-  
tuit, aut utilitas declarata est, quum  
eidem illa dicendi magistra, atque do-  
mina Graecia fastigium imposuit, aut  
in hac ipsa Vrbe viri omnium eloquen-  
tissimi, clarissimique Crassi, Antonij,  
Hortensij, Cicerones viguerunt, sed etiã  
in alijs, quæ secutæ sunt, id saeculum  
aetatibus maximam in Oratore inesse

vim

vim, & amplitudinem repertum est. Verum tametsi post C. Caesaris dominationem non adeo eloquentia ad honores consequendos priuato cuique contulerit, Omnis tamen vtilitas in vnius Ecclesiae commoda redundauit. Etenim vt de Iustino, Cypriano, Victorino, & cæteris taceã, qui saepius Christiani nominis dignitatem, existimationemque, à falsis impiorum calumnijs vindicarunt, ecquod fuit tempus, quo tempore turbulentissimis Haeresum, tempestatibus Ecclesiae nauis iactata sit, quin eas quoque singularis alicuius doctrina, accurata quadam dicendi copia represserit? Erupit quemadmodum à sapientibus viris accepimus, quum ex diuturno bello recreare se tandem, & leuare oculos res Christianae viderentur, illa ferox, immanis, detestabilis furia, sceleratus Arius, qui diuinitatem discerpere, distrahereque conatus in omnes Aegypti fines, in singulas fere Asiae prouincias, in bonam etiam Europae partem opinionum suarum virus effudit, effulsere eadem fere tempestate in tam caecis nubibus, atque procellis, illa quattuor Catholicae Religionis fulmina Athanasius, Basilius, Nazianzenus, Crysostrmus, quorum ictibus in-

genti

genti fragore tacta impietatis moles  
 multorum annorum ruina deiecta est.  
 Verum non multo post ferox haec bel-  
 lua exciso capite, tanquam immanis hy-  
 dra alijs pluribus capitibus reuixit, in-  
 de Manichæi, Sabellici, Pelagiani, & plu-  
 res aliae Haereticorum familiae profe-  
 minatae, quid ergo? repente clarissima  
 illa eloquentiae Christianae lumina,  
 tanquam singulare aliquod praesidium  
 ad dubia Ecclesiae tempora reſeruatū  
 apparuerunt, Ambrosius inquam, &  
 Augustinus, alijque, quos non idcirco  
 prætereo, quod non admodum suam in  
 confutandis eiusmodi erroribus ope-  
 ram probauerint, sed quod eorundem  
 fere luminibus istorum splendor obſtru-  
 xerit; hi itaque furentem hanc belluā,  
 & vastare omnia cupientem eloquen-  
 tia gladio perculerunt, denuo ex eadē  
 humi prostrata, suisque sepulta sordi-  
 bus, velut ex corruptione contagiosissi-  
 ma Manichæi pestis excitata est, quae  
 quum Alexandriam occupasset, nauibus  
 Romam ex Aegypto traiecit: restitit il-  
 lico venienti Magnus Pontifex Leo, illū  
 dico Leonem inter sanctos eloquentis-  
 simum; inter eloquentes sanctissimum,  
 qui postea eandem iisdem nauibus, eo-  
 dem vnde conscenderat fugientem, ita

*S. Leo Papa  
 tract. con.  
 Haer. Enti-  
 abatis.*

Occume-

Occuménico Concilio estinguendam, comprimendamque curauit, vt reuiuiscere non amplius posset. Nullo fere igitur tempore ita afflictæ religionis opes conciderunt, quin illo eodem tempore eloquentissimi alicuius hominis ingenio subleuatae sint. Immo prorsus sic statuendum videtur, & maiorem in Christiano oratore, quam priscis illis temporibus dignitatem inesse, & doctrinæ præsidia requiri maiora, & plura publicis rebus per eum adiumenta, quæ per veteres concionatores importari; non ne tantum in iudicia, atque conciunculas tanquam in aliquem girum compulso esse eos, qui habiti sunt eloquentes accepimus? non ne maximum specimen eloquentiæ dedisse putabantur, qui scelus, fraudemque nocentis in popularis inuidiæ flammam coniecissent? at vero Christianus orator omnino est à ciuilibus controuersijs remotus nihil de fundi, aut hæreditatis iure agit, omnis est illi cum vitiorum, atque scelere-rum monstris accurata, & vehemens, atque studio veritatis incensa contentio, ea tantummodo in controuersiam, & in iudicium vocat, quæ à maiorum institutis abhorrere, & fidei, ac veritati repugnare videntur, deinde plurimorum

rum

*Cic. l. 2. de  
Orat.*

rum fuit opinio, nihil fere prodesse, plerumque etiam obesse doctrinarum ex intima arte depromptam cognitionem in Oratore; ut etiam oratores summi, qui pectus ante artium plurimarum scientia complessent omnino omnis eruditionis expertes, ignarosque videri voluisse memoriae proditum sit, quod probabiliorem hoc populo orationem fore censerent suam, si ne litteris quidem tincti putarentur esse, certe, qui oratori plurimum tribuebant mediocrem in eo eruditionem, doctrinamque desiderabant; at vis Christiani oratoris, professioque ipsa polliceri omnino videtur diligenter eum antea, quaecunque reconditis in artibus versantur, inuestigasse, eaque scientia, atque memoria comprehendisse, quam enim habere vim poterit ad persuadendum, aut ad oppugnanda, planeque euerrenda aduersariorum commenta, atque mendacia, quae non maxima, exquisitaque doctrinarum omnium cognitione efflorescat, atque redundet oratio? Denique tametsi ornati homines indicendo, & graues generi hominum utilitates saepe maximas attulerint, si quis tamen eas recte dinumerauerit, multa plura detrimenta publicis rebus, quam adiumenta

menta

menta per homines eloquentissimos importata reperiet. Quoties disertorū hominum ingenijs ambitione praefer-  
tim exagitatis seditiones in Populo ma-  
ximae excitabantur? quoties homines  
nocentissimi quorum nulla vitae pars  
turpitudinis esset expers, qui ita in ma-  
nifesto peccato tenebantur, vt non mo-  
do recentia scelerum eorum vestigia,  
sed ipsa paene cubilia cerni ab omni-  
bus possent vnius oratione iudicium,  
seueritati eripiebantur? quoties saepe  
multi odio, atque furore amentes ad  
arma eloquentiae confugerunt, quibus  
vel inimicos prouocarent, vel se laces-  
si- ti vulciscerentur? at vero hic noster  
Christianus, atque omni laude cumula-  
tus orator, & si arma orationis semper  
teneat, quibus prouocare improbos  
possit, eius tamen omnis contentio nō  
ad priuatas iniurias, non ad propria  
commoda refertur, sed ad patrociniū  
Christianae Religionis, & ad eius, qui  
lace ssitur vtilitatem effunditur. Postre-  
mo sic aio Rebus publicis Christiano  
Oratore grauius, aut vtilius nihil posse  
constitui: ita enim nisi quid me oratio-  
cinantem fallit, à me ratio efficitur, cō-  
cluditurque: vnde caedes, adulteria, sa-  
crilegia, rapinae, nisi ab ira, odio, cupi-  
ditate

ditate, caeterisque animi motibus, quæ  
eae non satis reguntur à ratione, profi-  
ciscuntur? igitur, qui appetitus longius  
euagantes, & tanquam exultantes repri-  
mere, aut eos rationi obtemperantes,  
reddere studet, hic cedes, rapinas, atq;  
eiusmodi perniciosissima vitiorum ge-  
nera, quantum in se est à Civitate repel-  
lit, qua re ne cogitari quidem utilius,  
quidquam potest, at hoc Christiano  
oratori propositum est nihil igitur illo  
utilius. Atque ut caetera exempla mis-  
sa faciamus, non ne statim Germania  
ferè tota Principum suorum obedientiã  
abiecit, simul ac effractis pudoris, mo-  
destiaeque repagulis effusa est in omni  
intemperantia libido? non ne item, si-  
mul, ac cupiditatis flamma exarsit to-  
ta fere illico odio, avaritia, crudelita-  
teque flagrauit? non ne virtutum om-  
nium germen extinxit, simul ac primũ  
impurissima Lutheri decreta malorum  
omnium semen excepit? tunc caedes,  
adulteria, rebelliones tota passim Ger-  
mania factae sunt, quum pulsa ratione  
in cupiditatum dominatu omnium re-  
rum perturbatrix libido collocata est.  
Proinde quum tanta plane vis, utilitas-  
que in eloquentia versetur, ut exceptis  
semper caelestibus auxiliis omnes ei  
Chri-

Christianæ Reipublicæ protegendæ partes tribuantur; si vobis Adolefcētes optimi Ecclesiæ dignitas, & incolumitas cordi est, si vobis honori esse vultis, si caeteris mortalibus vtilitati, toto iâ pectore hoc studium, in quo vobis versandum esse duxistis amplectimini, neq; illa, quam diximus tam exquisita, tamque perfecta magnarum rerum, atque artium scientia vos incensos studio dicendi deterreat, immo quemadmodum ego sētio multo vos debet, ad id acrius impellere. Quid enim tam praeclarum excogitari potest, quam illi doctrinae deditos vos esse, quae omnium artium maximarum studijs contineatur? quid admirabilius existere, quam omnium rerum, virtutum disciplinarum vim, scientiam, varietatemque complexos esse? in quarum singulis separatim, qui elaborauerunt magnam sunt ferme laudem adepti, quis gaudio non efferatur dum cogitat tantam eius cui studeat artis esse gloriam, ac dignitatem, vt quascunque in oras disputationis regionesve delata sit tanquam in proprias sedes venerit, quocunque ingressa sit, scientiarum longe maximarum instructu, ornatu, comitatuque incesse? quis ad discendum non inflammetur, quum intel



ligat quemadmodum è summis montium amnes in mare perpetuo labuntur, sic ex altissimo sapientiae iugo in eloquentiam, tamquam flumina disciplinarum omnium defluere? Verum haec, qui assequi se posse desperant, qui se ingenijs ad illa eruenda, quae sunt in Philosophia minus acribus, & acutis essent sentiunt, qui ea, quae de diuinis rebus à Theologis traduntur excipere se posse diffidunt, quibus ad ea, quae Mathematicorum recõditis in artibus includuntur perueniendi facultas non est, moneo, praedico, vt ex hac nostra schola decedant, & eloquentes euadendi spẽ, simul abijciant, ne quaelo doctorem frustra fatigent, se ipsi cruciet, alios impediãt, qui demum verentur ne in eloquentiae pelago tanquam scopuloso, atque infesto ad aliquod saxum appellant, ad hãc nobiscum nauim non ascendant, sed nos ex portu prospero cursu, vela facientes intueantur. Afferit, nec inficiabor progredientibus saepe moram, & difficultatem viae longinguitas, asperitasque. verum haec omnia, atque his multo grauiora incõmoda iucunda loci, quo itur memoria leniuntur: praesenti igitur animo sitis, iam enim fiet, vt confecta navigatione omnem vobis molestiam ex animo

nimo præsens, quasi portus, eloquentiæ tollat aspectus, & summi labores vestri magna compensati gloria mitigentur. Quod si eloquentiæ parenti mirari tantopere contigit, quod quum tot summi homines, & summis ingenijs præditi se omni tempore ad dicendum contulissent, quum sua præsertim ætate secunda optimorum oratorum altrice, multo plures huic facultati, quam cæteris artibus inferirent, quum summa laus in eloquentia posita esset, quum spe vberima, & præmijs ad perdiscendum amplissimis allicerentur tamē vix singulis ætatibus, singuli tolerabiles oratores extitissent, suo vero tempore paucissimi, quos æquo animo spectare posset inuenirentur, quanto magis erit mirandum non modo si è vobis plures Deo bene iuuante summi oratores euaserint, verum etiam, si quod in vobis homines veteris eloquentiæ vestigium aspexerint? quos plausus excitabit, quos clamores commouebit, quas admirationes efficiet si referta sententijs, si ornata verbis, si pura, si dilucida, si apta, vestra erit oratio? quum pauci, ac nulli fere sint, qui in hoc exercitationis genere versandum esse existimēt, quum fere eloquentiæ studia interierint, quum in

omnia eius praemia caeterae, quoque artes inuaserint, quum certe nullum ad opes, & copias iter patefaciant? Quãobré Romani adolescentes ad eloquentiae laudẽ summa animi alacritate cõtendite, atque ex eo genere, atque in ea vrbe ortos vos esse recordamini, in qua summa dicendi vis inuenta, atque perfecta est, neq; quisquam existimet posse remotis his studijs, atque exercitationibus, aut alijs doctoribus, quã nostris doctissimis patribus, in hoc genere excellentem euadere. Etenim quemadmodum caeterarum fere bonarum artium, ita sunt etiam, in possessionẽ huius omnium praestantissimae facultatis quasi ventris nomine constituti, quam testamenti, vel haereditatis iure illis restituant, quos tanquam haeredes veteris eloquentiae, procreauerint, atque aluerint. Te vero Famiane strada Princeps horum omnium adolescentum, summo ingenio acerrimo iudicio, singulari memoria adolescẽs, non tam cohortandũ, quam summopere laudandum esse iudico, quod adiuuante natura, accendente studio, atque exercitatione tantam iam sis facultatem adeptus, vt quae vix alij perfecta aetate summo labore, magnis, diuturnisque vigilijs assequi consueverunt

runt, ea tu anteaquam qualia sint intelligere potuisti, paene puer. didicisse, planeque nosse videaris, & anteaquam primum eloquentiae vestibulum ingredi per aetatem potueris, in intima eiusdē penetralia peruenisse existimeris. Cuius virtuti quanquam fauco Auditores tamen non mediocriter etiam doleo praeclarum eius ingenium, summos, perpetuosque labores adeo nostrae precucurrisse industri, nullam, vt alijs fere laudem reliquerit. Quo magis nobis laborandum, vigilandumque esse iudico, cauendumque ne ab eius flagranti studio, incredibilique solertia tanto intervallo videamur abesse, vel saltem enitendum, vt eo quisque maiori dignus laude habeatur, quo ad hanc miram, & in hac aetate incredibilem dicendi vim, & copiam proprius accesserit.



IO. VICTORII  
 ROSCII  
 ROMANI,  
 DE  
 CHRISTI MATRÆ  
 ASSVMPTA,



ORATIO IX.



OMMVNIS Caelo,  
 Terraque laetitia ex glo-  
 rioso Dei Matræ, sanctis-  
 simæque Virginis trium-  
 pho Patres Religiosissimi,  
 caeteriq. Auditores or-  
 natissimi, Angelorum, atque hominum  
 animos ad triumphantis merita prae-  
 dicanda admirabili inter se voluntatis  
 nexu deuincit. Etenim diuersis quidem  
 de

de causis, sed in vnam Virginis gloriam contendentibus æque ab Angelis, atque ab hominibus, tam in illis Beatorum sedibus iucundissimis, quam in hoc exilij, atque aerumnarum loco ad memoriam nominis sempiternam, festus hic dies agitur; ab Angelis omniquidem genere laudis celebratur, quod summi Regis matrem iam praesentem, & tanquam ingens aliquod luminare, additum, Caelum noua luce complentē intueantur; quodq. eidem, soluto mortalitatis vinculo, effractoque corporis carcere, de ascensu in illam sempiternā domum, de amplissimo, atque gloriosissimo ex fugatis hostibus triumpho gratulentur; ab hominibus contra suauissimis vocibus, summaque frequentia exornatur; quod summopere gaudeant, post longa vota, post diutinas lacrimas precesque assiduas eius diuinum filium maximo, ac paene intolerando Virginis Matris desiderio concessisse, eamque ex tot, tantisque vitae huius incommodis, & molestijs exemptam; in felicissimis illis, omnique iucunditate refertis Beatorum choris collocasse; exultāt gaudio Angeli, quod Caelestis Regni diademā, fulgentibus stellis illustratum, expectatae diu Regi-

nae capiti impositum sit, quod susceptis aptum laboribus, aditisque dignum periculis, tantis esset virtutibus consentaneum, hic vero tota laetantium cantu personat Ecclesia; quod, licet vna nobis cum Virgine omne Mors lumen extinxerit, & ad vnius decessionem è vita, omnia etiam è terris ornamenta discesserint, tamen rebus, id nostris prope desperatis, relictisque perfugium, miseris atque iactatis leuamen accesserit: nihil vt iam sit, vel ab importunissimorum hominum malitia, vel ab humani generis hostis astutia pertimescendum. Verum si quaeratur ad quos potissimum, ingentes vtilitates, & maximae peruenierint, licet solis illis beatissimis mentibus felix eius è vita discessus bono fuisse videatur, quum ad illorum infinita, gaudia, aeternasque voluptates iucundissimus Caeli, Terraeque Reginae, Deique matris aspectus accesserit, perspicuum est tamen summam vtilitatum omnium, atque bonorum praesertim, in Homines redundare. Etenim beati omnibus vitae huius incommodis, molestisque perfuncti, in locum quietis, & tranquillitatis plenissimum, tanquam in portum ex longa navigatione venerunt, vbi iactis anchoris, maximae, & expe-

expeditae cuiusdam securitatis, in qua  
vita beata posita est, nullis amplius agi-  
tari fluctibus, nulla abripi tempestate,  
nulla absorberi procella iam possunt;  
sed habent pro comperto, fore se sem-  
per tum in maximis, tum in aeternis  
voluptatibus, nos vero in hoc Mari tur-  
bulentissimo grauissimis, & vehemen-  
tissimis contrariarum perturbationum  
flatibus, ita agitamur, & iactamur assi-  
due; vt, nisi se nobis patrocinantem Di-  
uina Mater praebuerit, & clarissimis  
distincta stellis Caeli verticem tenens  
nostrum iter, quasi dux nocturna cyno-  
sura direxerit; maximo in periculo  
versetur, ne aut, amissis rationis guber-  
naculis, rapido cupiditatis aestu abri-  
piamur, aut de eo, quem tenere debuif-  
semus cursu aliquantulum deflexi in va-  
da, & in scopulos impellamur. Quae-  
quum ita sint felicem huius beatissimae  
Virginis introitum in vitam beatam, &  
aeternam, quo omnium bonorum no-  
strorum origo, & summa continetur,  
quanta maxima possumus frequen-  
tia, & religione celebremus, cuius qui-  
dem laudatio, & si ad omnes Christia-  
nos pertinet, tamen haud scio, an alicui-  
us sit magis propria, quam nostra ado-  
lescentum, quos in eius tutelam tradi-

tos,



tos, maioribus habet beneficijs obligatos . Equidem , quod ad me attinet, quamvis paene opprimi me tanto onere sentiam, tamen cum illis dicto audientem me esse oporteat, quibus non modo omnes studiorum meorum, sed etiam vitae rationes commisi, ita in hoc certamen prodire non dubitabo, ut tantarum laudum cursum, quanta maxima possim, celeritate conficiam . A nostris igitur ceruicibus tantorum malorum mole depulsa, nobisque in possessionem veteris libertatis restitutis, quæ representari, nisi liberatoris morte non poterat, tandem seruator noster, spolijs inimicorum onustus, & tantis cum latus Gratiae muneribus, quanta capere humana Natura diuinæ annexa poterat, Caeli, Terrarumque à Deo Principatum acceperat . Verum orbitati eorum, quos omniū Gentium Magistros, arcanorum mysteriorum conscios, testes rerum à se gestarum locupletissimos elegerat, Parentem Virginem Virgini comendatam, magna quidem mutui doloris solatia reliquerat: tantisper dum delapsus è Caelo Spiritus sanctus metuentium animos, à summo timore, ac debilitate ad incredibilem fortitudinem, securitatemque traduceret;

&amp; na-

& nascentis fines Religionis, orientis,  
obeuntisque Solis regionibus termina-  
turos contra iniquitatem ludicum,  
contra Inimicorum acerbiteratem, con-  
tra Regum opes, atque potentiam,  
contra Iudaeorum insidias omnium  
virtutum praesidio muniret, cui & si  
perspicua satis haec Christi voluntas  
erat, atque adeo suas omnes appeti-  
tiones rationi obediens habebat, ut  
tanquam famulae eidem ad nutum ob-  
temperarent: non poterat tamen filij  
dulcissimi desiderio, usque eo non  
commoueri, ut mortem illi beneficij  
locum non reponeret: quo quam pos-  
set citissime, quanto in Christi conspe-  
ctum se committeret. Qualis erat  
Beatissima Virgo tui pectoris ardor?  
quae tuis erumpebant ab oculis lacri-  
mae? quae voces ex ore prodibant?  
quae, & quanta in te cupiditates cae-  
lestis Patriae iucunda filij memoria ex-  
citabantur? non est obscurus hic locus  
Auditores; ita enim ad nostram institu-  
tionem se palam gessit in vita, ut prae-  
claras eius virtutes coniectura iudica-  
re non sit necesse. Igitur qua interim  
in re elaborasse, qua voluptate deside-  
rium sui dissidij lenisse existimatis? qui-  
bus occupationibus, antequam Cae-  
lum;

lum, & in illum beatorum conuentum  
adiret ardentissimam sitim tolerasse,  
putatis? At otio se dederat, vel femi-  
neis luctibus, vel suum forte dolorem,  
animi libera quadam oblectatione,  
mitigabat? erras non quies illam, non  
remissio animi delectabat; non his pel-  
lebatur animi aegritudo solatijs; nemo  
vnquam conantem nemo oscitantem,  
eam viderat, quis enim in ea locus tor-  
pori, & negligentiae esse poterat, in  
cuius vita nulla hora, nullum tempo-  
ris momentum vacuum ab insignis ali-  
cuius virtutis vsu reperitur? quae pars  
cogitationum suarum deprimebatur in  
terram, quum iam omnes rerum ina-  
nium laqueis expeditae ad Caelum eri-  
gerentur? quumque, & si versabatur  
inter homines tamen videretur quo-  
dammodo viuere, & habitare in illis  
Caeli sedibus iucundissimis? nullum  
laborem quamuis natu iam grandior  
perhorrebat, non vrgentis somni ne-  
cessitas, non graua senectutis incom-  
moda; non productae ad multam nocte  
preces, non defessa labore membra;  
non assiduus vigilijs, & in edia confe-  
ctum corpus effecerat, quo minus libe-  
ro, atque expedito ad Caelum cursu con-  
tenderet; & inexplicabilibus complexa  
Christum

Christum nodis, se cum illo conglutina-  
ret. Erāt inquit Lucas, enumeratis di-  
scipulis, hi omnes vnanimiter perseue-  
rantes in oratione cum Maria matre  
Iesu. Ergo incensis, & nunquam inter-  
missis precibus, manens adhuc in cor-  
pore supra omnes caelestes orbes ani-  
mo peregrinabatur, in hoc curriculo se  
quotidie exercebat, in hoc opere dies,  
noctesque vrgebatur: non illa studijs  
sanctissimorum virorum obsecundauit  
solum, sed praefuit; non se comitem eo-  
rum pietati, sed ducē praebuit. O vim  
maximam precationum assiduarum.  
O virtutem omnium praestantissimam  
sine qua nec caeterae haberi possunt,  
neque ad breue quoddam tempus reti-  
neri: haec est illa arx munitissima, in  
qua praefidia defensionis suae consti-  
tuerunt ij, qui cum hoste humani gene-  
ris infestissimo conflictantur; qui mun-  
di oblectamentis, qui voluptatibus  
corporis, qui sibi ipsis bellum atrox,  
atque perpetuum indixerunt. Haec est  
illa mirifica quasi munitio, ac moles,  
qua quidem adeo a fretu diuinae ira-  
cundiae seiungimur, vt, nisi haec modi-  
ca inter capedo, intercedat paene mil-  
lies in singulas horas toti eiusdem flu-  
ctibus operiamur, haec est illa Patrona  
praecla-

*Acto. 1;*

praeclarissima, quae Iudicis animo ad Daemonis odium renouato, ac reuocato, & dolore vulnerum eorum, quae pro nobis accepit refricato, nos in possessionem salutis, ac defensionis nostrae constituit: haec depressos animos, & quasi demersos in rerum vilissimarum sordes ad illud altissimum Caeli domicilium erigit, ad res diuinas contemplandas extollit: haec res à nostris sensibus remotas, locorum intervallo disiunctas, praeterito temporis spatio, tanquam tenebris inuolutas, propinquas, praesentesque facit, ac paene statuit ante oculos eius. igitur viribus quasi alio animo quotidie, quandoquidem corpore non poterat in Caelum ferebatur, eoque comitatu, in Dei conspectum, in filij dulcissimi complexum venerat. Vbi quanta suauitate duci, quanta voluptate retineri, quibus blandimentis deliniri solita esset, non equidem meae esse opis existimem non humanae imbecillitatis, non huius temporis breuitatis explicare: hoc est plane illarum beatissimarum mentium opus, tuus etiam est sanctissima Regina labor, cuius haec toties gaudia caelestia diuinis sensibus percipiebantur. sentiebat Auditores, se noua

noua quadā, ac iucundissima voluptate perfundi, diuina suauitate liquefcere, ac paene exultare sibi inter choros Angelorum videbatur, quibus iucundissimis amplexibus, quum prope eisdem quasi laqueis teneretur, eorum saepe necessitatibus euocata, qui sibi erant in tutelam traditi, se se libenter expediebat. O miram Virginis Caritatem, o amorem maximum, ac prope diuinum, quid vnquam tale, nisi de Christo audiuius? magna profecto illa laus, & admirabilis videri solet suscepisse pro aliquo labores, atque pericula sine emolumento, ac praemio, summa profecto commendatio, quaeque habeat vberriam copiam ad laudandum, praecipuum aliquod commodum amici causa praetermisisse: at vero caelestes delicias neglexisse; aeternas quasi voluptates abdicasse, quo alijs prodesse possis? hoc quidem per se tantum est, vt id, qui faciat non is quidem sit cum hominibus comparandus, sed Deo simillimus iudicandus. Igitur tametsi beatissima Virgo cogitationes suas omnes defixas in Deum; tanquam vnum in locum haberet, tamen quando erat necesse bonam earum partem in aliorum utilitates,

Lucæ x.

tes, & commoda deriuabat, & quemadmodum Martha olim à Christo postlauerat, vt Mariam sororem suam ad diuini pedes Magistri salutaria Vitæ praecepta tradentis sedentem, pro potestate cogeret, suam cum ipsa operam ad cenæ ministerium adiungere; ita etiam acciderat saepissime, vt si quando corpus, quod propter eos, quos filio suo gratissimos esse constaret, assiduis vitae laboribus addixerat se se in caelestia desideria ferentem animū, ad haec munia pro parte subeunda auocaret, suam cum eo ad communem vtilitatē operam libentissime cōiungeret, fatius enim duxerat nullam cuiusuis laetitiae etiam caelestis rationem habere, quam committere, vt eius officij pars aliqua praesertim in Apostolos desiderari posset. neque idcirco distractum in diuersa studia animum tanquam in contrarias partes minus in preces intenderat. Etenim si illi semper orare intelliguntur, à quibus nullum quidem tempus intermittitur, aut de Deo cogitandi, aut de hominibus benemerendi, nos in Christi matrem cessationem vllam, vel minimā in studio orationis induxerimus, quum cum semper tenere vitae cursum poterit, vt quolibet temporis momento aeterna

terna

terna virtutum omnium monumenta,  
reliquerit? quoties igitur ad illam exi-  
stimatis Christi discipulos, quos ha-  
bebat in liberum loco de rebus arduis,  
ac dubijs retulisse? atque illius in deli-  
berando prudentiam, in consilijs dan-  
dis fidem, ac religionē admiratos esse?  
quoties magno aliquo, vel acerbo do-  
lore commotos, se ad illam contulisse;  
atq; in eius sermone, & suauitate, immo  
potius in eius suauissimo conspectu cu-  
ras omnes, doloresque deposuisse? quo-  
ties noua illa Ecclesiæ germina foecun-  
dissima, petita ferro iniquorum, religio-  
nes omnes pari impietate exaequare,  
nitenti, ad eius aram praesidij confugis-  
se? didicisseque contemnendos esse ini-  
quorū gladios, non pertimescendas Iu-  
daeorū insidias, inimicorū iniurijs oc-  
currendū, & alacriter pro eo ad suppli-  
ciū tanquā ad palmā festinandum, qui  
semel corpus, vt salutem daret libidini  
inimicorum obtulerit, seque in crucia-  
tus acerbissimos, & in mortem crude-  
lissimam summa cum voluptate tradi-  
derit? quam erat in hoc genere frequēs,  
quanta vi animi, quanto impetu, ardo-  
re, spiritu, vultu denique ipso persuade-  
re illis conabatur, ne beneficio prouo-  
cati steriles agros imitarentur, qui mul-

Q

to



to minus efferunt, quam acceperunt? sed quandoquidē ipsiam omnis praerapta esset referendae gratiae facultas, cum illius tamē Imperatoris ductu, auspicioque inferendis Caelo armis, sua saltē signa coniungere, ne dubitarent, qui in Regni eiusdem propugnatione, extinctus spiritum effudit in victoria? quas ad inflammandos illorum animos orationis faces adhibebat, ut saepe non tam illis consilium, quam incendium, tradidisse videretur? qua pietate tendēs supplices ad Caelum manus à Deo precabatur, ut filijs sibi carissimis, quos in spem caelestis Regni produxerat, opem auxiliumque praeberet; ut illis dignam Christiano viro, dignam Ecclesiae principibus fortitudinem inspiraret? & si diuinae opis explorata quaedā ratio humana mente concipi potest, talem exteritis fiduciā iniiceret, ut Deum secū stare, & inflicta nomini, corporiq. eorū vulnera, quodam quasi clypeo, galeaq. subire perciperēt, quibus referēdis illud etiam patriae caelestis desiderium aperiebat suum, & dolorem omnium acerbissimum ex longa Mortis dilatione contractum, quasi in eorum pietatem, & misericordiam, qui audiebant illam euomebat, quae nam igitur suspiria, quos

quos gemitus edidisse, quem lacrimarum  
insubrem effudisse putatis, dum pro Chri-  
sti discipulis, dum pro Ecclesia recens  
nata, dum pro se ipsa humiliter Deo, &  
parenti filio supplicaret? Quapropter  
tametsi inclinata iam voluntate in id,  
quo impellerentur satis sua sponte pro-  
penderent; ita tamen reuocatis in me-  
moriam Christi beneficijs, ijsque repu-  
tatis, quae officij ratio postularet, quasi  
currenti equo calcaria admouerentur,  
praecipiti ferè impetu, qua se se dede-  
rat ad eam rem via rapiebantur: vt mor-  
tis pro Christo obeundae studio acer-  
bissime dilacerari, ac paene mori viderentur,  
& eo usque commouebantur, vt  
incredibili dolore animi quaererentur  
iram in hostibus consedis, exorbendi  
Christianorum sanguinis ardorem de-  
ferbuisse, occidendique rabiem defecisse  
dolarent; his igitur stimulis eorum  
animi dies, noctesque concitabantur,  
haec vna tantum cura, alijs solitudi-  
nibus exoneratis infederat, non aliam  
praterquam rerum à Christo gestarum  
commemorationem, quasi viam quoti-  
diani eorum sermones ingrediebantur,  
nusquam erumpentibus eorundem co-  
gitationibus patebat aditus, nisi qua  
memoria rerum earum, quas ipsi oculis  
perceperant iter effecerat, quoties de

salutatione Angelica, de humana, diuinaque Christi natura in vnam hypostasim colligata, alijsque arcanis Christianae fidei mysterijs Dei matrem percunctantes multis verbis vltro, citroque habitis, dies, noctesque integras consumeabant? quoties admiratione defixi obstupescabant, quum eius temporis mentionem fecisset, quo tēpore sibi ad pariendum vicinae tēporibus exactis propter recti inopiā, in humili, ac paupere tugurio Deum parere, & in frigore pernoctare necesse fuit? praeterea Angelorū cantus, concussationem, obsequia, qui ex suis sedibus prosilientes, cuncti, se ad eius pedes proiecissent, & dominam, ac Reginam suam salutauissent, O quoties, quum in Christi mortis acerbissimae mentionem, eorum tandem recidisset oratio; & paricidarum Iudaeorū crudelitatis memoria, non cruciatuum acerbissimorum immanitate satiatae, non sanguine innocentis expletae, & praesertim fugae turpissimae recordatione refricarentur animi, quasi obductus recrudesceret dolor, vidisses illico veterem animi curam, molestiamque renouari: nec gemitus modo, sed etiam eiulatus edi exaudisses, quoties tu quoque mitissima Virgo ob amorem in eos incredibilem, & singularē his lacrimis

inge.

ingemiscebas? & luctibus illorum non parcius ipsa flebas, quam illi lacrimarentur? quoties ne omne eis prorsus ademisse solatium videreris, quibus ipsa debères esse solatio, bono animo illo dolore paene consumptos esse iubebas, commemoratisque ijs; quae de Dei clementia, & benignitate referuntur, pluribus verbis consolari dolorem illorum conabaris? Verum in eiusmodi colloquijs, Apostoli sanctissimi, magna quidem ex parte posita erāt doloris vestri solatia, at Virgini ardentiori Christi desiderio aestuanti, quasi quaedam verborum faces admouerentur, multo semper illa vehementius ad mortis cupiditatē exarserat; quūq. eū forte annū perfunctione illarū rerū propter; quae in hanc terrestre domū detinebatur, aditū ad tantæ spei euētum dare prospiceret, nihilq. iā superesse, quod posset illi impedimēto esse, quominus castra moueret, vasa colligeret, & de huius vitae praesidio, stationeque decederet; maiores fusae in lacrimas, & ardentiori incensa studio immortalitatis, à Deo enixe petere cœpit, vt si ei videretur, se custodijs corporis liberaret, & fortasse ad ea loca frequenter veniebat, vnde cursum suum, Christus in Caelum direxerat; vt vesti-

gium illud ipsum, in quo ille postremū  
institisset, contueretur, seque inde inuo-  
latum dare cupientis, haec quoque ex-  
trema, & tanquam cygnea fuit vox, &  
oratio. Quousque miserae mihi pater  
sanctissime, atque optime hic in terris  
morandum erit, ecquando istis, me cor-  
poris molestijs liberaueris? quousque  
istuc mihi aditus patere non poterit?  
dum infirma illa discipulorum turba,  
ducem aliquem, & rectorem sibi posce-  
bat, tamen acerbißimum mihi esset, ta-  
men viuere non recusavi, ne munus mi-  
hi assignatum à te Deo meo defugisse,  
viderer, nunc vero. quum eorum se se  
timiditas in fiduciam, ignauia in forti-  
tudinem verterit; quum iam conspicias  
nihil tuae voluntati resistere, sed Regū  
potentißimorum arma, pauperum nu-  
ditati, sapientium, & disertorū eloquia,  
atque consilia stultorum, vt aiunt, infan-  
tiae, veterem impietatem nouae reli-  
gioni cecidisse; laxa igitur, nisi tuo impe-  
rio alia, quoque Prouincia meo accessit  
labori, meum animum huius corporis  
vinculis, infer me in illum coetū beatif-  
simorum ciuium, votum meum imple:  
dum te etiam, atque etiam considerare,  
atque oculos tuo explere liceat aspectu  
iucundissimo, te procul intueri, & quasi  
in

in vltima caelestis Theatri cauea spectare non ab uno. Verum quum nihil sit tam incredibile, quod non conuenire in Christi matrem potuisse credamus, existimare etiam licet totum illum Caeli senatum data postulandi occasione, pro celi domina, ac Regina surrexisse, & humillimis precibus Deum, & hominem Christum rogauisse, vt carissimam sui partem extra communis periculi sortē euelleret, quid enim tā indignum esse, quam Dei matrem sacratissimam, atq; eidem ante omnes caram, eos quibus ipsa odio esset, habere? Quid esse minus ferendum, quam lumen illud clarissimū cuius fulgore Caelum illustrari, & colucere deberet, id apud illos, in eorum vrbe versari, quae recenti eorum furoris incendio, quae Christi caede, ac parricidio, quae nefarijs sceleribus, flagitijque flagraret, quid dolendum magis quam in illorum hominum turpissimorum domo, quae adhuc Christi Domini ad supplicium rapti vestigijs impressa esset, praeclarissima Caeli ornamenta reponi? quid indignatione omnium dignus, quam illorum manibus, quae adhuc sui essent Regis sanguine respersae teneri, & illorum oculis conspici, qui nunquam satiati, expleti que,

ab illo lacerato, vulneribusque cruentato corpore non potuerunt auerti? vna fortasse vox erat, ad hoc pari emissæ consensu, vt tanquam bonus Imperator & æquus, strenuum militem, & labore defatigatum, confecto vitæ bello missum faceret; quæ iustissima Matris postulata, Dei non reluctantem animum in suam sententiam impulerunt; & diuinæ eiusdem prouidentię visum est, tandem, vt Christi potiundi, & illorum æternorum bonorum auiditas, tanquā diuturna sitis eo potissimum tempore expleretur: & quemadmodum Hieronymus, inquit, exoptatissimæ rei velox nuncius, fidusque diuinæ voluntatis interpres Gabriel Arcangelus perpetuo virgini obsequio additus eligitur. Iam vero, quod est ingenium tantum, quæ tanta facultas dicendi, & copia, quæ maximum, & incredibile illud gaudiū, quo perfusa est optima, atque sanctissima parens, expresserit? illa quidem summa cum modestia gaudere, exultare, triumphare; sed sicuti erat vnicum probitatis exemplar, demisse Deo gratias agere, quod diuina Christi benignitas iam parata esset extinguere omnem diuturni sui desiderij ardorem, nec multo post accita Dei mors tandem imperio

rio roganti, obuiamq. prodeunti non  
asperas, non inimicas, non tristes, sed  
amicas, atque suaves iniecit manus, &  
multis quidem cum lacrimis, & lamen-  
tatione Christianorum virorum, mulie-  
rumque omnium, magno cum luctu, &  
gemitu Apostolorum, qui illuc ex om-  
nibus Terrae partibus diuino consilio  
conuenerant, Dei matrem Caeli decus,  
bonorum praesidium, orbis terrarum  
lumen extinxit. O fortunata Mors &  
omni vita dulcior, & carior, quæ finis  
fuit adumbratae vitae, & initium soli-  
dae, & incorruptae, quae portus malo-  
rum, & terminus humanae miseriae tan-  
ta cum voluptate reddita est ei, cui de-  
bebatur, morienti dulcis, decora Deo,  
Immortali Beatorum cōcilio iucunda,  
Terris suis detractis ornamentis omni-  
bus funesta, socijs, ac filijs in solitudine,  
& orbitate relictis acerba, ergo, qui ti-  
bi dies aeternae iucunditatis, atque læ-  
titiæ initium attulit, idem quoque om-  
nibus, qui te singulari religione cole-  
bant, ac venerabantur eorum quibus  
adhuc abundarunt solatiorum finem  
constituit, quae hora tibi felix, & glo-  
riosa eadem cæteris interuerso hoc cæ-  
lesti, diuinoque thesauro, calamitosa,  
ac tristis illuxit, cuius quidem corpus,  
quum



quum ex oppido exportaretur, quem  
fuisse creditis impiorum gaudium, qui  
existimabant homines in obliuionem  
eorum crudelitatis, atque facinoris esse  
venturos, si etiam Christi matrem, tan-  
quam indicem sui sceleris sublatam,  
esse vidissent? quem conuentum mulie-  
rum factum esse arbitramini, quum, vt  
credi facile potest, illud quoque corpus  
mox felicissimo illi spiritui aeterna so-  
cietate coniungendum, vngerent vn-  
guentis, complerēt coronis, & floribus,  
& vt tenuissimae earum opes ferebant  
ture, odoribusque incensis, vsque ad se-  
pulturae locum prosequerentur? quem  
fletum maiorum natu, quorum ferè om-  
nes illum, quoque diei memoria tene-  
bant, quo die illa innocentissimum fi-  
lium extremo, summoque supplicio af-  
fectum viderat, & dolorem omnium  
acerbissimum, tanquam aliquod telum  
totis animae visceribus hauserat? quam  
dissimilem hunc diem, illi diei videbāt  
esse, tunc enim ab omni aetate hominū,  
atque ordine acerbissimo quodam mor-  
su doloris dilaceratā fuisse viderant, at-  
que omni genere crudelitatis, & suppli-  
ciorum enecatā in filio, nunc vero cer-  
nebant animo tanquam oculis eandem  
ipsam exhausto vniuerso dolore, tanta

& incredibili voluptate perfundi, ut nullius non modo flumen ingenij, nulla dicendi, aut scribendi vis, & copia narrare, sed nec cuiusquam mens, & cogitatio capere posset illius animi diuini gaudia caelestia, tunc genti turpissimæ, & impurissimæ, vita eius in summa paupertate, vel potius egestate transacta, virginæ oris pudor, animi deiectio singularis, vestitus asperitas, & moderatio despicatui fuerat, atque contemtui nunc vero videre videbantur eandem splendore virtutum clarissimarum illustrem, omnis antea vite fructum, percipere magnum, immortalem, ita, ut non modo præsentis diei gloriæ nulla vnquam allatura esset finem ætas, sed eadem florescens in dies magis se etiam refunderet in posteritatem, & futurum aliquando esset, ut propter eximiam sanctitatem etiam hostibus digna, quæ sanctissime colerent videretur? felicissima igitur mors, & quavis vita licet iucundissima suauior, quod si ad speciem præclara, ad aspectum iucunda, ad æstimationem preciosa Deo videri solet mors sanctorum eius, quanto magis eius mouisse oculos, & delectauisse putamus felicem sanctissimæ omnium Virginis ex hac vita discessum, cuius integritas,

&

& innocentia singularis digna potissimum fuit, quae nouo, & admirabili, & omnem naturae vim excedente partu expleret diuturni desiderij nostri expectationem? si tanquam laborum, & miseriarum quietem non solum fortiter, sed etiam saepe libenter appetiuerunt ij, qui ferè perpetuis vitæ incommodis, atque molestijs conflictabantur, quod multas vno dolore animi, & corporis paenas saepe miseris adimi intelligerēt, quam te illā cupide mater sanctissima, atque optima adamasse crediderim, in qua vna perpetuo omnes fortunae fluctus tanquam in saxo frangebantur? si eam, denique boni, atque sanctissimi viri iucundam, & votis omnibus expetendam esse duxerunt, quod ea esset via in caelum, vbi illius praestantis, diuinæque naturae pulchritudinem, acie mentis diuino lumine illustratae percipientes, affluentem bonis omnibus felicitatē consequerentur, non est dubitandum, quin haec tibi certissima spes tam propinqui discessus obiecta, omnium maximam iucunditatem attulerit, quā ingentium meritorum frequentia circumseptam haberes pro comperto, te in sempiternum tempus immortalibus bonis fruiturā; & quot dies, quot horae, quot momēta  
tuæ

tuae vitae laborū plenissimae adderentur, totidem etiam tuae maximae gloriae, felicitatique deduci? Quae cum ita sint quid moror in terris, quin istinc ad vos ò caelites venire propero? quorum felicissima societate amores, & deliciae meae continentur, quorū non modo ad aures actionum, & virtutum illius concentus vehitur, verum etiam in oculis splendor, pulchritudoque defigitur, vel saltem, quum hoc fieri non possit cur in his artibus pro mea parte non verfor, quorum illa princeps fuit, & quarū adiumento ad caelum sibi viam cōmuniuit aequitate, labore, temperantia, castitate, studio virtutis, odio peccatorū? quousque humi defixa mea mens erit? quousque cogitationes meae in illa cæli gaudia defigendae in luto voluptatū, ac cupiditatū omniū totis vestigijs hebrebunt? quousq. leuissimarū quarūdam rerum, & quasi pueriliū ludorum vinculis veluti tenuissimis quibusdā laqueis contexto euerriculo teneri me patiar? ita ne res abiectissimae, & sordidissimæ meum animum suo pondere ita deprimant, vt maxime in terram propendēs ipse se erigere nequeat, eoque, quo hominum, Angelorumq. Regina penetrauit feliciter euolare? Iam vero, quæ vox quae,

quæ latera, quæ vires vix partē exiguā  
possint commemorādo sustinere earum  
laudum, & honorum, quibus in caelo,  
excepta est? existimare licet (sic enim,  
caeli Reginae dignitas, sic Dei matris  
nomen exigebat) processisse obuiam illi  
venienti Christum opt. maximum, feli-  
cissimæ matris foecūditatem, hominū  
generi salutarem, ad quam sicut omniū  
maximus dolor, ex crudelissima eius  
morte peruenerat, ita etiam maiorem  
præ caeteris ex ipsiusmet gloriæ læti-  
tiam venire voluisse: properasse deinde  
venerabilem illum veterum sanctorum  
Patrum chorum, eique voce maxima,  
tantum honorem gratulatos, actasque  
esse ab illis parētibus humiliter gratias  
à quibus hominū familia, atque cogna-  
tio profeminata est, quod aperto sūma  
eius continentia Patriæ caelestis in-  
troitu, quem ipsi omnibus sua inconti-  
nentia praecluserant, ad beatissima cæli  
gaudia, & clarissimam lucem per lōgos  
luctus, diutinasq. tenebras peruenissēt;  
egressos esse sacros diuinorum vatū coe-  
tus, maximeq. laetatos, ea omnia, quæ  
ipsi diuino afflati numine de ea, deq. fi-  
lio perobscure, & quasi per quædam in-  
uolucra ostendissent reiectis integumen-  
tis illustrata esse, & palam omnibus fa-  
cta,

Et, occurrisse beatam sanctorum innocentium turbam, seq. grauissos Christi causa in ipso vitæ huius limine, vestibuloq. abreptos in aliam longe præstabiliorem vitam, & nullum vnquam extremum habiturâ fuisse traductos; prodijisse ad extremum innumerabiles Angelorum, & beatorum omnium exercitus, atque adeo omnem Caelestem patriam, prope conuulsam ex suis sedibus obuiam venisse, & insolito plausu, & acclamationibus maximis exceptam, eorumq. agminibus clausam iniecta veste immortalitatis, Regali in sede, aeterno, vndiq. splendore circumfusa haud multum infra magnitudinis Christi fastigium posita collocasse. Verum, qui tibi beatissima Virgo in id honoris culmen euecta, sensus erat? quæ mens? credo equidem eam, Auditores, si pie nobis commetari licet supremam illam, atque diuinam Christi domini maiestatem intuentem, vehementer admiratam esse incredibilem eius caritatem, summam, inauditamq. clementiam plenam caelestis eloquentiae summis laudibus extulisse, quum præsertim replicaret memoriam rerum earum, quas ille gesserat in terris, & earum calamitatē cum præsentī felicitate conferret. O mitissime, atq; sanctissime

parens

parens fortasse dixerat, & simul fili generis, & sanguinis cognatione mihi dulcissime, quoniam pro dignitate laudare te satis commode non possum gaudebo tamen tua hac tam excellenti bonitate, & quoties ipsum te intuebor, à quo nusquam oculos deiciam, toties de tuis maximis beneficijs, toties de tua incredibili caritate, toties de tua singulari sapientia recordabor, qui quum tibi Dei formam gerenti innumera Angelorum agmina ad nutum præsto essent, amore saucius tua hac gloriosissima è sede cõsternatus te in has aerumnas intulisti, atq; homines tuæ erga eos benevolentiae præter alia, hoc quoq; habere fortissimum pignus voluisti, ego anteaquã tuæ beatissimæ, diuinæq. naturæ maiestas, ac gloria meos ad oculos perueniret, & in hanc felicissimã vitam introirem, mecum de tuo cogitans beneficio satis mirari non poteram vim tui amoris immensam, qui rem tibi tantam, tam nouam, tam incredibilem induxisset in animum, nunc vero oculis ipsamet cernens, quod assequi cogitando non poteram admiratione propemodũ obruor, & stupore paene deficio considerans te tantorum exercituum Regem, quorum prope immensis agminibus infinita cæli spatia

spatia complentur, tuam diuinam maiestatem natura mortali, quasi seruili quadam veste texisse, ut non modo nomen humano generi tuum ad translationem criminis accomodares, non modo vnũ te communis culpae reum substitueres, sed etiam quam damnatis crucem fixerās, tibi ipsi reseruares, quibus effatis complexũ Dei pedes humillimis verbis illi gratias egisse credibile est, quod quacumque omnes eius labores, omnia pericula participatur, etiam præmia comuni-  
casset. Verum ut eo tandẽ detur oratio, ni nostra digrediendi locus, quò maxime ad utilitates nostras recursa sit, repetate cum animis vestris, Auditores, quibus susceptis laboribus, periculisq, aditis tanta hæc, quasi merces rerũ ab ea, gestarum gloria, & immortalitatis præmia successerint, reperietis enim maximorum meritorum laudem, atq; omnia virtutum ornamenta in Christi matrem confluxisse, quibus tanquam gradibus in caelum ascendisse videatur, sed nulla à Christo virtus, ita in eius laude posita est, nullo ab alio fonte, eius adeo felicitatem deriuasse Christi voce testatum est, quam à singulari quodã studio, quo vehementius in dies semper incitabatur, ut suas omnes cogitationes, & stu-



*Luca xi.*

dia, ad diuinæ legis normam, perscriptumq. formaret; Etenim quum Christi verba, de loco superiore, necessaria ad salutē praecepta tradentis, fauore multitudinis, atq; omnium applausu exciperentur, atq; mulier vna ē circumstantiū turba exclamasset, ò beatam quae te genuit parentem, & cuius ab ubere lac suxisti, immo oportere eos perbeatos esse existimari respondit, qui aures ad Dei verba hebetiores non haberent, sed eadē percepta animo, obsepta memoria, eaq. diligentissime custodita, quasi ex vmbra saepius in exercitationē tanquā in mediū agmen educerent, quid meā tu tantum matrē tali foecunditate beatam praedicas? non eiusmodi praconijs eius singularis gloria fulcitur, nō eo loco iacta sunt altissima felicitatis eiusdē fundamenta, aliud nempe est, quo vere beata appellari potest, Dei legem incredibili studio amplexa est, & in eius voluntate constantissime perseuerauit proxime deinde ad hanc laudē accedit illa singularis, & omnium linguis, atque literis praedicanda virginitas, cui quidē tantus honos summo Dei iudicio delatus est, vt eius sanguine tanquam humore collecto illam coegerit nubem, quae se intus includeret, quaq; effuso imbri, terram

terram large, effuseq. rigaret. Nulla nota, nullo colore, nullis sordibus alliti in illam Caelestem patriam ingrediuntur ergo, qui adhuc sunt in possessione celestissimi illius pudicitiae, & virginitatis fastigij, vigilantissime illud contra carnis insidias tueantur, ad eiusdem conseruationem spiritum, & sanguinem conferant, iugulum potius, quam pudicitiam praebeant. Quos vero, aut vehemens perturbationum imperus, aut vis aduersariorum, & importunitas de eodem culmine deiecerit, alteram continentiam argem, scilicet castitatem teneant, primum enim virgines, quemadmodum,

Regius vates cecinit post virginum Reginam ad Dei conspectum producetur, *Psal. 44.* quas deinde castitatis studiosi consequentur, adducentur, inquit, Regi Virgines post eam proximae eius afferentur illi. Qui igitur in prima aciei fronte pristinae integritatis nitore conspiciendum vitij decertare non possunt, in altero militiae cornu consistent. Tu vero sanctissima Virgo, quae hodie supra omnes caelestes orbis euecta, supraq. omnes beatorum sedes constituta aequam laborum tuorum mercedem accepisti, despice nos, atq; tuis precibus adiuna, quos iam olim in solitudine destituisti, R 2 nobisq.

nobisq. pietatē à Deo, caeterasq. virtutes impetra, quibus in istam sedē, aeternamque domum ascendisti. Tui nominis aeterna memoria cum hoc templo consecrata est, tibi haec cura suscipienda est, tibi haec opera sumenda: ut hic ornatissimus Romanorum adolescentum conuentus, qui se tibi praecipuo quodam reuerentiae vinculo deuinxerunt pectora, omnium virtutum praesidio in hoc huius miseræ vitæ bello muniant, postea corporibus elapsi vitæ tecum perpetuitatem pariter, & gloriam consequantur.

**LAUS DEO B. Q. V. M.**



**PRO**

## PROBLEMA.

**D**E monstrandum est fieri posse, ut constituto in aliqua mensa lumine, & è directo luminis ultra quoddā foramē, vel rimā homine; homo quidē ille à lumine illo illuminetur, ipse tamen, quæ ad utranque sunt partem luminis videat, lumen tantum ipsum videre non possit, & multa alia, quæ enumerare longum esset, demonstrari tamen eadem demonstratione possunt, quam mox adducemus, ubi prius unum, vel alterum, quod dilucidiozem, breuioremque reddat demonstrationem premiserimus ex prospectiuis.

Primum est, id quod 1. lib. 2. Theorem. Vitellio, & num. 2. lib. 7. Albacen Instrumento quodam experiri conatur, videlicet radios, quorumcunque luminum, & multiplicem formam, secundum rectas lineas protēdi. Radium vocant lineam luminosam, quemadmodum & lineam radialem eam per quam formarum fit diffusio: ex quo patet tam radium, quam lineam radialem differe à linea Mathematica. si enim per lineam Mathematicam, aut lumen, aut

62  
ulla formarum defferri posset, cum eadem linea Mathematica ex unico solum puncto corporis luminosi, vel aliqua forma imbuti protendi queat, necesse esset lumen quoque aut aliquid formae in puncto mathematico posse existere, quod formis corporeis concedi nequit.

Radius igitur, vel linea radialis omnino erit linea physica, videlicet, huiusmodi, quae licet non solum in longum, ut linea mathematica, sed etiam in latum diuisibilis sit in infinitum, actu tamen, quoad eius latitudinem amplius subdividi non possit, vel certe, quae latitudinem eam obtineat, quae necessaria est, ad partem aliquam luminis, vel formae deferendam. Vtuntur nihilominus per-  
spectivi in suis Demonstrationibus lineis mathematicis, quas medias imaginantur intra radios, vel lineas radiales, propterea quod per huiusmodi lineas non modo error nullus demonstrationibus afferatur, sed potius ab erroribus hac via vindicentur, illustrenturque ut experientia ipsa testatur, quibus proinde, et nobis tum in propositi problematis demonstratione, tum in confirmatione paulo ante adducti Theorema-

tis,

tis, & alterius deinceps adducendi uti  
licebit. Et licet supradictum Theore-  
ma sine ulla comprobatione assumere  
possemus, quippe quod ab alijs iamdu-  
dum pluribus experimentis sit stabili-  
tum; quia fundamentum tamen, id  
ipsum est eorum fere omnium, quae di-  
centur, non ab re fore puto si eius veri-  
tatem uno. vel, vel altero argumento  
praesentem exhibeam.

In primis ergo mirum videri non  
debet radios, quorumcunque luminum  
multiplicationemque formarum siue  
specierum, quam per lineas radiales fie-  
ri constat, secundum lineas rectas pro-  
tendi, quum eae omnium linearum ab  
uno puncto ducibilium in alterum sint  
breuissimae, nihilque proinde videan-  
tur habere superfluitatis, quam quidem  
prouidissima natura auersata est, auer-  
sabitur ergo etiam hanc in extensione  
luminum, formarumque superfluita-  
tem, quae sicut ad arcuatas, cuiuscun-  
que sint generis lineas non consequitur,  
ita per lineas rectas summe compendio-  
sus conuenientissime euitatur.

Deinde si (quae in huiusmodi quae-  
sitionibus soluendis exactissima esse so-  
lent) consulere velimus magistram ex-  
perientiam, rem ita se habere, ut modo

ratione persuasum est; hac via, & experimento discemus.

In tabella aliqua longa, & plana, quae sit, verbi gratia  $A B C D$  si ducta per eiusdem longitudinem  $E F$  & prope extrema latitudinis eiusdem tabellae sint quoque signatae rectae  $G E H$  &  $I F K$  Rectam,  $E F$ , secantes per undecimam, primi ad angulos rectos in  $E$ , &  $F$ , ex quibus rectis,  $G E H$ ;  $I F K$ , erigantur aliae duae tabellae  $G H L M$ ,  $I K N O$ , mediocris crassitiei, quae per scholium propositionis 18. lib. 11. Euclidis rectae existant super planum tabellae  $A B C D$ , eademque exiguis perforantur foraminibus in punctis  $P$ , &  $Q$ , rectarum  $E P$ ,  $F Q$ , quae in planis  $G H L M$ .  $I K N O$ , eductae sunt ex punctis  $E$ , &  $F$ , perpendiculares ad rectas  $G H$ ,  $I K$ , per 11. libri 1. sintque  $E P$ ,  $F Q$ . aequales, atque adeo recta  $P Q$ , iungens foramina  $P$ , &  $Q$ . existat per ea, quae iam demonstrabuntur parallela ipsi  $E F$ , quoniam enim plana  $G L$ ,  $I N$ , rectae sunt ad planum  $A B C D$ . cum quo faciunt communes sectiones rectas  $G H$ ,  $I K$ , rectaeq.  $E P$ ,  $F Q$ , in eisdem planis  $G L$ ,  $I N$ , statuuntur perpendicula-

res ad prædictas cōmunes sectiones  $GH$ ,  
 $IK$ , erunt per 4. defi. 11. eadem recta  
 $EP$ ,  $FQ$ . perpendiculares ad planum  
 $ABCD$ ; & per 6. eiusdem libri erunt  
inter se parallelæ: & idcirco, quum per  
7. eiusdem tam recta  $EF$ , quam recta  
 $PQ$ . in eodem existant plano cum re-  
ctis  $EP$ ,  $FQ$ , omnes quatuor rectæ  
 $EP$ ,  $FQ$ ,  $EF$ ,  $PQ$ . in eodem plano  
erunt, & quoniam rectæ  $EP$ ,  $FQ$ . ut  
dictum est sunt æquales, & parallelæ  
erunt quoque per 33. primi rectæ  
 $EF$ ,  $PQ$ . parallelæ, quod erat demon-  
strandum. Fiat præterea tertia tabel-  
la  $RSTV$ , prioribus  $GL$ ,  $IN$ , per om-  
nia similis non tamen affixa plano  
 $ABCD$ , sed libera ita, ut nunc promoueri  
possit versus tabellam  $GL$ , nunc retra-  
hi versus oppositam  $IN$ , semper tamen  
insistat recta plano  $ABCD$ , & recta  
 $TX$ , in cuius extremitate  $X$ , perfora-  
ta est quoque tabella,  $RSTV$ , quæq;  
æqualis ponitur ipsis  $EP$ ,  $FQ$ . semper  
existat perpendicularis ad planum  
 $ABCD$ . & ad rectam  $EF$ , id quod fiet si  
eidem tabellæ  $RT$ , affigatur triangu-  
lum,  $abc$ , ita ut rectum sit ad eandem  
tabellam, & eius latus  $bc$ , rectum tam  
ad rectam  $RS$ , quam ad rectam  $TX$ ,  
hac enim ratione, ubiunque eadem ta-  
bella




bellam  $RT$ , posita fuerit super tabella  
 $ABCD$ , si quidem latus  $bc$ ,  
 trianguli  $abc$ , congruat rectae  
 $EF$ , erit tam recta  $RS$ , ad  $EF$ , quam  
 $TX$ , tum ad eandem  $EF$ , tum ad pla-  
 num  $ABCD$ , perpendicularis, atque  
 idcirco in eiusmodi situ tabellae  $RT$ ,  
 eadem recta  $TX$ , semper erit parallela  
 rectis  $EP$ ,  $FQ$ , per 6. undecimi, & re-  
 cta  $PQ$  transibit perpetuo per foramen  
 $X$ , quum anguli  $PXT$ ,  $QXT$ , semper  
 sint recti, & ideo per 14. 1. rectae  
 $XP$ ,  $XQ$  unam eandemque constituent  
 rectam lineam  $PXQ$ .

Hoc instrumento in hunc modum  
 constructo facili negotio experiemur  
 num radij, verbi gratia, solares per li-  
 neam rectam protendantur intromisso,  
 namque per utrumque foramen  $P$ . &  
 $Q$ . radio  $PQ$ . si tabellam  $RT$ , primo qui-  
 dem constituamus prope tabellam  $GL$ ,  
 postea vero paulatim ab ea remouea-  
 mus versus tabellam  $IN$ , ita tamen  
 ut semper latus  $bc$ , trianguli  $abc$ . con-  
 ueniat cum recta  $EF$ , aduertemus eun-  
 dem radium  $PQ$ . penetrantem forami-  
 na  $P$ , &  $Q$ . transire semper per foramen  
 quoque  $X$ , quod fieri nulla ratione pos-  
 set nisi radius  $PQ$ . per lineam rectam  
 foret extensus hoc est idem semper exi-  
 steret

quoduis foramen tantum videre ex superficie rei alicui foramini oppositae, quantum intercipitur inter rectas lineas eduētas ex oculo per extremas oras foraminis, terminatasque in superficie ipsius rei.

Sit enim visus  $A$ , foramen quadrilaterum; verbi gratia,  $BCDE$ , & ultra foramen sit planum quoduis  $IG$ . in qua rectae eduētae ex oculo  $A$ , productaeque per angulos  $BCDE$ , terminantur in punctis  $EGHI$ , neētanturque  $FG$ ,  $GH$ ,  $HI$ ,  $IF$ , in quas necessario incident reliquae lineae emissae ex oculo  $A$ , per quaevis alia puncta laterum foraminis  $BCDE$ , hoc est omnes; rectae duētae verbi gratia ex  $A$ , per quaevis puncta lateris  $BC$ . (eadem enim est ratio de caeteris,) productaeque ad planum, usque  $IG$ , pertingent ad punctum aliquod rectae  $FG$ , propterea, quod per 2. 11. rectae  $FG$ ,  $BC$ , sint in eodem plano trianguli  $AEF$ , & cōmunis sectio eiusdē triāguli  $AFG$ , & plani  $IG$ , sit per tertiam eiusdem recta  $FG$ , dico igitur oculū  $A$ , ex plano  $IG$ , solū videre superficiē  $FGHI$ , primo. n. quoniā visio sit per species visibiles & ideo ab oculo eas solū videantur, quorū species ad eum pos-  
sunt



*sunt*


sunt pertingere, necesse est oculum existentem in  $A$ , per foramen  $BCDE$ , ea solum videre ex superficie  $IG$ , quorum species visibiles per idem foramen  $BCDE$ , peruenire possunt ad eundem oculum  $A$ . Deinde quoniam in Theoremate paulo ante demonstrato ostensum est species illas visibiles per lineas rectas deferri consequitur eundem oculum  $A$ , ea solum puncta superficiei  $IG$ , posse conspiciere ex quibus possibile est rectas educere, easdemque protrahere per foramen  $BCDE$ , usque ad oculum  $A$ . Quod si ergo ostendamus solum ab illis punctis, quae sunt intra quadrilaterum  $FGHI$ , per foramen  $BCDE$ , produci posse rectas ad oculum  $A$ , confirmatum omnino erit, quod assertitur. Id autem deducemus in hunc modum.

Sumatur intra quadrilaterum  $FGHI$ , quoduis punctum  $K$ , neclaturque  $AK$ , dico eam transire per foramen  $BCDE$ . per  $K$ , enim ducatur  $LKM$ , neclanturque  $AL$ ,  $AM$ , quae iuxta superius demonstrata secabunt latera  $BC$ ,  $ED$ , in  $N$ , &  $O$ . eruntque rectae  $LM$ ,  $NO$ , in eodem plano, ac proinde recta  $AK$ , quae existit inter rectas  $AL$ ,  $AM$ , secabit rectam  $NO$ , inter puncta  $N$ , &  $O$ ; verbi gratia in  $P$ . &

ideo

extremities foraminis BCDE, constat  
 utrumlibet oculorum (eadem est in  
 utroque ratio) tantum videre ex su-  
 perficie rei alicui foramini oppositae,  
 quantum intercipitur inter lineas re-  
 ctas eductas ex oculo per extremitates  
 foraminis, terminatasque in superficie  
 eiusdem rei, id, quod secundo erat de-  
 monstrandum.

His ita praemissis, & demonstratis,  
 ut ad propositi tandem Problematidis de-  
 monstrationem veniamus, ducantur  
 in aliquo plano, quaecunque duae re-  
 ctae AC, BD, se se secantes, facien-  
 tesque angulos, utcumque acutos AEB.  
 CED, interque rectas EA, & EB,  
 applicetur iuxta ea, quae in scholio,  
 Propos. 34. lib. primi Euclidis afferun-  
 tur recta FG, sic ut rectae EF, EG,  
 sint aequales, & ipsa recta FG, minor  
 sit quatuor digitis, hoc est minor di-  
 stantia oculorum, quae à Vitelli.  
 Theorem. 108. lib. 4. & ab Albazen.  
 num. 12. lib. 3. suae Opticae quatuor  
 fere digitorum poni videtur & rur-  
 sus inter easdem EA, EB, applice-  
 tur recta AB, quatuor fere digito-  
 rum ipsi scilicet oculorum distantiae  
 aequalis, adeoque maior recta FG,



Praeterea inter rectas  $EC$ ,  $ED$ , applicetur similiter recta  $CD$ , maior latitudine rei, quam libet abscondere. Et quoniam triangula  $EFG$ ,  $ECD$ , sunt isoscelia habentia angulos ad  $E$ , equales erunt per Corollarium primum 32. primi reliqui duo anguli equales  $EFG$ ,  $EGF$ , trianguli  $EFG$ , equales duobus angulis equalibus  $ECD$ ,  $EDC$ , trianguli  $CED$ ; adeoque angulus  $EFG$ , aequalis alterno  $ECD$ . & ideo quum per 27. primi recta  $CD$ , hoc est, eadem utrinque protracta videlicet recta  $HI$ , sit parallela ipsi  $GF$ , erit per 29. primi angulus externus  $AFG$ , aequalis interno, & opposito  $F GH$ , sed angulus  $AFG$ , una cum angulo  $FAG$ , duobus est rectis minor, per 17. primi igitur, & angulus  $HCA$ , una cum angulo  $FAG$ , minor est duobus rectis, sunt autem eadem de causa quoque anguli  $IDB$ ,  $DBI$ . minores duobus rectis; per 13. igitur pronunciatum rectae  $AG$ ,  $BF$ , protractae concurrent cum protracta utrinque  $CD$ , videlicet in  $H$  &  $I$ . Intelligatur iam in punctis  $A$ , &  $B$ , constituti duo oculi,  $A$ , &  $B$ . & per rectam  $FG$ , ductus paries, qui aperturam habeat cuius latitudinem mensuret  $FG$ , at vero altitudinem rabeat

habeat quamcumque. deinde ultra  
 hunc parietem inter quidem rectas  
 $ED, EC$ , intelligatur constitutum  
 aliquod visibile, verbi gratia, cubus  
 $M$ , inter vero rectas  $BD, BI$ , inter-  
 que rectas  $AC, AH$ , duae pyra-  
 mides  $N, O$ , quas dico videre  
 oculos existentes in  $A, B$ , per fora-  
 men  $FG$ , quamvis cubum  $M$ , eisdem  
 per foramen  $FG$ , directe oppositum  
 nullo modo videant. nam per Theore-  
 mata duo paulo ante demonstrata ocu-  
 lus existens in  $A$ , solum ea videt per  
 foramen  $FG$ , quae comprehenduntur  
 inter rectas  $AC, AH$ , & similiter  
 oculus existens in  $B$ , solum ea, quae  
 continentur inter rectas  $BD, BI$ .  
 quum igitur cubus  $M$ , existat tam  
 extra rectas  $AC, AH$ , quam extra  
 rectas  $BD, BI$ , pyramides vero  $N, O$ ,  
 inter easdem contineatur ut supposi-  
 tum est; Pyramis, quidem  $N$ , inter  $BD,$   
 $BI$ , & pyramis  $O$ , inter  $AC, AH$ :  
 ideoque oculus quidem  $A$ , conspiciet pyra-  
 midem  $O$ , & oculus  $B$ , pyramidem  $N$ ,  
 neuter tamen intuebitur cubum  $M$ ,  
 & nihilominus cubus  $M$ , si lumen  
 haberet illuminaret aliquam partem  
 faciei inter oculos  $AB$ , eo quod directe  
 opponatur foramini  $FG$ , ut patet. Ean-  
 demque



demque qd causam si super cubum M,  
 intelligatur positum lumen aliquod il-  
 lud illuminaret quidem similiter par-  
 tem faciei inter oculos A, & B, ipsi ta-  
 men oculi A, & B; licet viderent ea-  
 quae ad utramque sunt partem lumi-  
 nis, nempe pyramides N, & O. lumen  
 tamen ipsum videre non possent.

F I N I S.



## *Errata*

## *sic corrige*

pag. 21. Numeris  
32. Fatiscis  
42. Recipere vellent  
46. In Hieronymus  
59. Gradibus  
66. Respondeba  
68. Amandus  
70. Et in lucemque  
89. Ac  
196. ornatae  
221. scelerum  
223. oratiocinantem  
224. eae  
209. imbroba  
236. Conantem

Numeris  
Fatiscis  
recipere  
Hieronymus  
Gradibus  
despondebo  
Amandandus  
in lucemque  
ad  
ornate  
scelerum  
ratiocinantem  
ij  
improba  
cessantem





# Regestum.

† A B C D E F G H I K L M N O  
P Q R S.

Singula sunt folia , præter S, & †,  
quæ sunt semifolia.



R O M Æ,  
*Apud Aloysium Zannettum. 1603.*

---

Superiorum permissu.

Handwritten text, likely a title or address, appearing as a series of connected loops and curves.

Handwritten word, possibly "Regiment", written in a cursive script.

Handwritten text, possibly "ABSCHEIDUNG" or similar, followed by a small mark.

Handwritten text, possibly "Singuläre", followed by a small mark.



Handwritten text, possibly "A. M. A.", followed by a line of text that appears to be "Bibliothek der Universität".



E



